

中國方志叢書·華中地方·第六六號

據


清·姚寶燿等修范崇楷等纂
清·嘉慶十六年修·民國六年重刊本

影印

浙江省

西安縣志

(一)



成文出版社有限公司印行

5/96/13



10097776

中華民國五十九年三月壹一版

西安縣志

全四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三三〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

民國六年重刊

衢州聚秀堂印

衢
安
縣
志

衢縣公署藏板

重刻西安縣志弁言

居今日而刊舊志非

鑄西

意也

鑄西

以四年一月來

宰是邑既視事搜求邑乘不可得懸重價購之尠有
應者文物風俗靡所考鏡心甚戚焉爰亟力徵訪久
之得二本一曰康熙志爲陳公鵬年知縣事時所纂
輯一曰嘉慶志成於嘉慶辛未乃西安縣令姚公寶
燴重修者滄洲一代聞人手勦斯志誠爲偉業姚公
賡續前賢復加增訂作者述者胥具苦心顧自嘉慶
以來至於今已百有餘年矣耆獻無徵風尚多變矧

復改革以還新舊遞嬗府制既除縣名亦易將欲發
明新意潤色鴻業自非別爲一衢縣志不足以紹述
前聞昭示來許居恆抱此區區蘄達素愿而未能者
厥有三難泄任之始旱澇頻仍賑撫兼施心力俱瘁
洎乎帝制復萌海內多事浙局既變衢防尤嚴修廢
舉墜實有未逮此時勢難邑之有志無異國史國情
隨時代爲轉移斯國史不得不視舊例有增損志雖
限於一邑其意亦猶是也改弦更張雖因實創則發
起難昔人修志貲力悉取之於地方初固無所束縛

今則上之既爲法令所拘下之又爲經濟所困左支
右絀窒礙孔多則經費難綜斯三者

鑄西

於此匪特

謙讓未遑已也志既失修書闕有間故諸民間者殆
如鳳毛麟角過此以往勢必日就湮沒後之人欲求
西安縣志其難或有十倍於今日者不獲已請爲重
鑄既報可檢嘉慶舊板以屬手民脫者補之漶漫不
可收拾者勘校而剗刷之凡三閱月乃告殺青焉嗟
乎使


鑄西

生當陳姚二公之時雖不敢求如二志之

美備而勉竭棉薄亦必有所成就奚用此抱殘守缺

爲哉故曰非鑄西意也

中華民國六年二月靳春桂鑄西謹識



西安縣志序

西安據吾浙之上游環山襟水
形控百粵者也於春秋時為
越姑蔑地秦曰太末漢曰新
安隋曰三衢至唐則為浙州
府方今

聖化照洽，壙垓泝埏，而雨淝尤臻。
殷阜民生，其間沐浴福應，宅
心醇粹，懿式備矣。嘉慶十有
二年，漢軍姚侯出宰是邑，儼
碩立富，教克修昔之青衿。
向訓黃髮，履禮益以惠安於

政事之概與邑之賢士大夫
增輯舊志豈徒徵引遐博裒
綴條整哉蓋以包洪併緘可
與史書疏證考作小補也志
成問序於余哀退滋慙烏足
應其請然富春與伍安東玄

僅四百里其山川清美風俗
淳樸有近似者又喜妣侯之
能嘉惠於茲土也曷敢以不
文辭竊惟周有邦國之志
漢有隨計之書郡邑志則
自宋始大致在闕採精核蘄

於傳信而已今綜覽是志凡
夫城垣營署溝渠坊巷因沿
修舉之盛備詳於昔且德行
道藝登於書藝育豐穰登
於書益見

熙澤之龐浩曼衍而揚摧方未未

有艾焉非僅如宋之新安吳
郡赤城會稽諸志詳略互見
已也其印以此為治譜之明
驗而借邑之賢士大夫樂觀
政成歟爰綴數語於簡端
嘉慶十六年三月既望

經筵講官太子太師 文華殿大

學士管理刑部世襲騎都尉

富春董誥謹序



三
月

七

西安縣志序

國家承平百七十年天下同文版
圖式廓日出入之表悉主悉臣
嘗纂一統志

頒行海內甚盛典也顧寰宇有寰
宇之志郡縣有郡縣之志志因

地而殊亦隨時而異矧信安在
禹貢揚州之域為浙東屏翰文
物聲名侔於上國紀載尤不容
缺而聽其曠廢可乎攷邑乘自
康熙戊寅已卯間湘潭陳勤恪
公作令於此憫典章之放失延

紳士徐公之凱等踵前明葉大
叅之舊增訂成書所以存此邦
典要者頗稱賅備閱今又百餘
年矣人往風微幾有文獻無徵
之感都人士怒焉憂之籲請於
邑侯姚公將謀修輯姚公以名

進士宰茲邑下車以來政通人
和百廢具舉毅然引為已任於
是聘名士禮賢者設局天寧禪
院分門析類淹掌故者用資汲
古通時事者藉以證今遺者蒐
之闕者補之繁者芟之譌者正

之凡十餘月歲事而新志遂炳
焉與國史同風余冲齡隨侍先
大父丹林公宦衢於姑蔑雅有
宿緣茲邑志告成微諸君子請
固當有以序之承寓書遠屬何
敢以不文辭竊惟志者八書之

遺法鉅典攸闕唐制三年一上
宗制閏年一上則爾時採訪之
勤可知今掇拾於散佚之餘即
有一二耕氓野老能說當年遺
事其文不雅馴亦薦紳先生所
弗道是在秉筆者詳畧有法折

衷至當余嘗論修志與作志異
宜如建置沿革疆域城池前志
載之矣考訂焉巴爾職官學校
物產民風前志陳之矣潤色焉
巴爾所必當事覈而文贍者其
要有二今夫山川靈秀之氣磅

礪鬱積而生者人為大仁賢教
養之澤苦心擘畫而成者政為
大言人而凡忠貞孝友道德文
章皆統於此邦家之光亦閭里
之榮也言政而凡廉明循卓保
障撫綏皆準諸此前賢之式即

後事之師也苟搜討未精摭撫
失實坐使百年之久盛衰得失
考鏡無從不幾滋論世之疾哉
諸公盍簪雅集互述桑梓舊聞
詳者或列佳傳畧者亦著今名
以迄寓賢高隱仙釋方技之屬

靡不旁徵遠引不僭不遺於以
繼徐志之前型有過之無不及
矣而邑侯姚公於簿書填委中
汲汲以修志為重可謂能知體
要者擬似勤恪陳公真覺後先
濟美他日者

天子下輶

問風俗之書旌別

淑慝展卷瞭然則是編也於西
邑增法戒焉抑亦居是邦者之
厚幸也夫

嘉慶十五年庚午嘉平穀旦


賜進士出身光祿大夫

經筵講官

工部尚書 國史館總裁前

太子少保 體仁閣大學士加

三級錢塘費淳誤



西安縣志序

邑志所以稽古證今也西安附
衢郡郭舊無志前官斯土者考
方輿徵文獻嘗一再脩之矣於
今

皇圖式廓民隱畢達益想見

國家承平之盛且久也庚午歲余
承

命來是邦甫下車釐剔百事果訟獄
息與風俗茂與民賦治與鮮得
其實者蓋周視聽若斯之難也
余竊憾焉山川定形生齒日衆

顧歲月浸久其間豈無廢墜而
沃土之民富教匪易邑令不其
難為賢與近邑宰姚君延訪碩
彥慨然有志蒐輯誠留心民隱
者之所為而徵文考獻激濁揚
清此邦人士之自惠其鄉克久

且遠胥於是乎在豈徒潤色鴻
業云爾哉斯志成所以觀邑令
循績此邦人士之賢否其又視
此也已

嘉慶十六年歲在辛未觀察金
衢嚴使者富忠阿撰



事之藉載藉以傳者莫為之先也此
者之難其人也莫為之後則述者又難見
人也雖有可傳亦湮沒於古矣是之
有志所以考以法駭風俗也三衢接浙上游
當歐閩歙睦之衝首道西安山川之勝土壤之腴
人物衣冠之感名尤著願自為所以述者

邑乘舊傳司鐸留恩文溟曾輯西安志四
冊又補志三冊而其書已亡編長惜之

國朝康熙時陳君用年宰是邑君古循吏

風刑清凶簡公好考邑之軼少謬生平

多有不而沒其姪刻議備之六担多匪淡

於郡志志七百餘年凡凶子之沿革孰

朝

死之宏富科第之蔚起名宦鄉賢之
遠澤流風與夫醇孝苦節之闕如


者未易更僕五矣西安之姚君寶燧憲貞
久而失考也慨然曰前人之善以及里巷
之流為美談者傳在事亦可以化頑而起懦
非世道人心之助歟此生之司牧者不得

辭其責於是之神士之請而重脩焉迨
是中之頃而能七十路人共襄厥事自
庚午之夏迄辛未之春經年而告竣
繁其刪之缺者補之愷其在正之事雖地而
文亦冗簡而能煥視前志較為完善夫
陳君創有年所擬君因於後作書述也咸

守人異時太史采風由是書而取之事迹
得證以內府可不詔斯邕之幸歟出成
於予守是郡之時予嘉姚君之能脩葺
廢墜而又喜邕之士民能矍矍以從予也遂
因書謹而采書之

嘉慶十六年歲次辛未二月中浚後十日獨州

府知府加二級洛亭那英并書



西安縣志序

昔晉代石季甫得鄮令不
知其風土舉家憂之其舅
車茂安以書問陸雲云作
書報之為陳其山川土田
之美吏民恭敬之懷且曰

漢吳以來臨此縣者無不
遷顯於是車得書欣喜稱
雲書為典誥蓋其時縣邑
尚未有專志也信安有志
不知昉自何時見于直齋
書錄者衛玠所撰十六卷

在嘉定己卯葉汝明續志
二卷在紹定初則皆南宋
時也時又有鄉先生袁采
君載輯有信安志方秋崖
稱其持論質直簡古可風
予初補官此邑即購訪是

書但得袁所著世範於鮑
氏叢書中文辭淳厚有益
風教願獨不得所為志用
是憮然迺更求元至大間
朱總管霽與留文溟所修
二志亦俱不可得曰思西

安自康熙三十九年滄洲
陳公纂輯邑乘之後迄今
一百十餘年邑中之典章
文獻政治民風闕寂未有
紀載昔先高祖憂菴公
從康親王大軍出仙霞

關招撫耿逆建殊勲五年
而秉節鉞當時効力疆場
戎馬馳騁經由此地欲問
其事而父老無能道者蓋
前志之失載多矣今躬逢
盛世薄海內外一道同風自慚

固陋不克上承祖烈惠
愛民生而志乘一書使殘
缺不修心滋恧焉適紳士
有修志之請而龔君大鏊
樂為之倡因聘范君崇楷
等分任纂修之事復延僑

寓胡香海進士及兩庠司
鐸陳公楊公余公皆博雅
君子也相與蒐輯註籍網
羅舊聞所採書不下五百
餘種拾遺補闕增簡汰繁
視舊志之草創者畧為可

據班固有言先王之迹既
遠地名又數改易是以旁
研抽祕詮次為難遂與諸
公先定規模仿通志條例
別類分門用備考鏡而又
幸承乏於茲已閱五載政


安人和得與薦紳先生從
容于文籍間凡十餘月歲
事而邑中之典章文獻信
而有徵政治民風燦然大
備竊幸是書之克以有成
也因援筆而書於簡端

嘉慶十六年歲次辛未暮

春月

賜進士出身文林郎知西安縣

事姚寶燧撰



县序

フ

舊序 附

邑侯 陳鵬年

昔先王鑄鼎象物以知神奸使民不逢不若至其省
方觀民命太史陳詩觀其貞淫奢儉以施其慶讓而
列國山川風物因各有紀載之書此郡邑志乘之所
由來也春秋時晉有董史齊有南史楚有左史並世
其官守之勿失而士大夫又皆身通六藝擅良史之
才登高能賦遇物能銘卽一物不知引爲已恥況夫
膺土田疆索之寄輯和其人民而周知其物采者乎
故志之缺不可以不舉而舉之久尤不可以不修余

自通籍來凡過都歷國必詢討其志乘首稽其立法
命意之所存因以見某山某水則向所寄懷而遙集
者在焉某偉人某鉅公則向所景行而欽慕者在焉
自以爲賢於讀游覽紀載之書也及乙亥筮仕西安
下車就所司詢邑志所在則曰無有余心竊怪之旣
久之而得明天啟間西安大參葉公所修郡志一種
又久之而得嘉靖間須江大中丞趙公鏗所修又一
種更莫知所自始而葉志西安學貯書目中有司鐸
畱君文溟所著西安志四冊補志二冊則自二公時

已不可考嗚呼世遠人湮作而修修而殘殘而佚不
固然者失此不圖今之徵信者又轉瞬而殘佚矣後
有作者將安所冀耶因以上申各憲請從事于斯均
得報可以戊寅之夏延聘邑紳前進士徐君之凱主
其事而遴集邑中篤學好古者宿譽髦之士得十人
焉其鳩厥成八閱月而竣以壽諸梓其大要皆折衷
引伸於郡志可因則因之宜創則創之而已夫自明
肅宗以迄今日已一百八十餘年乃疆宇如故也山
川如故也宮牆典秩如故也官司職守如故也若是

者宜因然因非可以具文沿襲爲也明堂郊祀之制漢儒莫能詳其始府兵兩稅之法唐人莫能善其終因其可易乎若我

朝定鼎以來典章法物彬彬質有其文矣有肇而闢者有增而廓者有湮墜而飭者有解弦而張者若是者宜創然非深維其興廢損益之所以然雖創而失其義矣以蘭臺之著述而中郎欲別以志傳以陳壽之成書而松之則獨以註顯龍門曠世之才而太原疑其謗魏收中州之彥而鄴下譏其穢創之難爲創不尤

甚於因之難爲因也哉是故有闕疑崇古也若郭公
夏五焉有原始返本也若汗樽坏飲焉有索隱廣義
也若實沈臺駘焉有利用濟時也若均輸平準焉凡
此皆仁人君子所以考鏡源流權衡今昔而善其因
與創之用者也志其可忽乎哉曩者志未編輯恭逢
皇上辛亥之春初

詔天下郡邑各彙集志乘上之所司合爲通志以仍一統
志之舊而西邑無志因以郡志雜上主者輒乙之及
今志成序之深爲惋惜歎憲章之盛典不再覲也而

於人倫之澄敘賦役之章程有未悉者尤耿耿焉然
而得是集也以之修明政治扶進淳風則亦庶乎其
有當矣

舊序附

邑人 徐之凱

天下有不可已之事而羣誘之曰有待則所爲不可
已者究將至於不可爲往往然也夫以有待傳有待
終茫然莫知其爲誰是蹈虛而撫影也庸有冀乎一
旦有毅然興起者曰向之所待得非在我耶知其在此
我則無待知其無待則知其不可已而事日起而有

功是故百年之曠廢一日之興起要皆存乎其人然
非有通方知遠之略得乎學問經術之醇者不足以
及此西安古百越東徼地春秋末始通上國自魏晉
已有傳人宋元明來聲名文物埒乎方州亦舊邦矣
是宜有稽古論世採輯其原委而志之者乃千餘年
典章人物沿革建置湮沒不可考相傳明司鐸雷
君文溟有西安志又有補志亦散佚無復存者夫豈
盡無可傳述於後耶抑皆向所謂有待者致之耶今
邑志旣不傳唯郡舊志紀載西安事頗足按據卽辛

下
亥壬子間郡侯三韓姜公所集上爲通志者是也原
此書實踵嘉靖間須江大中丞趙公鏜之舊而邑人
大參葉公秉敬天啟間繼修之其嘉靖以前志何所
昉或亦原本畱志或其時并畱志亦未槩見均不可
知及邑侯湘潭陳公視事詢知其故銳意欲編輯而
心難之顧怵怵不能自已因繙閱舊志而語余曰志
其可復舉乎余曰取諸舊章而彙次焉奚不可者特
其折衷規畫之所宜有三端焉曰正其體曰核其實
曰詳其用體者紀綱條目之謂若政事翼教之不可

仍山川風俗學校祠祀之不可缺是也實者正名辨
分之謂若賦稅之有增損兵戎之有創設學署之必
原其始橋梁濠堰之必釐其舊是也用者裁成輔相
之謂若陋俗之何以革除舊制之何以修復災眚之
何以防維民隱之何以勤恤一一臚舉而條析之以
資後人之政治者是也顧其間猶有無可如何者三
人物之載在往牒而勿之敢遺則甄別無由也是無
如何貢賦之匯于旁邑而莫剖其緒則底慎無式也
是無如何城濠橋堰之益在民生而莫釐其舊則往

蹟無徵也是亦無如何志誠鉅典舉之抑豈易易哉
乃公卽以是見屬再辭不獲命因與邑之被命者均
受事焉旣成以上公論定而審處之遂以告成假非
公之毅然興起西安無志雖更千百年疇復有念及
之者不幾委斯邑於草莽而貽士大夫之羞耶雖然
公於西安非特志之亦且身之矣于疆域則念懷來
于宮師則風有位于學校則追文治之隆于風俗則
敦醇古之化于山川則動吟咏之思于賦役則軫念
民隱于人物則起敬式閭夫是以志成而政亦成夫

志成而政亦成此志之所爲不可已也向所謂存乎
其人者此也寧僅曰修廢舉墜云爾哉

舊纂修姓名附

四川茂州知州徐之凱

同修

生員徐從祺

副貢王觀文

歲貢王瑤

歲貢劉兆元

廩生徐從昕

廩生葉高

拔貢鄭慰

廩生周雯

參訂

拔貢徐敦禎

增生周溶

增生徐敦皓

廩生葉松齡

增生徐錦

西安縣志卷首

纂修姓氏

允修

分巡金衢嚴道兼管水利事務加五級富忠阿

特授浙江衢州府知府世管佐領加五級那英

主修

特授浙江衢州府西安縣知縣加三級姚寶燧

協修

原任福建羅源縣知縣候補同知胡森

衢州府儒學教授陳岱

西安縣儒學訓導揚世英

署西安縣儒學教諭余文燾

倡修

誥封兵部職方清吏司郎中邑人龔大鏊

纂修

原任福建寧德縣知縣戊午科同考試官邑人范崇楷

同修

原任昌化縣學訓導揀選縣邑人鄭

附	衢州府	西安縣	西安縣	西安縣	辛酉科	國史館	戊午科	歲貢
貢	學廩	學增	學生	學生	舉人	錄辛酉科	舉人	生
生	生	生	員	員	揀選	舉人	揀選	候選
邑	邑	邑	邑	邑	知縣	即用	知縣	訓導
人	人	人	人	人	邑人	知縣	邑人	邑人
劉宏衍	王世英	馮其驤	王世珍	余本煦	龔士範	鄭灝	龔藻	沈清桂

衢州府學生員邑人 徐崇澂

西安縣學廩生邑人 汪世道

邑人 陳樸

參訂

賜翰林院檢討邑人 徐炳南

世以翰林院五經博士邑人 孔廣杓

廩貢生邑人 葉封介

恩貢生候選教諭邑人 何文林

附貢生邑人 徐世德

補儒學訓導邑人 范崇純

校對

西安縣學增生邑人 李淑鍾

西安縣學生員邑人 徐逢春

西安縣學廩生邑人 李鴻文

西安縣學生員邑人 龔元鯤

西安縣學廩生邑人 孔毓芝

西安縣學廩生邑人 范學易

西安縣學生員邑人 方寬德

西安縣學生員邑人方鈞

西安縣學生員邑人鄭益輝

西安縣志卷首

總目

序文

卷首

纂修姓名

卷首

凡例

卷首

總目

卷首

圖考

卷一

星野

卷二

疆域

卷三

建置

卷四

山川

卷五

形勝

卷六

城池

卷七

坊巷

鐘鼓樓塔附

卷八

鄉莊

市鎮審廠附

卷九

學校

書院附

卷十

公署

卷十一

水利

泉井池塘確附

卷十二

津梁

卷十三

古蹟

卷十四

賦役

卷十五

蠲恤

卷十六

利澤

卷十七

積貯

卷十八

兵防

卷十九

風俗

卷二十

物產

卷二十一

祥異

卷二十二

封蔭

卷二十三

職官

卷二十四

名宦

卷二十五

選舉

卷二十六

仕籍

卷二十七

聖裔

卷二十八

人物

名臣

卷二十九

人物

忠臣

卷三十

人物 循吏 卷三十一

人物 武功 卷三十二

人物 儒林 卷三十三

人物 文苑 卷三十四

人物 孝友 卷三十五

人物 義行 卷三十六

人物 介節 卷三十七

人物 隱逸 卷三十八

寓賢 卷三十九

方技

卷四十

仙釋

卷四十一

列女

卷四十二

祠祀

卷四十三

寺觀

卷四十四

墳墓

卷四十五

經籍

卷四十六

藝文

卷四十七

雜記

卷四十八

西安縣志卷首

凡例

一纂修體例倣照通志總爲四十八門首圖考終雜記
其坊巷鄉莊封蔭仕籍從舊志增入

一引用書目先採歷代正史以及通志府志舊志并古
今名人著作皆標明原書以示語有所本其見聞異
詞所當折衷者加一按字庶覽者不至混淆

一星野以測天文疆域以察地利爲政之大端也而建
郡置邑屢有分析以次及之

一設縣首建城池學校以其爲出治之本也二者立而公署以設教養可兼施矣至府屬各官俱不詳載不敢僭也

一山川形勝古蹟風俗所以記地方之夷險民俗之淳漓與夫舊迹之興廢俾官斯土者一覽周知亦敷政之先資也

一賦役遵照賦役全書徵收解支欸日逐一登載以便稽查

一恭載

蠲恤昭

皇仁也民之沐浴膏澤者至深且渥卽積貯利澤亦專記之以見豐歉有備而

恩施靡旣焉

一水利津梁悉照舊志登載其有增新改舊者必查明檔案方敢錄入以杜爭端

一兵防以鎮標中切本邑地方者載明始末而塘汛驛傳弓兵附焉亦以見兵可百年不試不可一日不備也

一物產爲民生攸賴黍稷重穆瓜苴茶藟幽風咏焉卽
昆蟲草木凡屬產於吾土者皆當連類及之勿嫌瑣
屑

一職官姓氏舊志未免遺漏今從諸書蒐羅詮次略爲
詳備其有宦蹟可傳而功德在民者悉憑士庶口碑
載入不敢妄加評論

一聖裔自端友公襲封後扈蹕南渡遂家於衢立廟賜
田與曲阜派分南北生於斯者親炙俎豆如登北泗
之堂矣故列於人物之前以志景仰焉

一 人物釐爲十門皆逐條分類詳載俾後之觀者可以矜式其有一人而數門並見者所輯之書各從門類徵引若文止一篇而有段落可分者各隨門類截載如無可分截者但註見某門皆經衆議非任意去取也

一 忠孝節義已載省府志及舊志者概不敢遺其現在採訪者悉經輿論核實方敢登載至生不立傳雖屬嘉言懿行尚畱以有待卽藝文亦不收也

一 選舉仕籍關係地方氣運視其多寡以覘盛衰今皆

按其科目及出仕地方載入不敢遺佚其自康熙三十九年以前間有補舊志之缺略者悉經考核非敢率意增入

一列女一門其已奉

旨旌表者悉憑題旌冊登載其年例既符遵照通志舉報覈實亦得並載再查嘉慶十四年撫憲阮公札諭待旌節孝准附入節孝祠兩廡非敢故爲濫登也

一祠祀寺觀神所憑依雖興廢不常必稽查有據方敢登列至先賢墳墓不忍湮沒亦式閭表墓之意也

一經籍皆昔人所遺苟有可傳自當備載依隋書經籍志例分經史子集註明姓氏卷數以便考核

一藝文釐爲三卷雖分見各門而必備諸體且擇其有關於政治民風山川古蹟者方敢收入若止吟風弄月雖佳概不採錄

一仙釋方技雖非政事攸關然爲正史所不遺並存之以俟輶軒之採擇焉

明倫彙編

家範典

四



圖

考

星野圖


古測

牛女分野



今測

斗 四 度





縣境總圖







府城總圖西安附郭





東北鄉圖






山西下


圖


北


東

西北鄉圖









石室堰圖

西南鄉圖



雙水橋

百三庄 頭街

大路

百千九庄 柘溪

百天庄

石溪塘

繆村

陳家 百三庄

全百三庄

九庄 鏗溪

夏家村 十一庄

十三庄

彭家村

十八庄 六都楊

上淤 十五庄

王千秋 十二庄

十四庄 廿里街

次庄 棠村

十六庄 東山

吳平 堰

柏靈街 六庄

杜屋前 庄七

庄七十


任家壩


庄八

清樣頭



縣治圖






卷之二


圖

圖


上


縣學圖







校士館圖







正誼書院圖






鹿鳴書院圖






孔氏家廟圖

三才圖會 卷一





三



石室堰大小各溝全圖

西 南 東 紅





石室堰新
舊堰壩圖

洪橋

石室堰新
舊堰壩圖

新建張公祠

瓦窰

三洞灘

溝溝

黃荆灘

舊袋

舊堰壩

楊堰溝

淤灘

楊賴堰

岩底渡

大河

柯山

東蹟堰

東蹟溝

三




燭柯山圖

卷之二

三





北關南

家壘

浮橋

東門

壘





青峒峰圖

西之集元

一

一







下坦

底嶺妙

浮石圖

浮石圖






雙溪津渡圖

一

二


三





雙塔圖

孟家塔





阿波原七

卷一

圖

三二


銀礦圖

卷一

一




三



空守樓圖

師姑岩





空中小樓閣

山

山

山

太真洞圖

西遊集卷一

第一

三





西安縣志

卷一

圖

111

白塔洞圖

四
之
集
示

六
一

三

觀音山




獅山



石屋十八間

塔




金山

洞門

棧道



涼棚洞圖





葱口洞圖

西之集元

卷一

三十一





山水圖

卷八

圖


八

洞門


盈川故城圖

西寧縣志

卷一



山陰七十二老人孫坦



三ノ

ノ

三ノ

西安縣志卷二

星野

巫咸以黃燕紀星甘德以黑燕紀星石申以赤燕紀
星其說參差莫準不可得而定也星土之說昉于周
官春秋梓慎裨竈史墨之徒專以是爲知天道則星
土之宜辨明矣漢晉諸儒各持己見度數不符自

國朝以西洋法占驗歲差躔次斯正揚子雲長楊賦云玉
衡正而泰階平政事之修明星土之所由應也志星
野

尚書舜典在璿璣玉衡以齊七政

按博雅北斗七星
四為權權為揚州

周禮保章氏以星土辨九州之地

注星紀
吳越也

左傳昭公三十二年越得歲

注此年歲在星
紀吳越之分也

春秋元命苞牽牛流為揚州分為越國

爾雅星紀斗牽牛也

注斗牽牛日月五星
之經紀故為星紀

史記斗江湖牽牛婺女揚州

博雅婺女
謂之婺

漢天官書歲星一曰攝提一曰重華應星紀星

漢書天文志孝景二年十二月水火合於斗斗吳也元

鼎中熒惑守南斗南斗越分也

漢書地理志吳地斗分越地牛女分

史記天官書南斗其北建星牽牛其北河鼓婺女其北

織女註正義曰須女四星亦婺女南斗牽牛須女皆為星紀於辰在丑越之分野

後漢書郡國志註帝王世紀曰自斗十度至婺女七度

一名須女曰星紀之次於辰在丑謂之赤奮若於律

為黃鐘斗建在子今吳越分野

甘石星經越一星在婺女之南

蔡邕月令章句自斗六度至須女二度謂之星紀之次

大雪冬至居之越之分野

按十二次之名見於春秋傳國語爾雅蓋周時部分
 天位之法列宿相距廣狹不等十二次則均分之而
 其名恒依星象秦漢間舊法一歲二十四氣因繫之
 十二次由不知列宿有歲差十二次漸移而東則節
 氣漸退而西次名從乎列宿不從節氣也後漢四分
 術冬至日在斗二十度奇以星紀中為冬至所居故
 前志三統術星紀初斗十二度者月令章句用四分
 術退去斗六度十二次並退六七度其名界適與古
 相近蓋
 偶合耳

晉書天文志魏太史令陳卓謂星紀牽牛須女吳越揚

也自南斗十二至女七辰在丑

唐書天文志牽牛自豫章迄會稽南逾嶺嶠為越分

唐六典丑爲星紀吳越之分自斗十二度至女七度

文獻通考宋兩朝天文志天市垣二十二星東西列爲
十一星其東垣南第六星曰吳越

乾道臨安志兩浙路當天文南斗須女之分

明一統志衢州牛女分野

清類天文分野之書衢州禹貢揚州之域牛女之分

內緯秘言牛二度衢州府西安江山二縣入二分之六
女三度衢州府龍游常山開化入七分之八

舊浙江通志古測衢州牛女分野今測衢州斗四度

藏書集要太末衢州府斗十度丑宮

舊志蔡汝楠天文畧曰十二次揚州丑分星紀之次衢
州自牛五度至女一度明清類分野書曰衢自牛五
度至女三度按天文諸家言或以會稽爲吳或以牛
女兼主越或言牛不及女或言斗不及牛或言星不
及度獨天文畧分野書二說爲正蓋斗牛承箕尾末
度自淮而江東漸三吳南盡宣歙而斗乃分入饒信
洪古諸州之界牛則自睦以東合婺之須女故爲牛
女而衢地適當其處故二書得以鑿鑿言之總之會

稽越也本不兼吳斗吳星也本不入越女越星也本
不入吳此則其畫然可辨者惟唐一行以衢屬會稽
入牛一度至五度是已而又不及女且度数又與二
說不同常以度数與道里較之女固婺星也牛女之
界被於閩越遠矣而衢與婺相距僅二百里則不應
入三度而宜爲一度可無疑矣

按舊志西安爲牛女分野通志測衢州爲斗四度蓋
宿度分于黃道黃道遷于歲差堯時中星至
國朝而漸移漸遠矣西安附郭之邑謹遵通志以斗四度
爲準並繪古今二測以俟精甘石之學者

一丁
三
二
四
三
二
一

三
二
一

四

西安縣志卷三

疆域

區域肇造疆索以分王者有分土無分民而經界之定必先之以辨方正位西安當仙霞穀水之交灰坪漁湖之會大抵東西迫隘南北延袤廣輪之數可指諸掌蓋幅員所轄視古侯伯分封居然一同之地矣

志疆域

府志 西安縣附郭原名新安晉時宏農有新安縣故改

信安

太平寰宇記

唐末改爲西安縣

唐書地理志

有信安溪

文獻

通考亦名西溪一統志

名勝志在省城西南六百里

一統志東西廣七十五里南北袤二百二十里通志南北二百

里編戶一百六十五里明一統志一百六十三里明廣皇輿考一百六十八里

一統志東四十里至本府龍游縣界烏頭鋪自界至縣

三十里西三十五里至本府常山縣界漁湖鋪自界

至縣四十五里南一百二十五里至處州府遂昌縣

界大金竹嶺自界至縣一百六十里北九十五里至

嚴州府遂安縣界灰嶺自界至縣一百四里東南一

百三十里至處州府遂昌縣界馬嶺口自界至縣一
百五十里西南五十里至本府江山縣界後溪自界
至縣二十五里東北六十里至本府龍游界大路口
自界至縣二十里西北四十里至本府常山縣界葉
坂自界至縣二十里嘉靖府志同舊志此皆以陸行
驛道為準若水路迂曲其增遠
于陸率十之二三又不足以爲輜軒之據矣至其他
荒途捷徑若雷公嶺之界遂安菱湖嶺之通開化潼
山源之達常山芙蓉村九都湖南之出江山靈山盈
川之接龍游比隣錯壤在在有大率不可以方隅
限更不可以道里計者也

太平寰宇記東北至東京二千七百一十五里西北至

西京三千一百三十五里西北至長安三千九百里
東至婺州一百九十里南至處州三百五十里西至
饒州九百九十二里東南至處州三百六十里西南
至建州一千一百里西北至饒州二百一十九里東
北至睦州二百一十九里 縣境東西一百二十二
里南北二百五里

御定皇輿表東至金華府蘭谿縣界一百二十二里西至
廣信府玉山縣界一百十五里南至福建建寧府浦
城縣界二百一十里北至嚴州府遂安縣界九十五

里自府治至

京師四千六百四十

受書堂別集西安疆域險易西界葉坂南距魚湖後溪
金竹山南迤而東而迄于北則縮馬嶺烏頭大路諸
口皆扼塞也其道里遠近東至龍游水路八十里陸
路七十里西至常山水路七十里陸路八十里南至
江山水路八十里陸路七十里西北至開化水路一
百六十里陸路一百七十里其河源一發開化之祈
門至百濟嶺合歛及江常水而下一發周公源總會

于西安舟行八十里至龍游又九十里至蘭溪一百
 里至建德九十里至桐廬一百里至富陽一百二十
 里達錢唐入子海其名山則有爛柯九龍諸峯巍峙
 西南者皆勝迹也

二統志水路東北六百里至浙江布政司又北四千四
 十里至

京師陸路東四百八十里至浙江布政司又北四千一
 百六十里至

京師

西安縣志卷四

建置

循古於越地秦改封建爲郡縣浙江屬會稽而太末之名始見前漢書自漢歷唐或省或置或併或分地旣屢更名亦遞改至唐咸通中號曰西安迄今無異古人相宅卜吉譬猶高屋建瓴其形束壤制之原可按籍而得也志建置

通典嶺帝置九州東南曰揚州

禹貢淮海惟揚州

史記越世家帝少康之庶子無餘封於會稽以奉禹祀

國號於越

衢州為越始此

左傳魯哀公十三年越子伐吳王孫彌庸見姑蔑之旗

曰吾父之旗也

杜預注姑蔑越地今東陽太末縣

文獻通考戰國屬楚

按戰國策東有夏州海陽劉伯莊曰楚并吳越地東至海太末屬楚

國語句踐之地西至於姑蔑

韋昭注今太湖是也按左傳哀十七年越伐吳吳子禦之笠澤笠澤今太湖顧棟高春秋大事表姑蔑即秦置太末縣屬會稽郡晉改屬東陽郡與左傳杜注合韋注非是

汲冢周書姊妹珍

注姊妹國後屬越

吳越春秋西至於構李南至於姑昧

按姑蔑一名姑昧左傳盟於蔑公穀並作昧宋書武帝紀臨胸有巨蔑水水經注袁宏謂之巨昧水蔑昧古通用

前漢書秦置太末縣

按孟康注大如闢反讀如達李雷之曰自杭而上至常山六百九十五里逆流多驚灘以竹索引船乃可上義蓋有取焉

百官表漢武帝元封五年初置十三部刺史太末隸會稽如秦

稽如秦

水經注太末越之西鄙姑蔑之地也秦以爲縣

漢書地理志漢曰太末莽曰末治水經志莽曰末理

後漢書光武建武初復曰太末

漢書郡國志注建安四年孫氏分太末立豐安縣

輿地廣記晉太康元年改新安名信安屬東陽郡

晉書地理志東陽郡統縣太末信安

宋書州郡志東陽太守領太末信安

按王應麟地理通釋齊梁陳俱仍晉

宋書州郡志信安令漢獻帝初平三年分太末立曰新

安晉武帝太康元年更名

〔宋書州郡志〕定陽縣漢獻帝建安二十三年孫氏分信安立

〔隋書〕文帝平陳置婺州統信安廢太末入吳寧縣

〔太平寰宇記〕唐武德四年平李子通析婺州之西境仍於信安縣置衢州州西有三衢山因以爲名七年陷

輔公祐因廢至垂拱二年又分婺州之信安隆邱縣

置衢州天寶元年改爲信安郡乾元元年復爲衢州

〔舊唐書地理志〕武德四年置穀州及太末白石二縣入

年廢衢州以信安還屬婺州廢穀州

方輿記要穀州廢太未白石廢

入信安縣

舊唐書地理志如意元年分龍邱置盈川縣

新唐書元和七年省盈川縣入信安咸通中改信安曰

西安寰宇記錢鏐割據時改信安為西安

十國春秋吳越衢州領縣西安

唐書地理志衢州信安郡西安望

宋史衢州信安郡軍事縣西安望

元史衢州路領縣西安中倚郭

明史地理志 衢州府領縣五治西安

通志 西安縣屬衢州府附郭編戶一百六十五里

下之集

名

四

西安縣志卷五

山川

昔孫綽賦天台序涉海登陸之奇長康論會稽頌萬
壑千巖之美信安遠控北界古隸西部括蒼南連而
指繞羅刹下洩其尾閭湯湯隆隆野會川沖其山淵
之雄乎其稱最者柯峰靈閣斯標虞喜之篇穀水淪
漪載見酈元之牘烏柏勿鬻岡巒被色鴻陂盡復阡
陌有聲若迺騷人來而躡屐墨客過而濯纓清暉娛
人復得於此受簡著之而仁知之神欣以俱往矣志

山川

崢嶸山

一統志在縣城南隅三國吳遣將軍鄭平以

千人守崢嶸鎮卽此王象之曰昔有柴宏者屯兵于

此後乃譌為崢嶸

孟郊崢嶸嶺詩疏鑿順高下結構橫煙霞坐嘯郡齋肅玩奇石路斜

古樹

浮綠氣高門結朱華始見崢嶸狀仰止逾可嘉

趙抃

詩主人借問何時還回首崢嶸看不足注致高

崢嶸

嶺懷古詩驟雨初晴爽氣清扶筇獨自上崢嶸

人家

五色藏姑茂戰馬千年說鄭平蓮沼香銷紅粉

墜藥

鑑丹冷白雲生低徊背手斜陽路一樹寒蟬斷

續鳴

注柯山紀事崢嶸山下五色人家有紅黃藍陸

白五

姓

龜峰

宏治府志府治在其背西北則綴崢嶸山

舊志龜峰

與崢嶸岡麓相連郡人沿習以爲一山合觀一統志
及舊志皆別爲二山是已但以龜峯爲郡治則又非
也郡治穹然高峻延亘一二里下視通邑如在掌中
鄭平屯戍時郡治未設意必倚險自固其爲崢嶸山
無疑龜峯則自郡治南出西行二百步別起一峯合
爲郡城隍祠是郡治卽鄭平所守宜在崢嶸山而
山卽今所謂城隍山也

爛柯山

杜光庭洞天福地記爛柯山在衢州西安縣

爛柯山志舊名青霞第八洞天爛柯福地又名景華

洞天在縣南二十里高千餘尺周回十五里其址之

百步穿空彌亘下得平處可數十步因名石橋又名

石室今石室在橋之右五里太平寰宇記一名室

山元豐九域志晉樵人王質見石橋下二童子碁

就橋下看之二童子指視質斧柯爛焉水經注東

記云信安縣有縣室坂晉時有民王質伐木至石

中見童子四人彈琴而歌任昉述異記童子四人碁而歌質因畱

柯聽之童子以一棗核與質質含之便不復飢俄

童子曰其歸承聲而去斧柯濯然爛盡既歸去家

數十年親情凋落無復向時比矣舊志山下有寺

石橋寺寺門山徑幽寂有虬松數株皆汗餘

戰龍松石橋前有日遲亭後臨深谷山裂

徑寸長十餘丈窺見山外天日名一綫天山頂建塔

登之可望郡城名最高頂舊稱柯山四景陸庶遊石橋記爛柯

仙躅圖牒詳矣觀夫巨石橫空矯如驚龍翠岬劃坼

際於穹崇南走羣峰北控遐陸下遠人世宛如蓬瀛

得非權輿之初俾宅真仙而幽贊人民脫籠檻於茲

地不然者擾擾塵跡瀟灑靈踪高步遐矚相瞬而致

則樵夫之遇二仙其所以示化與何元造無朕而壺

中之日月可得而窺矣庶牧於是邦迨茲五祀政惟

自守人亦安止乘春多暇爰契心期冥搜信宿機慮

如洗頽然性復於靜靜復於真天地之萬類吾生之

憂樂將不介於胸中矣心境相傳不知吾之遇靈境

與靈境之遇吾與時元和元年三月十八日孟郊爛

柯山詩仙界一日內人間千歲窮雙碁未變局萬物

皆為空樵客返歸路斧柯爛從風惟餘石橋在猶自
凌丹虹趙湘爛柯山詩仙人與王質相會偶多時落
日千年事空山一局碁樹高明月在風動白雲移未

得酬身計閒
來學採芝

鳳山 舊志在芝溪源距縣北八十里高五里其上極

平曠可治田圃

姚寶燧鳳山詩大地湧一山於物必有似九苞不易見茲巖發其美芝溪

水如龍長鳴不肯已上有太古鳳屢舞欲飛起孤峯

朱冠峩旁岫彩翮比迴翔看不盡突兀天尺咫豐蘿

近蔽目亂葛攀秃指豈知出嶮巖歛若即田里怪自

平地上忽到平地止穉極無人種麋鹿空掉尾坐歎

世上快吞奪一何駛嗟

我窮婦子何不來舉趾

葉蓬山

宏治府志距城五十里名勝志宋咸平初有

廬杜二禪師至此里人李昂畱之日使人問其所欲

一五年不懈偶失問三日則皆踞鉏冥目相對而逝

鹿鳴山

府志城西一田為鹿鳴山山有項王廟

秀潔修竹蒼松為郡人游宴之所舊志望城中雉堞

煙火如列几案有泉清冽

從山麓石罅流出有人爭

汲取之明太守瞿溥趙姬葬其麓有碑記

徐應秋秋鹿鳴山

宴集詩

西風激宕一城秋與客題襟上此樓相葉遠

空翻舞蝶布帆斜日

亂輕鷗揮杯繞坐霞生頰落帽

高歌雪滿頭不負青山

真我輩相呼得食鹿呦呦朱

彝尊鹿鳴山晚眺詩

一簣山平遠雙林逕暗通不愁

筋力倦且喜笑言同

藉草荒岡上疏泉碎石中新晴

尤可戀移席憤王宮

又近郭茲山好禪扉鎮日扃江

光寒轉白峯色遠逾

青巫種千松樹宜添一草亭他

時放歸棹歌鳥試重

聽朱鬯次韻龔春帆孝廉趙姬

墓詩美人黃土總無

聊不許閑人拾翠翹門外青山

空鬢影岸邊芳草尚

裙腰蝶衣拍盡歌全歇鵲血啼

殘恨未銷莫似西陵松
柏路誤將蘇小問南朝

王貴山

名勝志與烏巨相連者曰王貴山貴乃質之

弟也相傳於此仙去上有東西寺

王榮紘王貴山詩
聞琴既度世吹簫

遂接迹奇哉一朽柯
棣華貫仙籍九鯉飛上天
三苑拔去宅神仙夥同氣
姓字人或失石橋仆碑像過者

昧王質峩峩王貴
峯樵子盡知得

前霧山

舊通志在臨江鄉去郡城三十里

泉嶺山

舊通志在縣東南一百里
元豐九域志朱買

臣云東越王居保泉山一人守險萬人不得上是也

舊志通典云衢州信安縣南建安郡北有山名泉山

卽此山

九龍山

舊志在靖安鄉去城二十里嘉靖府志定陽

溪環其趾

張濬九龍山詩犖确千盤路不平川原歷歷遠煙明九龍飛去無消息但聽雙溪瀧

聲瀧

烏石山

宏治府志在湖山東距縣四十里巨石周匝

若城上有石門中蓄水田歲未嘗旱**名勝志**山延袤

十里高二百五十仞巨石周匝如城上有石門相傳

邑人避黃巢所設故亦號寨門中有水田歲未嘗旱

唐龍紀初通濟大師結茅於此名福應院

舊志宋岳飛題名於

石云宋將岳飛奉旨赴關復如江右假宿幽巖遊上方覽山川之勝志期為國速欲掃平黠黨恢復輿圖迎二聖於沙漠輔聖主無疆之休因結緣佛寺以紀歲月紹興二年十月初三日題張浚題云紹興丙寅清河張浚過此聽顏師鼓琴而去按龍游亦有烏石山山亦有寺在縣北壽昌縣界今龍游遂以張岳二公題名載入縣志謂岳王題于木桌後桌為好事者取去今觀翁君洮即宋人也其詩則昭然曰題石矣得毋龍游好事者臨摹其題于木桌而攜之以歸者耶曹能始先生博學著名尤精考訂其所輯名勝志以題名及翁君詩皆入西安志而龍游志又別有劉光世題及姜堯章詩並不及張岳二公題是劉姜題詩當在龍游而二公所題固在西安也

響谷山

名勝志在縣南三十二里崖壁峭立水環其

崖中有穴風嘯則鳴

翟灝登響谷山詩久矣不登高老無濟勝具得此奇絕處

兩腳那肯住始從客問蹊忽與鳥爭路
黑水下無地雲來如跳呼風實與吞吐
不死幾一遇響谷似太息新者日
以故躋險終奈何緩策下山步
青壁峭巖有仙

塘臺山 嘉靖府志 一名塘山高可數里上有後漢

乘寺寺有池深不可測中有石巖魚絕大

趙抃題
州唐臺

詩唐臺壓郡東北陲勢旋力轉奔而馳
其尸一山中起高峩巍羣峯環輔拱以立
背面相倚崑怪石差差少媚色長松落落無
邪姿巖隈有路數百仞直登不悔形神疲中
間軒豁浮圖舍棟宇綵錯金碧輝寒泉一畝
清可鑑優游鱸鮓揚鱗鱗鬚更云六月無炎
曦攀緣絕頂下四顧溪山百里如掌窺我思
宜有隱君子放心不與時安危巢由之行已
高世白雲臥此逃堯媯又已未歲十月七日
登塘臺山偶成詩直到巢峯最上頭旋摩崖石
看詩雷重

百安系志 卷五 山川 六

轉覺寒松老三十六年前舊游陳一夔
詩羣山破碎真可怪卻似春田犁下塊

余將山

府志在縣西二十二里相傳黃巢亂時邑人

余姓者將兵屯此故名

姚寶燧余將山懷古詩廣明兆大亂果頭賊如蟻煙塵蔽

仙霞鑿道七百里累卵危太末掬指爭穀水有險不
得憑無人嗟就燬桓桓余將軍誓衆與保死治山作
鐵壁穿不過寸矢黃獸空吼怒白骨盡撐起遂令金
統涸得基錢鏐美古昔有攻戰一夫實可倚五子守
崢嶸其事已如此

疊石山

宏治府志在縣南四十里名勝志中有巖洞

名曰仙游可坐十客周召受書堂稿石如餅稍厚二

疊十餘規踞山頂及腹纍纍相望

徐霖疊石山詩疊石稍雲起真如塔

一支叱來形其白鞭處血流脂蟲蝕周宣
鼓苔封漢武碑精靈難久閱頻產五光芝

爵豆山 嘉靖通志在縣南七十五里 一統志山出銀

礦唐元和四年閉塞五代錢氏時復開仍閉

鷄鳴山 舊志在縣東十五里定陽溪流其下一名東

溪出處州遂昌之周公源山皆頰色四面陡削水勢

觸擊川途頗險上有塔名鷄鳴塔 周孫著鷄鳴山夜泊詩數峯迴抱水

泠泠暑氣纔消酒半醒幾縷晚煙歸浦樹一彎新月照江亭鄉城病亦開篷望村吠眠猶隔岸聽夜向鷄

鳴山下泊荻花如雪滿前汀

鵝籠山 名勝志在縣東五十里一名繡峯上有三塢

一池皆稱奧區

按鵝籠山俗又名甌山陳聖澤甌山詩云一柱干雲上高高不可攀孤根拔萬壑倒影蔽千山積氣虛無外仙靈杳靄間胡麻曾熟否分我駐紅顏

烏巨山

方輿勝覽在縣東三十五里林木蒼蔚乃信

安精藍第一山

陳聖洛登烏巨山絕頂詩我來時與鳥爭道濟勝具強頗及馬又忽驚天

低髮可埽不知身已出塵表下方雷雨方瀾漫僧邊紅日獨杲杲

紫微山

宏治府志在縣東五十里名勝志一名迷茨

中有懸崖滴水東陽記云峯巒際天邈絕羣峰者也

屹石山

宏治府志在縣西二十里平地撐拔五峰環

以溪石

翠微山

〔崇禎府志〕在仙巖秀峯之間高十餘里

范珏登翠

微山詩鬱鬱與天極仰矚惟青煙迢迢自地上灑面飛紅泉冥鴻有遺構戲鹿多閒田曠宕欣永托

知何年

金雞山

〔宏治府志〕在縣北百里高可五里上有平坡

昔有樵者於山得石如雞剖之有金因名

巖山

〔名勝志〕在城西十里四面壁立絕頂平曠約數

十畝中有石井冬夏不竭

項山

〔名勝志〕在縣北四十里最為斗峻內有桐山旁

列諸峯勢如奔馬項羽廟在焉有賀蘭進明碑申甫項山

懷古詩赤蛇終伏雨如傾簫鼓崇山廟一楹剝破苔花求頌石銀鈎空弔賀蘭誠

白雲山 舊志在城西十五里上有白雲菴孤峯峭削

下瞰平疇幽寂明秀上鑿崖石為池養魚半山有泉

瑩燭鬚眉四時不涸鄭光瑗白雲山詩滿身嵐翠溼露衣遠樹陰濃百草菲清福全

輸與老衲朝朝枕石待雲歸

錦山 舊志在縣北四十五里其石如錦故名

五指山 舊志在縣北三十里其形如指玲瓏嵌空山

勢奇矯胡曾五指山詩巨斧何年劈中穿忽蛇蜿蜒空雙疊磨昂首一痕天鐵巷摩肩後雲隈蹙

履旋嗜奇不惜
膽縹緲涉層巔

銅山 二統志在縣西北百里宋時出銅錫明產礦嘉

靖三十九年徽處二郡民羣聚為盜官兵蕩平之遂

設兵戍守萬歷中太監開採尋罷舊志按此山即今所謂銀坑是也銅

山則別有一源本名桐山亦非銅也其音地之所以

譌者意由初開礦日淘沙控礦之徒恐于禁網假此

名以欺飾觀聽耳明時自世宗至神宗礦廠幾遍天

下銀坑盜起蹂躪數邑而西安被害尤甚相傳威大

將軍親率兵定之因于衢州設兵備道置守戎戍兵

千人備之有兵自礦盜始自萬歷三十二年詔停採

礦大吏檄行于銀坑四路皆立碑永禁防禦甚嚴

國朝康熙三十五年孟冬譌言忽起一旦麇集蟻聚運錘

裂石以無所得稍稍罷去至次年復來二十餘輩因

力請大府得嚴檄驅斥乃罷附著其說以戒來者

石壁山 在縣北八十里距朝陽洞三里峯巒奇秀玲瓏嵌空懸崖滴泉凝結成鵝管石如人物花卉狀

雨靈山 在縣西南三十里以禱雨輒靈得名

箬坪山 在縣南黃壇口五里左右岡嶺迴匝如環上

有古寺 葉淑衍遊箬坪山寺記道石室由黃壇至賈兒口層巒複嶂秀插雲表飛泉如帶繞左右

修篁古木參天蔽日長松爭攬如怒龍擎雲行二三

里人跡杳絕久之聞丁丁伐木聲出林杪跡之乃見

有茅舍數室在殷紅老翠間予笑謂同儕此地可以

逃秦何必桃花洞中乎詢之樵豎得箬坪山路遂策

杖去自山下至巔約五里許山徑皆落葉平鋪蟲絲
蒙胷迷不得通則愕然相顧以為取道誤也蓋經久
無人登陟矣險峻處扳籐葛如猿猱狀膝與頤並疲
甚輒數武一息山半有石如砥子解衣憩石上喬木

垂蔭石間流泉淙淙若奏笙簧清風徐來幽鳥相喚
塵心一洗既復旋折而上路漸夷見向所望天際高
峰皆咫尺相拱揖俯瞰山半白雲湧起如海濤悉封
來時徑路山靈爲畱客乎忽聞擊稻聲登登相應則
山僧方刈穫也僧師弟二人釋鎌相迓喜見顏色良
以空谷中跽音不易得與俗衲見客卽鼠伏者異矣
寺在萬山之巔負大須彌山爲屏障向平疇三十餘
畝左右岡嶺迴匝如環卉木層蔽尤富杉竹彌山皆
蘭蕙多佳果美蔬茶茗徧山谷香味絕勝其田高下
鱗比注以泉源不知有旱潦剝竹承山泉直通香積
又接泉爲碓以擣秬稻皆力省而功倍山僧云此中
日用皆饒給自買鹽外終歲可不出山長夏如三月
四時不知暑蚊蚋不生亦無鳶鳥鳩雀之類旦暮惟
有鳥名畫眉相喚而已月之夕予與僧僚環坐山門
四顧寂寥惟聞細溜作琴筑响或墜葉相觸而鳴星
斗如在屋角垂垂欲墜直長嘯驚帝座耳夜深梵唄
微奏魚子聲咯咯四山皆應令人解脫一切道心自
生覺此身微如一葉飄然欲輕舉使得于此山靜坐

十年所得不既多乎余
蓋信宿五日不忍去云

東岳山 距城東三十五里接近滄洲上有東岳廟

白鶴山 在城北四十五里兩山壁立與項山相對

龍巖山 在城北九十里下有深淵里人作放生池山

前文昌閣今名鳳仙菴

石磨山 在城西北二十五里有泉於平地湧出

東華山 在城南二十五里上有古寺寺中有天池

古姆山 在城南五十餘里俗名古望山堪輿家云爲

郡城少祖山

靈芝山 距城西二十里與石梁相近山如車蓋大逾

數間屋其下孤莖擎空圍可一抱輪菌亭亭最為奇

特龔玲靈芝山詩太古有靈卉光華爛五色不見採芝人亭亭化為石

小九華山 在縣西三十五里一名大猴嶺古有靈鷲

菴今建地藏殿秋七八月間遠近進香者雲集鄭萬年過

小九華山詩百盤高似七盤關上下琳宮灣對灣小

雨潛來先響竹斷雲飛過不遮山厭看香市紛然闐翻笑袈裟少得閒靈鷲定知蟻窟近桂珠如豆落塵寰

妙山 在縣東二十五里與雞鳴山相望聳秀獨出為

銅源管鑿

黃甲山 自妙山蜿蜒而出雄峻甲于羣山孟家塔峙

其巔清封潭匯其趾

陳本泊黃甲山詩水竹村邊落夕暉夜江小艇啟窗屏松濤纔

歇溪聲起漁火添明月色微屈指程途心日迫回頭官舍夢應稀倦游渾似沾泥絮好叩禪關學息機

五花峯

毛維瞻明果禪寺大徹禪師殿記元豐二年

冬維瞻陪資政殿大學士太子少保致仕趙公去浮

石如宜風宿五花峯下詰旦入項山

狀元峯

舊志在縣北四十里其山尖峻與南峯對又

有臥龍山在縣東其下為宋狀元毛自居所居亦名

狀元峯

梧桐峯 [宏治府志] 在縣北七十里與紫微峯相望號

南北高峯或謂南北銀峯蓋南北銀場實二峯支麓

故也

鄭光璐詩纔過梧桐峯
下路滿襟疎雨便疑秋

筆架峯 [舊志] 在縣北五十里形如筆架

青峒峯 [舊志] 在縣西三十里奇峯秀聳在縣城後本

名大靠山上有轉輪菴卽定光古佛成道處也明方

孟旋徐子卿兩先生讀書其上構室曰倚雲有倚雲

社文集行世

陳聖澤望青峒峯詩尋常總是密雲封
乍以秋清入望濃丹洞閉時藏蝙蝠翠

微坼處走蛟龍連天白靄三春雪潑眼青浮
萬顆松書劒幾時成獨往一椽高臥碧芙蓉

涼傘峯 在城西北三十五里大靠山之右峯半為涼

傘洞

鄭辰涼傘峯詩奇峯如夏雲可望不可即靈氣相往來愴恍誰能測自非凌雲客安得生羽翼

昔聞武夷君張幔燕鄉國琅璈奏未終飄然游八極
茲亦神仙窟仙蹤杳難識到此空踟躕日暮碧雲塞
松花落無聲山底月輪仄
策杖徑歸去俗念隨緣息

悲思嶺 隋書地理志東陽郡信安縣有悲思嶺

余馬嶺 宏治府志西距城十七里唐余將牧馬處

余鈺

余馬嶺詩先人此屯險草色耀
旌旆山形如龍驤猶有下坡勢

大金竹嶺 一統志與遂昌接界稍東十五里為馬嶺

亦與遂昌接界

灰嶺 一統志與金雞相近者為灰嶺一名灰坪與遂安縣接界

銅錢嶺 通志去郡城三里而遙

國朝康熙十三年耿逆之變官兵列營於此與賊對河而

陣歷三年

王師雲集賊始大潰夜燒營壘而遁

陳傳經銅錢嶺詩有癖何緣問翠微不

空自冷斜暉綦母也撰錢神論可見青山蛺蝶飛

豎嶺 在縣北七十里由雙橋入上下槽烏道蠶叢子

盤百曲石壁削立別開勝境

陳一夔由塢口入上下槽將至豎嶺詩茲山何

迤邐道路阻且修峭折數十曲一曲一勾畱劃焉天地開眾水皆西流人家住山坳桑柘垂陰幽野老倚杖立見客如獼猴禮數既脫略語言頗綢繆邀子坐松軒缸面開新篔足力方告倦因之且少休遙看豎嶺翠鬱然天際浮

仙巖

一統志在縣東二十里中空可坐數十人上有

一斗泉四時不絕明太祖兵下江西凱旋過此御書

仙巖洞天四字刻於石

陳聖澤仙巖詩拂雲空四壁坐嘯答千山碧薛層層合丹

房處處閒王榮綬仙巖詩仙竈脫殘麋鹿角樵人拾得鳳凰翎

小靈巖

宏治府志在縣東二十五里橫山之右山本

培塿下有蔭室如巖質石者因而深之旁有偃王祠

鄭萬育過小靈巖偃王祠詩四圍蛛網挂時絲花落空庭鳥不知繫馬柳陰人寂寂夕陽空弔偃王祠

九仙巖 名勝志在縣東五十里狀如屏展唐侍郎徐

安貞隱此亦名侍郎巖舊志在子湖寺之東南峭峻

百仞當其中凹處撐柱上下為屋上懸扁有空中樓

閣四字竈突水囊略可數記每楹檻有頽敝者輒易

以新土人亦不之覺也屋下細土以旋風搏掬皆成

毬破之中有細灰可以療疾姚寶燧九仙巖空中樓閣詩仙山樓閣倚空冥

藥杵丹爐露不扃可有霓旌翻日下笑搓塵綬望雲停朱霞爛射鸞龍字紫照斜開翡翠屏一夜蓬萊飛

彩筆新宮天上又書銘陳一夔詩仙人何處去老屋
 鎖青霞時有雲中鹿來銜劫後花嵐光籠碧瓦晴氣
 護丹砂卻望重巖裏斑斑古篆斜范崇模詩鶴聲一
 一曉煙衝翡翠屏開秋色濃若向青陽江上過九仙

分住九

芙蓉

按巖壁刻有一粒粟中藏
 日月半升鐫內煮山川句

道巖

崇禎府志

俗名大巖縣東南三十里與九仙巖

相望

師姑巖

名勝志

巖高數百仞下可容數百人宋有比

邱尼倒化於此

徐常棟師姑巖詩牕外峩峩見一峯

知在煙霄第幾重陳一夔詩
 拂耳風偏勁憑欄魄未安

按此巖與九仙巖相對山脊有飛
白書飛仙二字一里外卽望見之

白雲巖 在城北五十里筆架山下中空可坐數十人

右有瀑布一道緣崖而下四時不涸

桂花巖 在縣東四十里陡峭臨水山多桂木其老本

生巖巖間不知何代物也開時香聞數里

陳聖洛桂花巖詩我

聞八萬二千修月戶剗削蟾窟如青銅應手斲落七
寶屑霏霏吹落東山東堆瓊積玉變山骨依然嵌空
如偃月豈知原有桂子藏其罅至今歲久成林樾年
年開落在空山牧豎樵夫競攀折光巖老僧稱近鄰
金粟如來為舊身我挾仙鳧遠相訪把酒登高發興
新一逕穿雲窮崒岬虬枝老幹紛葱鬱谿窅空洞氣
高寒冷冷坐
我蟾蜍窟

蛟池塢 在縣北六十里危峯峭壁密篠懸松上有瀑

布傾瀉噴薄似銀河天上來 陳一夔蛟池塢瀑布詩

飛下水晶宮翻盆一夜七百里手持列缺鞭羣龍須

臾下界雨數足雄雞振翮扶桑東暮收噫氣掃天闕

羣龍鼓鬣朝蒼穹峯危箐密尺木倦一條掛在懸崖

松猗猗拗怒飛不去擎雲噴霧號長風阿香初試霹

靂鼓秦皇新懸萬石鐘連山迴劃石欲裂滿坑滿谷

皆從容淘汰或憂地軸陷傾注似與銀河通千年老

魅捧耳竄山君聳伏深潛踪有時驚颺歛噴薄水花

捲破玉玲瓏隔簾髻髻見冠髻寒光炯炯迷雙瞳鳴

呼山靈顯晦亦有數茫茫俗眼如塵封一朝發與自

我輩咄哉老蛟真天工會當策杖凌絕頂兩腳踏碎

太真洞 名勝志在縣北六十里門廣五丈深十丈內

有玉泉水亦名玉泉洞與之相通者又有三洞曰靈

龜曰碧雲曰朝陽

徐國章太真洞記天地之文章其魁雄秀媚者已于大山大川和盤

托出至其元心怪理更以五丁餘閒好弄百工之能
事似託于尚象又妙在不倫真有天孫無從借機蒼
頡未能洩畫者此種祕文多藏之于洞壑吾衢洞壑
富於北山予少年耳食曾粗涉之譬兒童時便強讀
汲冢鑿度諸書口眼雖到不求甚解未久茫然矣今
老矣忽思溫故策筭輿走六十里得太真洞洞在山
之半窘步入口中仰視上齶嗟欲噬玉齒參錯挂
兩頤間斷斷不可犯由嗟達胸則穹然百尺樓矣可
以建五丈旗可以列千人坐頂穴一竇若中雷然天
光晶射則千門萬戶皆在熹微曙色中於時目營心
醉若陟天庭焉雷之左黝若深淵懸下百磴一臨視
幾眼花落井乃瞑坐石上自惟病餘無濟勝之具將
歎觀止乎又不忍言去戚友舒符泰揚鱗而前日無
是餒也請壯之以酒立引三爵持僕肩而下股對橋

復下輿箕踞西向歷數諸峯殆如一屋散錢吾欲于此繩貫之耳是行也在楊朱灑泣之時得謝莊獨往之樂誠不意夙緣幸濟乃得之筋汗淺夫其功不在漁人下而兩日密雲不逢雨妒天亦放此一綫活起少縱羈人乎噫嘻危得之矣徐學聖和太真洞壁間石刻詩靈源有蒂許旁通深壑深深去不窮五蘊人間多帶著何如身在洞霄宮怒石如猊化海仙蜃樓妙疊彩雲邊種芝鬪杏渾塵事羽客時耕太極田姚寶燴太真洞詩聞道靈源雨澤長太真古蹟舊龍堂山中樵客窺鍾乳洞裏仙人剩石牀拾級尋幽忘白晝懸燈覓路已斜陽應知世外多奇境定有羊珠發夜光

靈龜洞

舊志今名太乙在玉泉之芝溪洞門高丈餘

中廣五丈詰曲行一里至石龜塘僅廣二尺中有石龜色青黃白歲旱鄉民齋潔入洞探而占之迎禱焉

竣事則送還得白者多不雨

碧雲洞

舊志離縣九十五里舊名蔥嶺去靈龜洞不

遠山之坡前有一穴直下二十步皆石巖中有潭廣
三丈里中祈禱之所

朝陽洞

宏治府志去芝溪五里洞門纔三尺其中石

際水瀧深不能測紹興間邑令禱三洞取石龜創三

洞龍王廟聞於朝賜額靈澤今故宇無存偶像移於

龍寺

葉聞性游朝陽洞詩百里芝溪源雲岫紛環簇
山行不憚深扶杖窮幽谷危亭結懸崖縹緲飛

雙瀑灣環逾數程有山罅其腹豁然啟巖扇上廠而
下蹙深入苦黝暗欲進還蓄縮來朝邀良朋纏膝復

然燭魚貫側身進異景豁我目層軒非梁棟鍾乳飲
 蝙蝠龍堂紫貝爛似入魚鱗屋虛心聞地籟泉流響
 琴筑始知竅山川乘陰地所屬何日謝塵凡篝燈洞中宿

白塔洞

崇禎府志芝溪源去縣九十里口狹內寬入

時先以足第二層有龍潭深不可測日夜水滴凝成

白鷺管石宛似塔形故名土人採石療疾疾風清月

白時聞仙樂聲

徐日久游白塔洞記癸亥八月望後遊白塔洞門甚小進先以足既入

乃燃火把則高奇瑰磊殊非意想所及兩塔對峙望
 之如琢削逼視皆水晶拳結員規直準旁有翠壁壁
 下瑰磊羅列如六道參差上則碧玉懸身直手下垂
 儼然一接引佛像稍逼右雪山燦然更前則見兩壁
 色黃以火燭之光彩焰發間有大片金色射火若龍
 其下細石取視之黯然無色若向暗處及燈下視

之亦復輝燦如碎金而其對面卽爲銀壁若造化亦
偶然對待以聚人欣賞可怪也曲而深則臨下甚黑
渡水有龍潭光景尤奇然使人有不敢更入之意矣
徐崇奎白塔洞第二層聞潮聲詩塵心應滌盡拄杖
過溪橋古洞攜雲入枯松縛炬燒泉香流石髓巖潤
茁芝苗澎湃真奇絕來聽地底潮楊家龍白塔洞詩
塔影峒巖一徑幽碧雲晴繞萬峯秋
巖前野鹿銜芝過踏破苔紋翠欲流

四果洞

一統志四果洞接常山縣界洞門方廣數尺

水從中出溉田四十餘里

蜘蛛洞

名勝志在縣北四十里相傳彭大佛者棄妻

子棲林泉寺傾貲以贍其徒忽於小徑中間樂聲跡
其路六七里有宮室仙人采女坐堂上酒肴盛設遂

請大佛供應大佛以未著七條衣倉皇辭避堂上傳

聲送大佛從後門出既出遂失所在今惟綫溜落巖

隙流入洞前有石井不涸每陰雨猶聞鐘鼓聲

龔大鈺彭

大佛詩

金堂要眇樂聲飛纓絡珠冠舞合

圍一陣

天魔花雨落禪心縛住七條衣

涼棚洞

舊志在縣北九十五里一石如赤城壁立障

洞口水自洞中繞石而出有二門自西而北皆高三

丈餘狀如闔闔然石皆碧色壁上有若牛柱撐拄崖

頂者數株其宏厥偉麗為諸洞之最

徐日久涼棚洞記由白塔洞行

約二三百步見石壁數仞橫亘面前瀾水入一洞

稍偏則門高數十丈直入可四五十丈如平棊旁列
石有石笋白色附壁生直貫其頂稍折則洞口之
在壁間者無數又折爲大道軒敞開豁水聲如數部
鼓吹從者因共坐石上吹簫擊鼓聲響相答仰視滴
水飛濺儼如雪花不
覺凜然寒生腋下也

井湖 舊志距縣東三十五里太平寺側長五里餘廣

百丈

木湖 舊志距縣東四十五里乃龍游清皎湖之表匯

水至此

彭湖 宏治府志在縣東十五里俗傳有彭氏竈下忽

茁兩石筍劇之流血已卽大雷雨傾陷爲湖廣數百

丈表五里餘通石室水深不可測大旱不涸民常禱
此舊志今無此湖但溪中有灘絕陡人號彭湖磯

衢港

一統志源出江山縣仙霞嶺東北流入縣界至
城西南與信安溪合曰雙港逕城西又繞出城北又
東至鷄鳴山下與定陽溪合亦曰盈川溪又東北逕
龍游縣曰穀江入金華府蘭溪縣界與婺港合水
提綱衢港亦曰信安江其源有二一曰金溪源出
化縣西北之馬金嶺一出縣東北之百際嶺合流云
南經縣城東又西南經界首東有二溪一自西北

來注之一自西南來注之卽出蘇章鎮者又東南至常山縣西境折而東流經縣城北亦曰金川溪又東稍北至衢州府城西江山文溪自西南來會

西溪 舊志距縣二里源出徽州祈門之百濟嶺由開

化常山縣流至城下又江山之水從仙霞嶺過峽口紅橋渡歷江山至雙溪口與開化常山溪合環城西以過而柘溪烏溪石碇溪馬厓溪儻溪後溪之水皆匯焉爲信安溪

東溪

府志源出紫微山

此別一山非縣東之紫微

沿周公源

在遂昌縣

過相思源口

相思渡在縣南五十里

循縣南九龍山下又緣響

谷石室諸山麓而東北出為石室堰又東北逕雞鳴

山下入於信安溪水經注云其水分納眾流混波東

逝逕定陽縣溪因取名焉夾岸緣谿悉生支竹及芳

枳木連雜以霜菊金橙白沙細石狀若凝雪石溜湍

波浮響無輟山水之趣尤深人情隋書地理志信安

縣有定陽溪即此

汪致高定陽溪放棹詩三五茆檐也是村夕陽雞犬隱籬根白沙渡

口青青草林外人歸半掩門遠樹微茫接暮煙依稀

漁火各紛然誰家一笛梅花曲風滿清江月滿船鄭
光璐晚過定陽溪詩柔櫓一
聲新月上秋江無數蓼花紅

芝溪 一統志在縣北源出鳳山南流入江 李文愷芝溪詩千樹

桃花迷古岸一溪雲母碓秋潮

長原溪 一統志在縣西北逕葉坂至蠻壇入石塘上

溪

穀溪 方輿勝覽出西安合江山常山之水輿地志穀

溪之水交錯如羅紋 李鑑穀江夜泊詩川上飛梁架落虹半生來往歎飄蓬楊村圩

裏餘寒日浮石灘頭泊晚風燕市聲銷屠狗輩穀江心冷釣魚翁煙波不管人迷處落盡桃花渡口紅

按漢書地理志穀水出太末水經注云穀水又東逕定陽縣唐于邵送竇秀才序曰羅郭之下穀川可厲

是唐以前从穀不从穀今譌為澱益非矣

山川 巨

柘溪 一統志在城西一十五里一名櫟溪舊志孔世

交洙南野史載識云櫟溪通出相公後余端禮拜相
果至上航入信安溪

浮石潭 演繁露衢州之下十里許深潭中有石兀立

水面土人命為浮石舊志距縣東北五里信安溪中

有石高可丈餘水大至亦不沒石紋如纈狀如芝虫

微窪可坐十數人潭水至清澈俯視水底石勢如樹

枝穿水而出亦類芝莖 白居易報張使君詩西州彼
此意何如官職蹉跎歲欲除

浮石潭邊停五馬望樓土得雙魚萬言舊手才難
敲五字新題詩有餘貧薄詩家無好物反投桃李

瓊瑤鄭萬年游浮石潭用白香山原韻詩沙明草
水如如也擬蘭亭作祓除陶令尚誇樽有酒馮驩
歎食無魚拾殘蕪菜秋風裏流出桃花春
雨餘解組歸來得瀟灑使君漫說佩雙珞

樟樹潭 舊志距縣東十五里其深不測長可十里有

巨樟蔽地百餘畝徐之凱古樟樹詩一枝如玦圓如

尾落卓然柱立頽蒼顏有時吹風走萬馬龍門褐石
空中瀉千林懽息拱威儀碧波蕩漾翻秋野李鑑檀

樹潭雷宿詩老去幡然有遠行故人迢遞未忘情殘
花出欄春風晚暮艇浮村野水生燕別滿傾千里酒

驪歌已隔一重城明朝回首
滄江樹又是煙波第二程

盈川潭 在縣東四十里丹崖峻削綠水澄鮮月夜放

舟如遊赤壁周召偕徐幼興盈川返棹詩煙樹開蒼

茫羣峯見奔峭長空鳥自飛澄潭魚可

釣注致高盈川偶步詩攜卸繞梅去不覺過前川野
 寺藏春色樵聲出暮煙垂垂楊柳渡灼灼菜花田適
 意緣無意斯游亦偶然葉口秦盈川懷古詩六朝尚
 才華初唐有四傑才華未足多器識誰超越揚子以
 神童宰此方隅一若非稍深厚郎官亦難必盈川素
 風淳彈琴臥終日古祠黃葉深殘碑蒼苔齧前後問
 王盧河流聲欲咽詩維彭澤工官豈河陽拙裴相藻
 鑑精定評如屈鐵我來臨水久愛此風瑟瑟葉間性
 盈川晚渡詩夕陽在
 鳥背樹影入潭心

湖柘潭 在城西五里深不可測冷氣逼人相傳為龍

湫潭中有雲起澍雨即至歲旱多禱於此

斗角潭 在城南四十里近黃壇口兩岸層巒峭壁高

插雲天一水中流淵渟綠淨曲折數里絕似嚴陵釣

臺風景

石鼓潭 在地黃灘下岸側有巨石高可三四尺砥面

而豐其腰望之如鼓旁列小石可坐十餘人

馮世科石鼓潭

詩潭石如星一一圓寒光搖漾水中天
火敦誰道河源遠到此乘槎已欲仙

蘇姥布 水經注穀水又東定陽谿水注之水上承信

安縣之蘇姥布懸百餘丈瀨勢飛注狀如瀑布瀨邊

有石如牀牀上有石牒長三尺許有似雜采帖也

按舊志蘇姥布疑即蘇木灘此亦聲譌然自宋時已
然矣楊萬里蘇木灘詩云灘雪清濺眸灘雷怒醒耳
落洪翠壁立跳波碧山起船進若戰勝船退亦游戲
若非篙師苦進退皆可喜勿逢下灘舟掀舞快雲駛

何曾費一棹纔瞬已數里
會有上灘時得意君勿恃

地黃灘

在浮石潭下

楊萬里將至地黃灘詩未到地黃灘十里先聞聲檣竿已震掉

未敢與渠爭舟人各整篙有如大敵臨
濺雪紛淙琤乃是小磴港為灘作先鳴真灘定若何

老夫虛

作驚

按舊志作帝王灘相傳明太祖江右旋師駐蹕於此
因以為名此俗譌也宋楊萬里詩稱地黃灘又舊志
有地黃塘云在浮石鄉灌田一頃六畝地黃灘正當
其處不知何時譌為帝王灘亦猶賈復城為寡婦城
下馬陵為蝦蟆陵耳

孟家汊

舊志

距縣東二十里汊水自雲溪南流至此

會入大河山石矐赤橫峙中流上有塔形勢與雞鳴

相似而特高大下為章戴港

楊萬里上章戴灘詩脫巾枕手仰哦詩醉上諸

灘總不知回看他船上灘苦方知他看我船時

石船

舊志

距縣東十里在烏溪上流水至清泚下視

水底傍涯有石如船艍艦皆具界劃平均儼如製就

但不見其尾

西安縣志卷

形勝

衢據之江上流南北兩山峭矗迴互東西二水滌汗
澈冽控荆閩之孔道通歙睦之窠途扼吭拊背夙稱
天險誠屹然一雄鎮也

聖朝四海一家六合同軌化光玉鏡業鞏金湯而司險司
關王者亦資捍禦易曰設險以守其國其在是矣志
形勝

新唐書寶應初李光弼大破袁晁於衢州晁遂以平懿

宗咸通元年裘甫作亂什將方景深拒險賊不得入

李華衢州刺史廳壁記名山大川既麗且清

毛开舟亭記衢州為川陸之會南走閩西適楚距浙

江五百里而近

程俱保安院記信安地接荆閩風氣相薄其山邃以峻

其水清以駛

太平寰宇記泉領山在縣南二百里漢朱買臣云保泉

山一人守險千人不得上即今信安縣之北界也

嚴化府志衢為浙上游居廣川大谷之間南際歐閩北

抵歙睦諸縣之水會於城下達於浙江以入於海面
峻山疊嶂呈奇獻秀拱抱迴合形勢之勝甲於旁郡
劉麟長試士館記起突兀於南關障百川而北迴下瞰
吳越坐我腋跨

賀康載西安縣學記西南諸峯聳秀東西雙流環抱蓋
形勝之區也

舊浙江通志南際甌閩北抵歙睦崢嶸挾鎮九隆鎖江
周回平曠山環水繞

方輿紀要府居浙右之上游控鄱陽之肘腋擗閩越之

下志集元 卷二 二
喉吭通宣歙之聲勢東南有事此其必爭之地也圖
經云衢州川陸所會四通五達江浙閩廣所輻輳守
兩浙而不守衢州是以浙與敵也爭兩浙而不爭衢
州是以命與敵也

天啟府志圖說郡爲往來孔道無事聽商賈之通行有
事據要害以防守守仙霞以阨閩守豪嶺以制括防
壽昌于梅嶺絕遂安于威嶺杜饒寇于歙嶺此戶牖
之計未雨綢繆者也

舊志衢州浙江上游南際甌閩北抵歙睦諸山連亘地

勢獨高信安紫薇山自巽方發脉峯巒際天邈絕衆
嶺轉丙位爲疊石通鶯籠諸山莊正秀傑迤邐入城
爲龜峯崢嶸郡治據其上坐梧桐峯江常二溪合流
界派濠水亦自紫薇峯發源沿九龍山下至會信安
溪由魁星閘光遠門引入內河遶龜峯之麓折而東
南北折過菱塘由雲山閣水門而出山環水繞形勢
甲於他郡宋毛开超覽堂記云卽姑蔑太末之壤東
望九峯西瞻靈石南臨樵谷仙聖之所游神靈之所
奧有道者之所隱也

一統志漢唐以來饒信有警軍鋒被于兩浙者往往先
及信安唐乾符五年黃巢破饒信歙等州轉掠浙東
因刊山開道七百餘里直趨建州說者謂巢所開道
卽今仙霞嶺路也自仙霞嶺闢而衢州之形勢尤重
矣宋建炎紹興諸將削平江閩羣賊往往戰于仙霞
南北元明之交處建衢三州尺寸之間皆戰場也明
葉宗畱鄧茂七之亂衢州之震驚亦數數見矣嘉靖
間倭寇縱橫浙閩受患最劇惟衢州山僻險阻得以
少安

國初大兵由溫處間道捷出閩疆而山藪峭聚多出沒于
此康熙十三年閩逆與滇黔賊黨相爲影響率其徒
旅出仙霞賴浙中諸帥稟

廟堂成算堅守衢城賊雖擾攘于仙霞以北旁齧處信兼
及歙婺竟不能越衢一步也則爲浙閩之險何如哉

舊志西安疆索大抵東西迫隘南北遙阻故南鄙爲重
而北次之南山峭矗萬重鳥道一綫有離縣一百四
五十里者徑術雜出須江遂昌皆窳窳無人之境其
東南入括蒼爲黃檀羅樟諸源險僻尤甚明時額設

二巡檢司今板固已入裁歛而嚴剝久爲寓公

寓府城今

亦奉

毋亦姑設版焉而鳩其故隘乎北山故礦場視

南山較淺而界歛睦特近途徑叢雜深溪峻嶺人尤
獷悍稍闌入三二十里卽爲內地惟外藉峽口杜澤
雙橋諸村落爲捍蔽固唇齒之勢也至東下龍游惟
以東蹟一溪爲限其西入定陽則循溪繞山聚落稀
少易生阻梗一有不虞則古塘葉坂皆重地聞之父
老明時南有靛賊北有礦盜生民皆被其害至

本朝定鼎初及耿逆之變兩山爲揭竿窟穴而揚溪湖山

之內隔閼數年始漸次弭息則綢繆未雨者于地方形勝之區固宜預爲深思而熟計之者也

沈歸愚集衢州府圖說畧連饒信之肘腋扼閩粵之喉吭通黟歙之聲勢者厥惟衢州蓋嚴州居浙之上游而衢又居嚴之上游畫山爲界依山作障稱要地焉領縣五附郭爲西安最要者曰崢嶸山曰烏巨山曰巖山

史記卷一百一十五

卷之

五

西安縣志卷七

城池

城盛也池治也所以固圉宅師也信安自唐宋以來
景測天象緘滕地維經營于始者亦既因山塹谷屹
若金湯矣後之保障斯土者猶復峻址層譙永鑿莒
子之陋方梁石洫時修汝南之功禮曰城郭溝池以
爲固於茲古重賴焉志城池

輿地紀勝衢州故城有三一在驛馬橋之南唐末黃巢
之亂設寨於此一在開元寺北疑是定陽故城一在

章戴之白石疑是澱州古城也

宏治府志三城廢置無考

舊志宋宣和三年辛丑郡守高至臨城龜峯時方臘陷

衢高公始築城高一丈六尺五寸廣一丈一尺週迴

四千五十步為六門城之上各建樓門東曰迎和南

曰禮賢以門直招賢渡故也渡在城南三十里俗又

謂通遠今名光遠西曰航遠以捲雪亭在航遠門外

故俗又謂水亭門今名朝京北曰永清俗謂浮石今

名拱辰小南曰清輝俗謂前湖又謂魁星今名通仙

以路通柯山故名小西曰和豐俗謂埭堰今名通廣

西南角挺出一道如臺界于濠溪間者曰雩觀亭
所以備濠亦爲禱雩之所舊有亭今圯

按唐崔耿女樓記云雩之城成於龜山
崢嶸嶺上是高至臨所築卽唐舊基也

嘉靖府志紹興十四年甲子大水城圯郡守林待聘修
築

舊志宋乾道中郡守何備嘗浚內外河于通仙門外置
閘蓄水水滿而溢乃引之以入城

嘉靖府志嘉定三年庚午又水城圯幾五之一知州孫
子直修築廣袤凡五千三十有二尺會侯以奉祠去

明年春知州綦奎成之

嘉靖府志嘉定十一年戊寅知州魏豹文新六門城樓

嘉靖府志元至正間監郡伯顏忽都因子城舊址築新

城週迴九里三十步又於迎和通仙光遠拱辰四門

外包以月城復建層樓於各門之上鄭辰清節祠記

初知府黃爽建

嘉靖府志明宏治十二年己未新城歲久傾圮知府沈

杰修築引城南石室堰水入濠

舊志明嘉靖十八年郡守豐城李遂濬尼姑橋一帶郡

推官巴蜀李文進董其事未竣二公相繼遷擢去

嘉靖府志 嘉靖三十九年知府楊準修

舊志 嘉靖三十九年郡守宜興楊準考舊志開復城內

古小河以厭火災開濬處時見舊閘古木并河涯砌

石動合數百年河水故道士民神之咸曰楊公河云

王璣楊公河記 吾衢當浙上游號多佳山水與閩婺

依焉南迎石室之水其水發源梧蒼經流至爛柯山

下昔賢堰其水入溝曰石室堰分道灌注民田至城

南踰魁星闡入濠迴遶城東南北為池與西溪之水

四面交抱共成城郭溝池之固溪納江常開諸邑之

水北匯于浮石潭此衢水道之在郊外者然也濠水

南來由水門入城凡二道一自西南入折而東過華

城池

豐仙履諸橋一入通仙門右遶郡學與烏橋之水合
 而東入治垣北遶龜峰之麓折而東南出經寶坊刹
 北折過菱湖北由水門出亦二道一由雲山閣北一
 遶縣學西北出與北濠之水匯溢而踰定水閘以灌
 注北郊民田末流入石鼓潭抵雞鳴山與石室堰水
 合而東下以入于海此衢郡內外之水合流之故道
 也于時民物阜安賢才輩出豈非山水降神鍾美不
 偶然與歷歲既久東北之水道日就淤塞西面雖存
 僅足瀦水而民物賢才亦不復往時之盛宏治間常
 有疏濬者罔知尋東北故道乃鑿新橋渠直達于定
 水至今識者為憾嘉靖己未六月安吾楊公以司徒
 郎中出守于茲嘗于郡治前建上游名郡坊以壯一
 府之具瞻矣達觀郡中乃曰山水之關于民物賢才
 信有所自東北無河流以為之津潤而西渠之水復
 直達以去豈度地居民陰陽交會之意耶於是已
 之精意獨見肇舉疏鑿始自新橋渠濬入龜峰之麓
 北徂東復折而北舉數百年之淤塞一旦開通而
 衢之故道不謀暗台向之權木壩椿種種露見其

費取諸輕罪之贖無所斂于民財其工役倚于雇募之傭無所煩於民力其瑩砌拾之琢鑿之餘無所藉于民物其且夕襄公于相視之行則少府文臺薛公別駕雲田張公節推鍾山任公其奉行于下樂贊厥成則西安尹俞君大有也自八月經始至十月竣事為渠者數百丈為橋者若干所郡學多士則以學既西向外溪水碓之當其前者白于公為之罷去而新渠之水復自前而遶出于後則是舉也利于民者固博其益于學也尤切公之功不少也公諱準字汝度別號安吾常之陽羨人也癸丑進士

築

天啟府志萬曆中知府洪纖若天啟初林應翔相繼修

府志崇禎十三年知府張文達修城濬濠

張文達重修郡城記今上

御宇之十有三載厲雄圖恢長治爰以修練儲備四事頒布成書嘉與中外臣工設誠致行共履保惠元

元至計加以院臺表率日課成效不佞某濫膺城社
 敢不夙夜匪懈以圖報稱于是四事敏勉具舉而修
 城尤係首務屬頻歲告儉厥費莫貲謀諸署縣司李
 吳公多方咨畫共勉措捐得鏹二千三百九十兩有
 奇經始于是年之八月竣事于明年之六月庫者增
 之壞者新之闕者補之不諧頌式者革之易之且晦
 明風雨必躬臨之寸尺錙銖必躬覈之杵臼畚插必
 躬勞來之茲總攬成績城址以里計者凡十里有奇
 焉以尺計者凡二十有五其新加者或七尺或九尺
 而三尺則無間焉譙樓六修豎凡五改建窩舖凡四
 十有三并造女牆凡二千四百二十有五增設登門
 凡六至重建官廳一亭一于古風亭之址尤以壯名
 勝而復古蹟云工告竣而中丞熊公直指馮公會疏
 題敘四事得旨優異超擢錫金賞賚有差仰惟城守
 一事實封疆吏盡職之恒曷敢云績但時事方艱衢
 為東南扼吭之衝庶幾雉堞言言地險若增而壯誠
 建威消萌仰副保民之長策也爰記經營顛末勒諸
 貞珉俾後之厲精保民者知所攷焉維時道臺夏公

國朝

倡督于上司馬歐陽公諱理別駕何公諱際可司理
吳公諱适及西安令洪君明偉協力贊襄統工則經
幕郭永寧嗣任佟子見邑簿景可觀經畫總理則上
舍徐日徵耆民劉士俊尤著勞績至義耆徐日勵葉
正位劉國相葉其苞徐應禮余中武學生王兆
熊等凡二十有六人分任厥功例得備書于碑

通志順治五年知府韓養醇修十六年總督李率泰又

修

通志康熙二年朝京樓燬知縣李忱重建

通志康熙十八年總督李之芳修西南城樓女牆

府志康熙三十七年知縣陳鵬年疏濬內外河

通志康熙四十八年知府楊廷望修築

通志雍正七年正月總督李衛欽奉

上諭檄縣重修

乾隆二年邑令任之俊修濬

乾隆二十八年郡守明公祿邑令劉甫岡開濬

明祿開濬城河

碑記衢郡自南魁星開引得濠水一支以入於城周旋縈繞北出於浮石渡

國朝康熙年間兩次興工嗣于乾隆二年復加修濬旋即廢壞河水通塞關乎地運盛衰今衢郡數十年來文風不振兼多火災其故未始不由於此而居民灌漑飲汲尤稱不便本府下車來日擊情形急思籌舉當即檄縣繪圖勘丈在郡諸紳士知事關地方利便公顛典修除老弱廢疾婦女外無論紳衿士庶按丁派

工呈請前來本府惟思丁有多寡不等家道亦有豐
蓄不齊因酌分有力無力二項無力者一丁作一丁
按工出力有力者倍之不能力作者聽其僱夫抵工
卽委令各紳士董督其事分隅編查丁口秉公按派
並不假手胥保致啟弊竇闔郡派分四十八段分委
正雜各員赴工課其勤惰詳奉上憲允行于二月十
八日興工士民踴躍趨事計一萬一千六百四十工
匝月有餘功告厥成逐加履勘均屬深通查從前開
濬河工迭興迭廢皆因辦理未經籌及善後事宜各
處應建柵閘並無專司啟閉之人亦無專員管理沿
河居民任意掉棄甄瓦穢物官無稽查是以旋濬卽
淤今本府與劉令等相度河身水勢濼澗地脈有高
下不一應建閘六座以備蓄貯大小南門俱有水門
應建水閘每日啟閉以通船筏東北西北正北各水
門俱應修建石柵此處船筏不到無庸啟閉沿河傾
坍石勘俱應修整完固以杜續卸但此項工程不便
派費民間現在先行動墊估修完竣如有無碍閒款
詳請撥還無則府縣自行捐辦其城河委司獄衙門

專管每年按季令各隅地保出具城河深通並無淤塞甘結令該司查明加結於歲底備文移縣並申府存查如有居民擅自掉棄拉圾瓦穢物稍有積滯地保查實即令該居民立時起挖抗即稟官究懲建立各開除城外之洪橋開魁星闡原派有經管開夫令其照舊管理其新橋寶豐藥師紫金四開應募充開夫貳人一管新橋寶豐一管藥師紫金每年各給工食銀陸兩在於西邑普濟堂租息內支銷由司獄按季領回給發各開夫亦聽該員稽查管束惟大小南門之水門木柵隨時啟閉與城門事同一轍應移營飭令看守城門兵丁一體執掌專任其責如各柵開有年久損壞之處經管之人呈該司獄驗明移縣酌撥修葺完報庶官有稽查民知禁令經管各有專司城河自垂永久不致頻煩民力開濬矣

乾隆二十九年邑令汪增謙詳修

乾隆六十年士民呈請郡守曹公玉樹邑令許公執十

開濬其魁星洪橋二閘堵水底板易石八寸上再用
板滿閘可絕偷放之弊惟夏間封堰來水洶湧則令
閘夫將石撬起墊高二寸開縫放水至開堰之日仍
行滿閘以蓄河水城內新橋寶豐二閘堵水由府繞
出菱湖不令直趨透洩地脈新橋寶豐河道永行閉
塞不得復開

嘉慶八年郡守朱公理邑令劉公炳倡率紳士勸輸修
造六門城樓及子城樓俱構木重建周圍城垣添補
甃石一例鞏固通廣門外護城河墘培砌七十餘丈

八年十月經始十年十月告竣踴躍急公者奉各大

憲頒額旌獎

嘉慶十五年十一月邑令姚寶燧疏濬城河

西安縣志卷八

坊巷

牌坊鐘鼓樓塔附

城內有隅郭內有坊直曰街曲曰巷考周禮增韻及唐十道圖可証已西安附郭通都岐旁劇旁交錯

國朝戶口日增閭閻櫛比舊志所傳有茫然不知厥址者今逐段編次以隅統坊以街統巷庶可據籍而稽焉若牌坊鐘鼓樓浮圖之設亦經涂中表鎮也因附著之志坊巷

坊隅 天啟府志東隅圖四在城內東南角西隅圖

四在城內西北角南隅圖五在城內西南角北隅

圖二在城內東北角

按城內四隅俱以縣治西十字舖分界由舖東經縣治前

抵止馬灣轉芙蓉堤以東為東隅其西屬北隅由舖西經南市街抵舊天后宮轉北為西隅其南屬

南隅由舖南經鈔庫前抵仁德坊右廂祠以西為南隅其東屬東隅由舖北經下街抵廣盈倉轉箭

道巷出新開河以東為北隅其西屬西隅康熙府志東隅坊十西隅坊

五南隅坊四北隅坊七

今編東隅坊十二西隅坊八南隅坊八北隅坊六

東隅先義坊

新橋大街及化龍巷

雅俗坊

菱塘南首楊家街內

金紫坊

芙蓉堤東首今稱紫金街

盛世坊

迎和門內至寶坊寺

開明坊

鼓樓底寶坊寺轉止馬灣

澄清坊

鼓樓西首育嬰堂前

通明坊

通仙門東馬路出府學塘

折桂坊

守禦所前

仁德坊

右廂祠一直至長街總口

東太平坊

馬站底

狀元坊

烏橋南首轉長竿林廟前

里仁坊

東武樓左

按舊志東隅十坊內有振肅育德振民立政四坊今無考

西隅正德坊

在南在市街

武鎮坊

道署西縣西街南口

正義坊

縣西街南首舊天后宮前

崇義坊

縣西街至新驛巷口

西太平坊

朝京門內上營一帶

靈順坊

朝京門內下營一帶

帥正坊

在新驛巷口

孝義坊

在後街合染坊巷口

按舊志西隅五坊內有永樂孝行二坊今無考

南隅利用坊

鈔庫前

招賢坊

菱池塘前

魯儒坊

道觀巷南東嶽廟右

崇文坊

道宮前孔氏家塾基

百歲坊

光遠門東

衣錦坊

坊門街轉童家巷口

崇賢坊

天寧寺前

美俗坊

通廣門北舊天后宮

按舊志崇文坊在東隅今據孔氏家廟記改正

北隅厚俗坊

下街至集慶巷

仁壽坊

在縣署內衢鎮署西

慈幼坊

在縣署內見古蹟

臨淵坊

鐘樓東首酒務橋頭

染政坊

拱辰門內東邊馬路

顯忠坊

北門大街抵忠烈廟及祥符寺

按舊志北隅七坊有遷善崇善景行永安居仁五坊今俱無考

街巷

舊志城內凡六街七十六巷府志四隅之街

其巷七十有九

今編東隅街巷三十一西隅街巷二十九南隅街巷三十七北

隅街巷二十四隅街巷一百十九

縣前街

即仁壽坊有市在十字舖東一直抵新橋街北縣署係北隅界

南縣城隍巷

即醋坊巷西口出鈔庫前南口出河沿東出里仁街

里仁街

即里仁坊在東武樓有市南抵烏橋西通城隍巷及河沿北抵新橋街總口

新橋街

即先義坊有市南接里仁街北接北隅壽坊西接縣前街東抵止馬灣口

止馬灣

開明坊北首轉菱塘接金紫街

灣北菱塘街

雅俗坊前通大馬房

冬青巷

舊志作董壽府志作董壽並誤

水巷取水巷

俱大馬房井邊

金紫街即金紫坊東抵迎和門西接

南營房街通塘田魯華巷及

東門街即盛世開明二坊東抵迎和門

北察院司衙通菱塘 楊家街雅俗坊內通大馬房諸衙

府前街即澄清坊東抵鼓樓西抵府署

南府城隍街通城隍 東水巷在晏公祠邊橫連西水巷

西水巷南口通城隍

獅橋街朝真橋大街有市東抵府學

南通明街即通明坊在通仙門內

北街馬站底 朝眞井北

東獅橋背 沿河小路

西陸家巷 通仁德坊

瀲寧巷 通仁德坊前

東長街 即長竿林東抵狀元坊

南三聖街 通馬站底

北三聖街 通中河沿

上街 即仁德坊南抵右廂祠北抵

東街 憲司前 即守備府

馬路巷 右廂祠東邊

右廂坊巷 對馬路口

以上東隅 按舊志迎和門內街南有太平巷倉衙

考惟瀲寧巷內有高山頭俗稱九龜之一內有小

春巷今無攷惟查府志熙春園在府治二百三十步疑卽狀元坊葉氏舊園外舊有小巷通府山久廢舊志又有文昌端仁二橋其北有石版巷花巷周家巷水巷浴堂巷今俱未詳所在

南市街 卽正德坊在十字舖西一直抵道署前有市街南屬南隅界

北街 當典巷 九出巷之一 卽後街內卽 解元巷 九出巷之二以解元劉方佐名

染坊巷 卽九出巷之三

後街 卽孝義坊在南市街一名九出巷南口三卽當典巷解元巷染坊巷西口三俱旁出染坊巷

東口 小周王巷 一名市 葱椒巷 出下街頭北樓下三聖廟對過

北口 小金鐘巷 出大金鐘巷內

縣西街 卽崇義坊有市南口抵武鎮坊北口抵新驛巷帥正坊

東街道署前
武鎮坊東
天寧寺西

大金鐘巷
太白井旁
出縣學前

醬坊巷
大功塘通後
街及縣學前

西街正義坊
舊天后宮
抵武鎮坊

羅漢巷
通水亭街及
大鹽倉巷內

皂樹巷
在玉皇堂通
上營太平坊

護領巷
即皂樹柴家
二巷內橫街

柴家巷
通水亭街及
上營太平坊

水亭街
即明揚坊在朝京門內
一直抵新驛巷口有市

街上營
在太平坊通
舊天后宮前

大鹽倉巷
通縣西街
羅漢巷內

小鹽倉巷
在柴家巷

井巷
通大鹽
倉巷內

北街下營
朝京門內北
首至鐵塔下

王衙街
通天王巷
及文昌閣

天王巷

在天王塔下東首

新驛巷

在帥正坊通新開河

文昌閣前

新河西鐵塔下

覺序巷

即混堂巷在縣學旁

箭道巷

即貢院巷交北隅界

以上西隅

按舊志厚俗坊西有柴巷飯巷俱後街九出巷舊名其水亭街北又有貢醬巷

打鐵巷今無考

鈔庫街

即利用坊在十字鋪南一直抵莫家橋頭有市街東通城隍巷屬東隅界內

西街
裱褙巷

一名厚倫巷

中河沿

莫家橋下左右橫街

小天寧巷

出河對饅頭巷

棋坊巷

通厚倫巷及中河沿

古頭巷

棋坊巷西通中河沿

西長街 即招賢坊東抵狀元坊

南道觀巷 通魯儒坊道宮

馬王巷 在菱池塘上

北街南園巷 出中廂祠河沿

晴樓巷 在瑞仙橋上舊有廟

饅頭巷 夫人廟東首係私巷

小西門街 在美俗坊南口通廣門內一

南街娘娘廟前 義姑橋左

預備倉 娘娘廟東直抵南營

五聖巷 對南賽巷通預備倉

童家巷 通預備倉及坊門街

北街美俗坊 舊天后宮南首

老衙巷 通范衙橋及石版廳

柑蔗巷 老衙巷內通西大街

南賽巷 通石版廳及范衙橋

保安巷 通石版廳日新石獅等巷巷內有保安院

坊門街 即衣錦坊正街在光遠門內一直抵坊門總口有市

東街百歲坊 在魯阜神祠前
道宮前 東嶽廟邊舊元妙觀

周家巷 通荷花塘及仁德坊
荷花塘巷 道觀巷內東首

蛟池巷
九曲巷 通道觀巷及魯儒坊

所署前 折桂坊內通憲司前

西街南營 光遠門西通預備倉
明街巷 中坊門街通童家巷

華豐街 即崇賢坊有市南抵坊門街北抵西隅天寧寺前

東街余家巷 通菱池塘大街

街西大石獅巷通石版廳

日新巷通保安巷及石版廳

范衙橋頭在義姑橋北首

以上南隅按舊志衣錦坊東有新巷今無攷通廣門內街北又有桐樹巷洗麩巷方家巷

江家巷柏人巷百家巷小石獅巷左子巷姚公巷飯巷小飯巷應家巷繆家巷新巷史公巷小周家巷共十六名目

或廢或改無考

下街即厚俗坊上段在十字舖北一直抵北樓下有市街西通後街小周王廟及葱椒巷

街東北樓巷即縣署後墻外

三橋街厚俗坊下段有市南抵下街北抵廣盈倉轉箭道巷交西隅界街東通三橋頭西口

顯忠街忠烈廟前即顯忠坊南抵忠烈廟北過鐘樓抵拱辰門有市

街東馬路染政坊高橋邊

高橋頭即廣濟橋通講舍街

酒務橋頭鐘樓東臨淵坊

街西馬路在今回堂前

新開河下白衣巷前一帶

祥符寺前在鐘樓底西首

顯忠巷即三橋頭都堂廳前

仁壽街即仁壽坊舊在化龍巷境內南抵新橋街總口北抵忠烈廟前

街東化龍巷北口出講舍街

鬧市巷化龍巷內即道士巷

豬兒巷舊在鬧市巷內今廢

小井巷在化龍巷旁出塘田

假山街化龍巷內通魯華巷

塘田街在假山街內通塘田

講舍街在金紫街西抵關王廟邊染政坊東抵藥師巷交東隅界

街南威遠橋頭即義井邊

關王街通假山街及營門口

營門口通假山街連化龍巷

以上北隅按舊志及彌陀寺碑記自新橋街北口經鎮署一直至上三橋內魯華巷東抵

彌陀寺基皆屬化龍巷其仁壽坊街西有磁器巷疑卽三橋頭通部院前小巷其街東又有翁家巷春燕巷俱無考惟查鎮署大堂下及後勇房東首舊皆有巷改入鎮署遂廢今忠烈廟旁廢巷通鎮署後圍巡警舖卽其處也

牌坊 德配天地道冠古今二坊在南隅孔氏舊家廟左右

德侔天地道貫古今二坊東隅孔氏重遷家廟左右乾隆四十三年補建

振綱肅紀激濁揚清二坊在舊察院司前左右兩旁

揆文奮武肅紀明刑二坊

舊兵道前萬曆已未天中劉可法建

上游名郡坊

府治前明嘉靖已未年郡守楊公準建

承流宣化二坊

府門左右天順間郡守唐公瑜捐俸建萬曆中火郡守瞿公溥復建今廢

三衢首邑坊

舊在縣左今在縣治儀門內乾隆四十五年知縣王訢然重建

天開重鎮坊

化龍巷南首順治初年協鎮馮公用創建

讀書中秘督學南畿坊

為提學御史趙鏜建

兩登廷對大魁南宮坊

為會魁余懋中建

三衢先哲坊

鼓樓前為唐陸宣公徐徽言徐惠謹徐知新龍邱葺等數十人合建

宮保尚書坊

南門內為尚書毛愷改建

大司馬坊

光遠門內為王厰建

丙臺總憲坊 為都御史江山毛愷改建

大可寇坊 光遠門內為樊瑩建

殿中執法坊 水亭街為御史徐任道建

都御史坊 拱辰門內為王璣建

銓垣都諫坊 明時為給事中鄭大經建

少司馬坊 為兵部侍郎鄭辰建

鴻臚正卿坊 東門內大街為周文興建

天官坊 在天寧寺前為徐一標建

龍飛彙征坊 為舉人鄭漢程朝京等建

繡衣坊 為御史徐毅建

河雒文宗坊 縣倉前為參政葉秉敬建

都憲坊 仁德坊前為御史葉貞建

清朝衡鑑坊 新橋街為進士徐可求建

司諫坊 三橋街前為御史王璣建

天朝晉錫坊 倉前為勅贈主事葉懋建

諫議坊 為進士徐公遴建

天官大夫坊 為郎中徐文沔建開化人

執法坊 莫家橋為郎中鄭朝輔建

天寵雲駢坊

勅封吏部主事徐良德建

憲臺坊

為龍游進士毛汝麒建

皇都得意坊

為宏治王子舉人吳夔建

大夫坊

為同知余伯深建

京省題名坊

為宋溥陳珪徐文沔等建

狀元坊

為留夢炎程宿毛自知建

一時俊乂坊

為舉人鄭朝輔鄭驩等建

會元坊

在府學左為進士徐霖建

雙鶚橫秋坊

為舉人余國賢余邦輔建

會魁坊

在中坊門街為程秀民建

雙鳳冲霄坊

為化縣舉人蔣經等建

進士坊

南市街為應鳴鳳建

三俊登庸坊

為舉人王校張文愚等建

進士坊

在南市街為楊梁建

三俊登科坊

為明進士尹燾徐需等建

進士坊

中坊門街為徐璉建

三小龍錫坊

為通判應能建

進士坊

中坊門街為徐英建

三魁六俊坊

為鄭一珩暨余致中等建

進士坊

下坊門街為鄭瑞建

四友同升坊

為甲午舉人楊仲黠等建

進士坊

廣盈倉右為周洪建

四科元愷坊

為丁酉等科葉其藩等建

進士坊

在水亭街為魏政建

盛世九人坊

為余懋中暨金四科等建

進士坊

為余國賓詹思謙建

九德際盛坊

為葉秉敬暨方應科等建

進士坊

為太僕卿鄭有年建

十人濟美坊

為葉秉性暨余文中等建

進士坊

為余懋中詹思虞建

奕世青雲坊

為宏治己酉舉人徐璉建

進士坊

烏橋街為鄭朝輔建

戊戌進士坊

為葉其蕃暨楊希聖等建

文元坊

為舉人鄭時雍等建

魯儒坊

為孔氏南渡始家于衢建

文光坊

廣盈倉左為周洪建

坊巷

科第坊

在西營內為舉人張諒建

文魁坊

鳥橋為舉人徐訓建

賓興坊

天寧寺左為舉人王鐸建

明揚坊

水亭街前為蔡春建

賓薦坊

為舉人尹燾暨應華等建

步蟾坊

在西河下為張諒建

國賓坊

為宏治已西舉人葉蓁建

折桂坊

為丙子舉人鄭瑄建

登雲坊

莫家橋上為舉人雷讓建

雙桂坊

小西門為趙鏗等建

一夔坊

在酒務舖前為徐公遴建

登科坊

為成化舉人項昇建

三鳳坊

府治東為舉人王璣等建

世顯坊

南市街為楊儀等建

六鰲坊

府治西為程秀民楊梁建

孝義坊

後街巷為徐惠誣建

元坊

廣盈倉左為王之稷等建

孝行坊

為孝子徐知新建

鵬搏坊

中坊門街為舉人姜瓚建

尙義坊

為義民余濬忠建

世美坊

為舉人徐紹芳繼芳等建

尙義坊

為義民魏勇等建

世英坊

中坊門街為舉人胡昱建

百歲坊

在長竿林為祝氏建

世科坊

為舉人鄭瑄建據府志增

百歲坊

在光遠門魯儒坊內

世科坊

在馬站前為舉人余英建

五星聚奎坊

為舉人徐一欖等建

以上九十九坊在城內

攀龍坊

光遠門外為舉人吳珍建

製錦坊

在光遠門外舊縣前

迎恩坊

在光遠門外吊橋前

尙義坊

在四都為義民祝化建

里坦坊

柯山坊

通津坊

清輝坊

盛世人瑞坊

為厚川祝仕旺建

尚義坊

在車塘為義民吳賑榮賑隆建

七葉衍祥坊

在北鄉西峰為貢生親見七代五世同堂徐樹槐建

七葉衍祥坊

在華壠為耆民親見七代五世同堂顏光祚建

盛世麻徵坊

在華壠為耆民五世同堂顏光宗建

以上十三坊在城外

鐘樓

崇禎府志

萬曆辛丑年知府張堯文知縣林雲

建舊志

在縣東北二百步規制與鼓樓略同而砌厚

石為基更為堅固

鐘樓錄樓高七丈銅鐘一口重三千餘觔係林公捐俸鑄其建樓

料所費共銀一百九十三兩三錢五分零今考鐘樓上所懸大鐘實白鐵雜銅爲之其鐘上層鑄心經一篇中層鑄花木鳥獸下層鑄銘詞一篇其文曰合土爲範冶金爲鏞質秉其粹音來自空滿無邊際耳根圓通提撕作息擅有宏功是法器居樓之中層樓摩霄作鎮維雄官茲土者麗茲土者聲名福澤並此聲施于靡窮西安縣縣丞朱朝貞撰鐘下週廣丈餘八角廠口有陽文卦畫八陰文篆字八彷彿若瓦當



其款則萬歷二十九年三月知府張堯文同知鄭偉通判鄧俊卿推官王學孝知縣林雲縣丞朱朝貞主簿邵南壽典史馬瀛及義民吳利照王士寬葉九龍徐一秩督工正術程昆僧綱司都綱葉惠昌同造

國朝康熙七年戊申七月樓被旋風損壞乾隆十七年邑

侯高公容重修三十七年邑侯羅公見龍重建嗣後

守土官以時修葺其費取諸輕罪之鍰

鼓樓

崇禎府志萬曆辛丑年知府張堯文知縣林雲

與鐘樓同時並建舊志在府治東一百五十步高六

丈餘樓上東西二面開窗可望十里中設大鼓一座

樓下路四達洞開四門

國朝康熙丁卯年燬于火

按祥異志康熙二十九年丁卯無火燬鼓樓事張公重修鼓樓

記云廢之二十餘年不過故址僅存則樓之傾廢已在丁卯前十餘年矣舊志丁卯字誤丁丑郡

守張公濬重建不鳩材不病民悉遵舊制浹月成之

郡守張公濬重修鼓樓記三衢為浙閩接壤之區余之過此都也屢矣歲甲子以西曹司權閩海則自浙

而闔丁卯期滿復命則自闔而浙閱已巳以晉秩出
守與化復自浙而闔庚午丁內艱歸里自闔而浙前
後七易星霜舟車往返必由于此雖未嘗一入其國
門訪其故老遺俗顧念三衢土瘠民貧重以兵燹之
後民人之瘡痍幾何室廬之傾圮幾何惻然久之又
念官斯土者不知若何撫字始得瘡痍起而傾圮修
矣服闋後歲在丙子例得起復適爲三衢守衢固曩
時觸目流連之地所惓惓極不忘者也休養旣久日
復一日必有大過乎余昔之所期者詎意瘡痍稍復
而傾圮者如故夫國家之置有郡縣也外則繕治城
隍以正疆域內則建設鐘鼓以警晨昏嚴守望非爲
觀美也凡以衛民焉耳廢者不爲之興墮者不爲之
舉此在行路之人猶或非之而况守斯土者乎他不
具論論其重且大者府治之西爲郡學東則鼓樓在
焉郡學爲長養人才之地端人心正風俗實始基之
余視其因陋就簡不忍旦夕安也下車之始卽毅然
爲已任鳩工庀材固已裒然改觀事竣之日爲春三
月嗣以農事方殷未遑他務歷夏而秋而冬爰有重

修鼓樓之役樓不過故址僅存而已落其實而取其材此亦非易易事也府之東南隅為司李廢署棟梁榱桷猶有存者度其材雅與樓稱顧未免以不足為患適西安令陳子北溟慨然有同志更多方以益之不匝月而樓已成于是鼓樓峙乎左郡學峙乎右遂儼然各復其舊制嗟乎廢之二十餘年成之僅一月凡物與衰固有其時耶是役也易無用為有用既不糜于財無需時無徵發期會復不病于民而又得賢邑宰為之助是誠可記也故因落成而述其顛末如此

嘉慶十一年郡守那公英因傾圮重建

天王塔

在朝京門內天王寺

舊志不知建於何時塔下有天王

寺後寺燬延燒塔亦剝蝕明崇禎壬午八月大風吹

墮塔頂上鑄有梁天監年號是郡未建先有塔也

柯山塔在石梁頂上

舊志登之望見郡城名曰最高頂

鐵塔在西北角城垣上

舊志明萬曆間縣尹劉有源以城西

臨河水勢東駛且防蛟龍之害命工鑄純鐵為之蓋一邑之鎮也日久傾圮

國朝康熙間重修嘉慶四年邑侯許執中勸捐復修龔大欽鐵

塔行山雲鎖麗譙孤塔聳寒碧遙聞鈴鐸聲老鐵壓城脊憶昔三衢江洪水恣橫逆城西當其衝猛駭如卷席偉哉大尹劉觀瀾悟奇策開礦采萬鈞擬作浮屠格當其入治時鍛煉經千百雷公守洪鑪電火助炭炙厥尤射熊熊魑魅遠辟易尖影落中流蛟龍喪雄魄馮夷收狂瀾兩岸不敢拍厯久摧殘多苔埋土花塢當事奮然興鳩工勤力役一一還前規基址重建昔拔地呵干靈去天疑只尺我來矯首觀但見烟

霞積會當摩其
顛遍將星斗摘

安仁古塔

在縣東三十五里安仁街胡曾詩戎馬頻過
處迎眸草倍淒病僧荒塔下破屋小橋西脫

兔依新壘孤帆過別溪蕭
條桑柘影日午不聞雞

雞鳴塔

在縣東
十里

舊志山面對東躋溪與大河滙合之

所石皆顏色屹峙中流勢如環抱川途洄洑實為要

津明萬歷元年郡守韓公邦憲建塔于其上凡七層

邑紳給諫湘溪鄭公贊成之浮橋錄萬歷四十年三

月橋既成邑侯劉公有源以餘貲修建雞鳴山文峰

孟家塔

一名黃甲山塔在城
東二十里孟家汊內

舊志山勢與雞鳴山相

等上下十里頽頽相望其塔九層較雞鳴塔略高大
上書砥柱凌霄四字明萬曆元年兵道曹公棟郡侯
韓公邦憲同建三十八年郡守洪公纖若重修

羅星

在東蹟溪前

舊志與雞鳴山相對用巨石盤砌以扼

兩河東駛之勢明萬曆間郡守洪公纖若築今圯

巽峰塔

在北鄉四十里杜澤

舊志康熙三十四年十一月土

人鳩衆費建

西安縣志卷九

鄉庄 節鎮密廠附

近郊五十里遠郊百里皆鄉也曰遂曰稍曰縣曰都亦鄉也古王畿制也元至元中始改鄉為都改里為圖明洪武制以縣統鄉鄉統都都統圖其規制若網在綱有條不紊顧文川武鄉廉泉讓水各擅嘉名而任旒之賢人里華秋之孝子鄉則地以人重矣今之山巔水湄尙有王彥方陳仲弓其人乎志鄉庄

鄉都 府志 西安一十七鄉舊統里七十有八今編

都五十有九

德懋鄉

在縣南四十里舊里三
德懋 嘉善 慶源

原一都 圖三

二都 圖二

三都 圖二

抱戴鄉

在縣南二十里舊里五抱戴
復元 務本 衣錦 潭覺

原四都 圖五

五都 圖二

六都 圖三

七都 圖二

八都 圖二

靖安鄉

在縣南一百一十里舊里五苦竹
太平 直信 石橋 東安

原九都 圖八

十都 圖五

十一都 圖三

十二都 圖一

十三都 圖三

十四都 圖一

龍業鄉 在縣東南十五里舊里三沙埠 義興 開元

原十五都 圖三

十六都 圖二

十七都 圖一

天保鄉 在縣東十里舊里四積善 時雍 樂雍 新城

原十八都 圖二

十九都 圖二

二十都 圖一

清平鄉 在縣東四十里舊里五馬溪
官塘 潘村 安定 寧德

原編二十一都 圖一
二十二都 圖二

二十三都 圖二
二十四都 圖一

二十五都 圖四

欽化鄉 在縣東四十里舊里五下頓 山前 臨流
白石 大溪 按舊志下頓作下項

原編二十六都 圖六
二十七都 圖三

二十八都 圖二

三川鄉 在縣東四十里舊里六書錦 仁義
五坦 胡柯 宣慈 靖安

二十九都 圖二
三十都 圖三

三十一都 圖五

玉泉鄉 在縣北六十里 舊里六湖溜 桐山
峽口 芝溪 太元 永興

原編 三十二都 圖四 三十三都 圖一

三十四都 圖五 三十五都 圖三

三十六都 圖二

宣風鄉 在縣北四十里 舊里六前林 守前
朱村 崇福 龍溪 杜村

原編 三十七都 圖一 三十八都 圖四

清源鄉 在縣北三十里 舊里五清源
効忠 下定 平樂 靈雲

原編 三十九都 圖四 四十都 圖二

四十一都

圖二

四十二都

圖一

浮石鄉

在縣西北十里
沐塵 清源

舊里四上坦
扶義

原編 四十三都

圖

四十四都

圖二

四十五都

圖三

四十六都

圖一

四十七都

圖二

進賢鄉

在縣西北三十里
興福 興孝

舊里四四渡
按舊志水溜作木溜

水溜

原編 四十八都

圖二

四十九都

圖五

臨江鄉

在縣西三十五里
天泉 石塘

舊里五壓潮
嘉慶 臨河

原編 五十都

圖二

五十一都

圖三

五十二都 圖五

五十三都 圖三

五十四都 圖五

嘉慶鄉 在縣西南八里舊里三
官庄 白杜 福田

原編五十五都 圖二
五十六都 圖三

亨衢鄉 在縣西南八里舊里四萬村
高塘 長樂 唐齊

原編五十七都 圖四
五十八都 圖二

西安鄉 在縣東北三里舊里五東村
申村 孝弟 思齊 誠節

原編五十九都 圖二

庄村 雍正九年改編順庄西安城內四隅城外四

鄉計五十九都通編作一百四十一庄內首一次一
合成一庄別增孔氏一庄統計一百四十二庄今據
其烟戶繁盛者附錄村名於本庄之後其各庄去城
若干里亦僅就村首計數畧資考核云

首一庄 去城南三十五里
在德懋鄉一都

領村 水閣

余家

徐家

填河

次一庄 去城南四十里
在德懋鄉一都

領村 棠村

夏家

一庄 去城南四十里
在德懋鄉二都

領村 園林

劉坂

三庄

去城南四十里
在德懋鄉二都

領村 三觀里

塘北

上芝

霧壠底

石崗

後王坂

華墅

方家山

四庄

去城南四十里
在德懋鄉二都

領村 團元

桂底

龍泉頭

新橋街

上徐

淤埧

大厚

濶塘底

高家

坂裡

泉井邊

下倉底

五庄

去城南五十五里
在德懋鄉二都

領村口

花塘

後溪街

余家鋪裡

下葉

上呂

六庄

去縣南三十五里
在德懋鄉三都

領村黃塘

白潭

車頭

柏靈街

前河埠

毛家

麻埧

赤山口

七庄

去縣南四十里
在德懋鄉三都

領村張村

西塘

大珠

管家塘

社屋前

廣塢

裴家

八庄

去縣南六十五里
在德懋鄉三都

領村塘邊

下詹

上詹

塘裡塢

楓根

殿前

前塘

清漾頭

西隴

大埂

赦地

裡高隴

外高隴

上呂

塢村

大村塢

九庄 去城南十五里
在抱戴鄉八都

領村厚川

鏗溪

路邊

楊家凸

十八里

十庄 去城南二十里
在抱戴鄉四都

領村旺吳

寺前

張家

上吳村

祝家山 上屋村

十一庄 去城南十五里
在抱戴鄉四都

領 夏家 蘆村 呂澤 黃家

十二庄 去城南二十里
在抱戴鄉四都

領 下劉 下徐 楊家 呂塘底

四都劉 東山 山底 王千秋

埧沿

十三庄 去城南二十五里
在抱戴鄉四都

領 大湖 蔡家 菴前 七塘塢

吳彥壠

彭家

樟塘

小旺吳

橫塘

毛家

呂家

十四庄

去城南二十里
在抱戴鄉五都

領項家

唐家

祭塘

廿里街

路底

芳塘

青處

埧義頭

楊村

趙家

金家

赤湖山

魏鄭田鋪

十五庄

去城南二十五里
在抱戴鄉五都

領川前

上淤

十六庄 去城南三十五里
在抱戴鄉五都

領村 東山 馬博祝 馬博吳 後底山

柿家園

十七庄 去城南三十里
在抱戴鄉六都

領村 疊石 碗窰 下橋頭 雲湖

任家壠 宅江 橫塘塍 黃山殿前

沙口頭 吳家

十八庄 去城南二十五里
在抱戴鄉六都

領村 盈頭 六都楊 六都劉 上山塘

善儀砦

南河沿

徐家塢

下山塘

十九庄

去城南三十五里
在抱戴鄉七都

領村萬青

廷屋

上葉

苜蒲壠

南塘

潛林

上呈

二十庄

去城南二十五里
在抱戴鄉八都

領村文堂

樓裡

石宕背

履珠

魚頭塘

葉家

楊家壠

鋪裡宋家

下陳

二十一庄

去城南二十五里
在抱戴鄉八都

領村裡屋

家

王家

山下村

舒家

小家

上陳

新塘底

航頭

二十二庄

去城南九十里
在靖安鄉九都

領村嶺頭

抱珠壠

余家塢

二十三庄

去城南一百五十里
在靖安鄉九都

領村柴家

洋口

楮口

柳家源

柘木

下埠

嚴剝

茶衙

二十四庄

去縣南一百十里
在靖安鄉九都

領村 破石

楛村

翁源

鮑家山

東倉

黃家

天井山

二十五庄

去城南五十里
在靖安鄉十都

領村 湖南

溪口

晚田

草鞋嶺

毛村

二十六庄

去城南七十里
在靖安鄉十都

領村 西川

上湘潭

下湘潭

西山壠

灰谷

湘思源

石壁壠

姚家山

二十七庄

去城南四十五里
在靖安鄉十都

鄉庄

領坑口

龍門

漢都

寧公殿

下埂

下塢

下裴

斗角潭

湖頭

淤裏

下呈

裡村

二十八庄

去城南六十里
在靖安鄉十都

領長佳

洋坑

茶坪

橫坑

黃泥嶺

庄底

泉降

二十九庄

去城南三十五里
在靖安鄉十一都

領嶺底

上廳

學室埠

黃壇口

畢家橋頭

橫路

黃壇源

響谷底

山底

汪吳

三十庄

去城南二十里在靖安鄉十一都

領村柳塘

石室街

上吳

堰頭張

新屋

何家橋

汪家

申明亭

大屋

三十一庄

去城南三十五里在靖安鄉十二都

領村荆溪

藻塘

五石堰

天倉嶺

太平橋

費嶺

山後鄭

田裏吳

濟下

濟源

三十二庄

去城南三十五里
在靖安鄉十二都

領村西壩

泉水塘

何村

烏龍坑

童村

前庄

塔山

東嶽山

鄭家

後祝

章村

小邱源

三十三庄

去城南八十里在
靖安鄉十三都

領村東陽

板固

漁倉

村頭方

羅張源

舊營

社後

殿後山

源口

平坑

外招

彭家山

邊壩

殿邊

三十四庄 去城南三十里在靖安鄉十三都

領大洲

三十五庄 去城南三十里在靖安鄉十四都

領嚴家

祝家

朱家

下溪灘

清水橋

三十六庄 去城南四十里在靖安鄉十四都

領排門

毛家

徐家

下墅街

下蔣

黃澗

寺口

岷山胡

三十七庄 去城東南十五里在龍業鄉十五都

領村沙埠

塘墅

三十八庄
去城東南十五里
在龍業鄉十五都

領村官碓

石坑

缸窰

洪橋頭

普珠園

萬春
即葉破碓

三十九庄
去城南二十里
在龍業鄉十五都

領村崇文

姜家

柯山

楊梅崗

大溪沿

東頭

宅基

四十庄
去城南十五里
在龍業鄉十五都

領村上葉

松園

花園

魯家橋

上陽

胡村

四十一庄

去城東南一十里
在龍業鄉十六都

領村 鬧橋

戴家

徐家

厚貽

溪東埂

上張

下張

桐村

白沙

上繆

四十二庄

去城東一十里在
龍業鄉十七都

領村 沙灣

樓底

雞鳴埠

上賈家

桃園裡

葉家

烏溪橋

下賈家

周家

俞家

大教場

四十三庄

去城東一十里在龍業鄉十七都

領戚家

張家

邵家

鄭家

魏家

周家

孫家

下梨園

官橋

四十四庄

去城東十五里在天保鄉十八都

領盧家

堂坑

前張

茶園裡

高堂石

東塘

下王

長田塍

石巖寺邊

四十五庄

去城東十五里在天保鄉十八都

領村 沈家

樟樹潭

麻車裡

屯裡楊

東蹟街

倉裡葉

黃公橋

新屋裡

四十六庄 去城東二十里在天保鄉十八都

領村 楊家

方家

何花橋

彭湖頭

前松園

四十七庄 去城東二十里在天保鄉十八都

領村 姜家

後壠張

對門張

徐八壠

潘家壠

諸家

楓樹底

前山底

劉家

王家田壠

四十八庄

去城東三十里在天保鄉十八都

領村 鄭家

繆家

裡分

尤家山

街頭

邵家

殿邊

中央淤

葉家

童家

山上

大路邊

四十九庄

去城東三十里在天保鄉十九都

領村 方家

蔡家

袁何

大路張

南山底

西壠

王家

山西坂

五十庄

去城東三十五里在天保鄉二十都

領村 橫路

萬泉壠

周村

山底葉

勝村

下邵溪

墾庄

五十一庄

去城東四十里在清平鄉二十一都

領村溪淤

巖頭何

李家

西

下墻頭

官山底

邵家

馬鞍塘

潘村

五十二庄

去城東五十里在清平鄉二十二都

領村官塘

周家

郎家

楊思塘

勝塘源

江家

余家

水平堰

塘頭

汪家

赤林

里舍源

五十三庄 去城東六十五里在
清平鄉二十二都

領村 沈家 魯家 興福源 方家

昌家 乾坑 上路崗 金家

仙巖底

五十四庄 去城東五十里在
清平鄉二十三都

領村 全旺 樓山後 鄴堂

五十五庄 去城東四十五里在
清平鄉二十三都

領村 尹家 賀輅頭 雙滌頭 松塘尹

五十六庄 去城東五十里在
清平鄉二十三都

領村 上何

大里

平土

柴公崗

十七庄

去城東四十五里在清平鄉二十四都

領村 葑塘

袁家

橫溪

馬蹊街

毛家

五十八庄

去城東四十里在清平鄉二十四都

領村 鄭家

呂家

上徐

上田鋪

申徐

下徐

中黃

上淤尖

上墩

毛村

孫家

周吳村

胡家

朱家

彭家

坂歐塘

上航 方家葉

五十九庄 去城東四十里在清平鄉二十五都

領村 洋村 高家 墩上 上航頭

六十庄 去城東四十里在天保鄉十九都

領村 洪家 安仁街 剗船塘 黃家樓

東山邊 上方村

六十一庄 去城東五十里在欽化鄉二十六都

領村 馬葉 江家 張家 上歐塘

礪高 后汪 埠頭 下歐塘

繆家

六十二庄

去城東三十里在
欽花鄉二十六都

領村 榔樹底

五果

吳家

鄭家隴頭

宋家

六十三庄

去城東三十五里在
欽化鄉二十七都

領村 郭家

蔣家橋

程家

毛家上埂

後方王

六十四庄

去城東三十五里在
欽化鄉二十六都

領村 陳澤

金家

松園

蔣家

社屋邊

林村

岱湖

湖北

上方

六十五庄

去城東三十里在欽化鄉二十七都

領村塔底

堂陵邵

松園

黃甲山

章戴埠

石下淤

侯塘

下巖頭

上巖頭

蘇家

李家

程家山

西山

六十六庄

去城東三十里在欽化鄉二十七都

領村西壠

鼓樓底

黃家

六十七庄

去城東四十里在
欽化鄉二十六都

領
村 篁墩

山前

後孫

山石航

盈川

西村

姜家

董家山

祝宅

西湖

六十八庄

去城東北四十里在
欽化鄉二十八都

領
村 段家

趙家坂

大壠

余家上頭

黃家倉

東山邊

山外

金鉤橋頭

柏葉塢

六十九庄

去城東北四十里在
盈川鄉二十九都

領村 官庄

蔣家

西坂

七十庄 去城東北四十里在盈川鄉二十九都

領村 上宅

西山下

申明司前

七十一庄 去城東北四十五里在盈川鄉二十九都

領村 蓮花

祖處

寺前

上五坦

回龍村

樊家

坂裡

下五坦

高路

余家

張家

七十二庄 去城東北五十里在盈川鄉三十都

領村 東湖

山底

街頭

天井塘

王村

七十三庄

去城東北四十五里
在盈川鄉三十都

領村河西

河東

上葉

下葉

七十四庄

去城東北四十里
在盈川鄉三十都

領村梘頭

寺邊

七十五庄

去城東北五十里在
盈川鄉三十一都

領村外黃

裡黃

汪塢

後塘沿

石塘

後黃

七十六庄

去城北六十里在
盈川鄉三十一都

領村 張家

柏山下

缸窰

大路口

金倉壠

西山口

塘頭

蔣公嶺

西方村

七十七庄

去城北七十里在盈川鄉三十都

領村 上西

陳村

作塘

余家村

石橋頭

楊家

南章

山底陳

黃家堰頭

朱家

前橋

七十八庄

去城北七十里在玉泉鄉三十都

領村 高壠

朱塢

嶺

陽源山

東坑口

東坪

鄭塢

金村源

下坑頭

塘頭

上保

烏石坂

東塩

七十九庄

去城北六十里在玉泉鄉三十二都

領村李宅

彭家

後山

鄭家

前碓橋頭

塘塢

殿後

上坪

八十庄

去城北五十里在玉泉鄉三十二都

領村峽口

秧田

湖溜

前山

峽口王家

八十一庄

去城北八十里在玉泉鄉三十三都

領嚴村

石梯

東金

姜家

淑母村

新路

山邊

徐家

八十二庄

去城北九十里在玉泉鄉三十四都

領山頂村

苦竹

下界頭

玳堰頭

山坑口

金家

海塢

下路頭

邵家

八十三庄

去城北九十里在玉泉鄉三十四都

領大堰村

豸前

祝家

八十四庄 去城北一百二十里
在玉泉鄉三十四都

領上方

西山

灰坪

石壁

西湖

葱口

大邨

理務

塘源

仙洞

赤岸

八十五庄 去城北八十里在
玉泉鄉三十五都

領治嶺

龍坑

茶槽

少伸

楊梅崗

山頂

嶺根

麻塢

淡竹塢

橫塢

牌門

塍下

仰天山

田裡

吳家

塢口

洪橋淤 姜家 洞口 王家

竹埂底 東塢 龔家 朱頭

八十六庄 去城北五十五里在玉泉鄉三十五都

領村雙橋 黃門 銀坑 太真洞口

塘頭灣 華坑 沙潭 塘塢

上槽 下槽 王家 方家

八十七庄 去城北五十里在玉泉鄉三十六都

領村杜澤 銅山源 明果寺前

八十八庄 去城北四十五里在清源鄉三十九都

領村 毘溪

蘇村

樟樹底

朱塢

上下傅

盈裡

錫路坂

官塘殿

八十九庄

去城北四十里在宣風鄉三十八都

領村 石井

前林

塲頭

徐村

祝村

霞井

九十庄

去城北四十里在宣風鄉三十八都

領村 西庄

王村

童村

鄭家

堰坑頭

古山頭

九十一庄

去城北四十五里在宣風鄉三十七都

領村 橋王

白水

東宅

華隴

下山沿

睦堂

上杜

下杜

下溪灘

下岱

九十二庄

去城北二十里在清源郷三十九都

領村 雲溪

章戴

前山

張家

赤山底

祝家

馬錦

鄭家

王家倉

上山頭

胡家

巖家

九十三庄

去城北二十里在清源郷三十九都

領村 麻川

蔣村

南隴

石崗

新田鋪

屋基

大埂

厚村

陶山

九十四庄

去城北三十里在清源鄉四十都

領村上宅

李家

十子下方

魏家

吳家

東頭

九十五庄

去城北三十五里在清源鄉四十都

領村山頭

谷口

石角山

下余

荷花塘

童家

大塘頭

華家

西山

九十六庄

去城北三十里在清源鄉四十二都

領村 豐村

上林

上塘

上篆

清源洲

九十七庄

去城北四十里在清源鄉四十二都

領村 川坑

板橋

陳村路底

後堆

後田坂

滌源

張坂塢

童家

陳家

九十八庄

去城北三十五里在清源鄉四十二都

領村 周家

相碓

蟠塘塢

上崗塘

後溪塘

宋家

魁山頭

九十九庄

去城北三十五里在
清源鄉四十一都

領村 琿塘

大塘

上姜

下余塢

楓樹塘

溪西

一百庄

去城北二十里在
浮石鄉四十三都

領村 後隴

仁堂橋

蘇塘

塔石塘

華家塢

瓜園裡

梅塢

蕭家壠

麻車裡

邵家塘

張家

漁船埠

姜家塢

十三里

王家田鋪

一百一庄

去城四十里在浮石鄉四十三都

領航頭街

徐家塢

毛家嶺

過山方

一百二庄

去城西北十五里在浮石鄉四十三都

領爐頭

白塔

南隴

蔣家灘

山後徐

王家

姚家

順碓邊

蔡家

盛家路邊

馮家

埂頭池

金家

楊家

橋頭汪

一百三庄

去城西北二十里在浮石鄉四十六都

領堰頭

上彭川

楊塘

春山坪

下坂

楊家溪邊

宅基

山頭舒

朱家

裴家

苦竹崗

一百四庄

去城西北二十里在浮石鄉四十四都

領村錦橋

蘆林

邵宅

劉家碓

竹篷頭

姜村

錦橋裡

一百五庄

去城西北二十五里在浮石鄉四十五都

領村上坦

外宅

繆源

谷口

九華山

大侯

阡淤

蛟池

一百六庄

去城西北二十五里在浮石鄉四十六都

領村 上童 下童 下彭川 周角隴

饅頭山 山坑 萬田 余家山頭

塔石嶺 對塘 坦上 井頭村

田鋪裡 下方

一百七庄 去城西北十五里在浮石鄉四十七都

領村 沐塵 清潭 王家 布穀橋頭

一百八庄 去城西北十五里在進賢鄉四十八都

領村 下坦 楊家源 槿山 范村

東山鋪 關溪

一百九庄 去城西二十里右
進賢鄉四十八都

領村 石梁 過溪

一百十庄 去城西十五里在
進賢鄉四十八都

領村 梅村 路底村 上下靜巖 山外村

一百十一庄 去城西十五里在
進賢鄉四十九都

領村 下方 後方 後姜 吳家山

外前塢 新塘 柴家 過溪楊

鍾陽方 派橋 李家 塘頭陳

路邊柴 花塢

一百十二庄 去城西二十五里在進賢鄉四十九都

領夏村

勘底

嶺下

塘邊

染店

上華

下華

派溪

早田坂

壠頭

塘裡

寺橋

七里

一百十三庄 去城西二十里在進賢鄉四十九都

領塘公

白嶺

兩頭塘

裡前塢

三塘

一百一 庄 去城西三十五里在臨江鄉五十都

領村秀俱

茗坑

大俱源

黃俱口

後余

前山

童家

一百十五庄

去城西四十五里
在臨江鄉五十都

領村葉坂

梅川

崔家

畱山

東源

李家

碗窰

桐樹園

一百十六庄

去城四十里在
臨江鄉五十都

領村洞頭

余村

溪東西
溪東

鈎溪

五十都

大埂

後力

樓底

斗門壠

上余坂

一百十七庄

去城西十五里在臨江鄉五十一都

領村三山

葉塘

柴家

毛家

莫家

塘底

高山

一百十八庄

去城西三十里在臨江鄉五十一都

領村上葉

橫源塘

後塢

宋家隴

高塘

雙源塘

山頭

何家隴

一百十九庄

去城西二十五里在臨江鄉五十一都

領村嚴村

孫家

姚家

社屋根

陳村塢

姚墩

翁家

一百二十庄
去城西三十五里在臨江鄉五十三都

領村 規陳
連塘
山背葉
徑坂

東坂劉
四果
將軍葉

一百二十二庄
去城西二十五里在臨江鄉五十一都

領村 彭村
後方

一百二十二庄
去城西三十里在臨江鄉五十二都

領村 毛村
北淤
墩頭
菴裡

莊 輝殿前
湖口
沈家
邵家

一百二十三庄
去城西二十五里在臨江鄉五十二都

領村柴家 大墳頭 下埠 梘頭

大橋頭 長澤街 官田

百二十四庄 去城西二十里在臨江鄉五十二都

領村上萬 尖溪頭 前壩

一百二十五庄 去城西二十五里在臨江鄉五十三都

領村航埠橋西 八寶 今併入橋西

一百二十六庄 去城西二十五里在臨江鄉五十三都

領村航埠橋東

一百二十七庄 去城西二十里在臨江鄉五十四都

繆村 大塘頭 汪家涼亭

下淤頭

一百二十八庄 去城西十五里在臨江鄉五十四都

領村 前徐 壓潮 西池 石溪塘

姜家山 黃塘橋 吳家

一百二十九庄 去城西一十里在嘉慶鄉五十五都

領村 翁梅 雙塘嶺 柘溪 慈姑隴

地藏寺 大路口 陳家 官庄坂

龔家埠 烏石 龍迴

可之系示 乙 鄉庄 三

一百三十庄 去城西五里在嘉慶鄉五十六都

領上方 下方 上埠頭 下埠頭

河上堰 白渡坂

一百三十一庄 去城西南十五里在亨衢鄉五十七都

領萬川陳 善溪塘

一百三十二庄 去城西南十里在亨衢鄉五十七都

領村 豐家 呂家 塹上 梅家淤

余家山 高欒 坑沿 陳家淤

南村 繆家

一百三十三庄 去城西南十里在
亨衢鄉五十七都

領村 孫家

汪村

下巒

嚴家淤

航頭街

葉家

下姜

百家塘

槐角樹底

一百三十四庄 去城南十五里在
亨衢鄉五十八都

領村 上祝

西山底

東洲

上橫埂

一百三十五庄 去城南十里在亨
衢鄉五十九都

領村 章篷

五溝底

毛家

碓塘底

鄭家碓

宣家

陳家

半路橋

荷花塘

箬篷

姜村

張師殿

葉家壠

徐村

雙井

一百三十六庄

在西安鄉五十九都城內東隅及小南門外官庄涼亭等處

一百三十七庄

在城南隅

一百三十八庄

在城西隅

一百三十九庄

在城西隅

一百四十庄

在城內西北隅

一百四十一庄

在城北隅

一百四十二庄

孔氏

市鎮 舊志 四鄉市鎮八 府志 西安城外市鎮九 今有四鄉

市鎮入總計

一十有七

安仁市 在六十庄東鄉

五坪市 在一百三十六庄小南鄉

沙埠市 在三十七庄小南鄉

上坦市 在一百五十五庄西北鄉

雲溪市 在九十二庄北鄉

章戴市 在六十五庄東鄉

蓮花市 在七十一庄東北鄉

湖澗市 在八十庄北鄉今移峽口

航埠市 在東西二市在一百二十五庄西鄉

大洲市 在三十四庄東南鄉

洋村市 在五十九庄東鄉

上方市 在八十四庄北鄉

杜澤市 在八十七庄北鄉

柏靈市 在六庄南鄉

樟樹潭市

在四十五庄東鄉

全旺市

在五十四庄東鄉

石室市

在三十庄小南鄉

窰廠

四鄉其治廠二碗窰二缸窰四五窰三十有七

其興廢無常及在山陬僻壤者以百數十計茲概不

錄

黃壇口治廠一所

龔家埠治廠一所

雲湖碗窰一所

五十都碗窰一所

後溪大橋頭缸窰一所

青窰

普珠園缸窰三所

青窰黃窰

盈川山瓦窰一所

蓮花港瓦窰一所

安仁街瓦窰一所

洋村灣瓦窰一所

樟樹潭瓦窰一所

黃陵堰瓦窰一所

石室堰瓦窰一所

石坑壩瓦窰一所

黃巢寨瓦窰一所

青背山瓦窰一所

四都劉瓦窰一所

大淤裡瓦窰一所

魚頭塘瓦窰一所

洞頭寺瓦窰一所

荷花塘瓦窰一所

雙溪口瓦窰一所

高埂瓦窰一所

坑口瓦窰二所

開橋瓦窰四所

湖南瓦窰一所

壓潮瓦窰一所

墩頭瓦窰三

潭山底瓦窰二所

上童村瓦窰三所

後溪大橋頭瓦窰四所

西寧縣志卷十

學校

古之王者建國君民教學為先三代以來禮制大備
我

朝崇儒重道四海之內庠序如林而西邑自孔氏南遷詔
立家廟闕里而外接洙泗之傳者於茲為最學者親
炙俎豆翔步堂階因以沐浴聖涯蒸蒸日上向化風俗醇
茂賢才奮興蓋未有不本諸此矣志學校

縣學 在縣治西北

嘉靖通志舊在禮賢門外製錦坊明洪

武三年知縣何忠徙縣東宏治府志洪武五年知縣

靳達建堂齋射圃正統間郡守白琮開拓重建府志

正德十四年知縣張潤身遷於宋貢院遺址舊志嘉

靖二十三年教諭譚敷遷於祥符寺址建文廟兩廡

戟門櫺星門鑿泮池置堂閣齋舍亭宅程秀民為記三十

八年知府楊準重建命訓導汪旦督修文廟兩廡儀

門櫺星門尊經閣敬一亭萬曆十七年知縣許國誠

重修文廟鑿泮池署縣事推官陳三樂成之徐一標為記

二十四年知縣蔡元相重修鄭有年為記崇禎二年知縣

賀康載重建文廟兩廡

賀康載記邑學凡三徙洪武三年自禮賢門外製錦坊徙

入郡治北卽今孔氏家廟正德十四年再徙宋貢院舊址至嘉靖二十三年始得今祥符禪寺徙焉南面諸峰聳秀東西雙流環抱雞鳴山峙其下蓋形勝之區也而人文於斯為盛當時作者率因舊殿稍增置堂廡歲久隆者欲撓翼者欲折門內成窪門外成阜天啟乙丑康載受事西安周視殿廡憮然有更新之志而絀於時先斥肺石之羨開濬前池俾環池為垣而餘無所問丁卯春仲入廟雨集戒縣尉葺其敝植其顛然屬補苴無益也越己巳諸士以操場逼近學宮謀於康載移復七里街故處樂助者雲集工方竣請以餘勇施於學宮會徐大參自閩海徐司理自雲間徐儀部周海豐各書來亦謂操場既移學宮宜新康載於是毅然有葺學之舉遴監生徐日徵董其役耆民王自秀葉兆亨徐良資佐之首建文廟次門廡次啟聖祠次魁星閣明倫堂仍其舊而加葺焉良材巨石堅完而壯麗諸士望宮牆歷階序登殿升堂巍

然大觀也哉肇工于五月初四日甫肇工巨木從河西岸底
 日落成於十二月初四日甫肇工巨木從河西岸底
 湧出鄉人神之建豎之辰五色雲見邑士舉酒相賀
 謂必有偉人傑士應運起者稽唐開元郡邑始得廟
 祀孔子唐之偉傑孰如陸宣公宋慶厯朝學制始備
 宋之偉傑孰如趙清獻此二公者皆崇祀於鄉鄉之
 人指某山某水為陸所低徊願畱而趙之毓祥鍾秀
 在焉至今談者齒牙有餘馥明興重學明倫西安科
 甲蟬聯名臣碩輔輩出文明之象卓冠東南迺自洪
 武百八十年而近為嘉靖甲辰邑學始得據山川之
 勝又八十年而遠為今上巳巳廟貌聿新規制宏備
 靈秀之氣凝合而一大振之雲見木湧夫豈無意是
 役也諸士中率先倡義者若而人合力協助者若而
 人皆彬彬乎一時之盛而程材課實厯寒暑廢寢食
 使民不知役工不知勞則董
 役者之力為多備書於石

國朝順治十一年知縣白拱薇重濬泮池康熙七年知縣

李忱重修

葉南生記我衢山川鍾異石室蒼以秀激

之建歲久傾頽在供億餽輓之餘欲葺治而未遑也
歲辛丑恂九李公涖邑甫下軾謁廟周視覺宇垣舍
喟然曰學校者教化之本原而英賢之淵藪也奈何
漸卽於圯是余之過也夫于是捐祿饒力士其事相
輕重之宜審緩急之序均勞逸之期飭惰勤之約乃
命工師選度名材持引杖揮之左右動中繩墨乃
命陶人埴土成器毋薄而窳必慎以固乃命掾築丹
漆之工疇縮版疇操鋸疇塗獲勿隱汝能罔嬉而逸
乃命胥徒臺隸之役奔走趨事朝夕匪懈乃進僚佐
而屬之曰君等同事茲土當董率工役以時稽其舉
廢而行其賞罰乃揖廣文先生暨弟子員而告之曰
二三君子共在官牆其各抒所見恪共迺事以匡所
不逮勉之哉經綸條貫揆日興庸為文廟為廊廡階
砌為啟聖宮為明倫堂為尊經閣文昌魁星諸閣及
名宦鄉賢祠次第修舉子來忘勞遠近內外秩然改
觀公則從容暇豫不大聲色而庶績咸熙是其作人

經世之道有深焉者矣予嘗慨服官從政者好自急
 功名視澤宮泮水邈乎若不相屬間有一二垂思者
 或公私方匱苦於財或役車未休苦於力或案牘旁
 午輒使迭應苦於時否則經營未稱其宜器使未適
 其方往往有其心而不克竟其業今公在百端交集
 之地獨毅然引為已任悉捐俸貲而不藉民財厚償
 傭值而不瘁民力揮絃清嘯優游規畫而不憚時之
 盤錯且經營各當其位置器使必盡其短長用能不
 勞告成奕世永賴使臯比講授者弦誦攸宜負笈來
 游者藏息得所鐘鼓樅鏞如聆辟雍之奏琴書劒佩
 不殊鄒魯之堂甚盛舉也余歸田後聆公訓最深因
 獲備志其事鑱之石使後之珥筆者其撫余言以垂
 不朽
 云 十年又修也首崇學校以明倫設教為本自涖
 治初有事文廟闢堂奧繕廊廡靡不備具蓋以其心
 力經營垂十年幾與其政治相終始至是重建明倫
 堂告成事焉按是堂創自有明中葉剝蝕傾圯摧崩
 是懼公規畫歲餘相陰陽定矩矱卜築歲月燦然復

新詳於等度敬其事也度悉從古不忘舊也飭祀
昌廣文教也旁構數楹以舍肄業存先制也或曰
禮湮廢久矣在昔講藝習射養老合樂燕饗斯堂實
爲從事之區今典章衰謝而欲虛植一堂以冀三古
之盛事不已難乎夫君臣父子夫婦昆弟朋友之道
與世推移日以淪晦胥賴此堂以傳不朽其建置之
不可緩也明甚間嘗觀邑中所行鄉飲酒禮以嚴凝
盛德序賓主揚觶拜洗猶然三代法物三年賓與歌
詩進筓彬彬揖讓每長吏入學修謁如儀弟子鳴鼓
講藝何遽不逮李覺胡瑗故事至於集耆老振木鐸
以月旦徇論邑中大有周官讀法遺意焉若其他習
射養老合樂雖稍稍散佚而由繹其旨亦大要不離
乎明倫者近是苟原本此意以興起禮樂有舉而措
之耳第規制徒存躬修不立猶具文也明倫之要務
以身先余聞公於家庭肅籬有禮嚴整而輯睦而君
父不貳朋友不欺尤灼灼人耳目余邑又素以淳謹
稱坊則易立表則易率則斯堂之關於名教顧不大
哉堂旣成公適膺卓薦司馬鞏州士若民無不致其

謳思卽斯堂鼎新彌令人追維德教與俎豆鐘簋並
 垂不朽矣邑學司教王君莫宗禔躬範士與公交修
 實董斯役將鐫石垂後而命余爲序余因樂與公道
 立學之旨并以告天下之士大夫曰將欲講明典禮
 以冀復三古之盛
 三十年知縣鹿祐葺文廟建兩廡
 者必自茲堂始

朱彝尊記西安縣學舊在禮賢門外嘉慶鄉製錦坊
 元末燬於兵洪武初一徙於城北廢斗室法院爲之
 正德間再徙於宋貢院遺址嘉靖中復徙於大中祥
 符寺規制差備自耿精忠逆命六師致討屯兵府郭
 久縣學牆屋薪木皆毀惟文廟僅存梁棟亦圯會進
 士穎川鹿侯來知縣事下車謁廟顧瞻太息乃豫爲
 規畫俾山農之產竹木陶人之治瓦甃段治之攻釘
 鉸者咸得以其物輸官抵井稅儲興築之具而以月
 俸補其額鳩工庀材首葺廟宇次營兩廡各九楹次
 建明倫堂次設先賢先儒木主然後繚垣牆塗丹粉
 濬泮池之水種樹廟庭及堂之前後凡百本經始於
 辛未之秋今年春二月堂成侯興器用弊釋奠於廟

牲酒豆籩秩秩有儀觀者交悅具頌侯之功伐石以
進侯曰未也堂雖成祠與閣未備且曩時賜書未有
存者經以載道而學宮無之其可哉乃購羣經疏義
凡百餘家將納之廟篋以示學者噫侯之用心勤矣
夫三衢固仕國也昔之言經術者若樓灼之三禮劉
牧徐庸柴翼之易徐晉卿王宏之春秋是皆西安產
也西安之俗其君子敏於事士之志於學者不少特
爲兵與歲所苦居無鬻舍市無書肆其何所資以講
習爲得侯所購之書貯於學有不相觀而善相說而
解辨其異同而博喻之者乎吾知教之所由興必自
西安始余游乎學校見昔之廢者具舉中心怡懌不
能自已於言而縣學教論錢君訓導王君樂襄其役
與余述侯立學之功集事之敏有過人
計慮之外者爰撫其本末而書之於石

乾隆十八年知縣張錫齡劉甫岡先後繼修

錢維城
記西安

邑康熙十三年耿逆弄兵總督武定李公謀知之卽
疾驅據守居賊四圍中悉力調度卒以蕩平故浙東

郡多為賊所殘破獨衢以公故城池學舍壇廟倉庫
 得完自李公用兵以來七十餘年縣學歲久不葺多
 冊敗諸有司方謀新之故生員邵貞幹妻杜氏遵夫
 遺命首捐白金一千兩於是邑士民踴躍恐後知縣
 事張君錫錦劉君甫岡先後創率復遴紳士徐沂葉
 斌徐瀾吳士本董其役自戟門大殿崇聖祠及明倫
 堂忠義祠以次修理輪奐踰於舊是役也經始於乾
 隆二十五年三月迄工於二十八年八月糜白金三
 千一百三十兩有奇有司告成於學使者學使者執
 筆而誌曰

國家建邑首立學宮祀先聖先師命學官試民之俊秀

者補博士弟子員以養以教涵育而薰陶之德意甚

厚而諸生或不能謹守師說流於曲學不稱

朝廷重師儒以樂育人材至意夫邵杜氏發耳不死其

夫以千金之重不為琳宮梵宇之助而修夫子廟此

學士大夫有難能者而邵杜氏行之嘗讀詩至兔置

曰關雎之化行則莫不好德而賢人眾多也至汝墳

曰文王之化行婦人能勉君子以正也至殷其雷曰

大夫妻能以勤勞閔君子而勸以義也夫王者之治其化學士大夫易化野人也難化野人難而化婦人女子尤難邵杜氏好德而勸於義與其君子相勉以正不背既死之命而以私財上佐

聖天子薪蒸棫樸之治其所見何如也然非

國家教化涵濡百年之久道德一而風俗同天下咸知崇正學而黜異端惡得有此哉二南之風不專美於前矣若良有司之董率經營紳士之慕義而趨事亦有足多者五十六年知縣謝最淳教諭吳珖訓導朱得備書之

謙魯修文廟重建兩廡嘉慶十四年巡道繼公昌知

縣姚寶燧教諭朱鬯訓導楊世英倡修

大成殿位次

至聖先師孔子向南

四配 分列東
西向

復聖顏子 宗聖曾子 述聖子思子 亞聖孟子

十二哲 分列東
西向

先賢閔子子騫 先賢冉子伯牛

先賢冉子仲弓 先賢宰子子我

先賢端木子子貢 先賢冉子子有

先賢仲子子路 先賢言子子游

先賢卜子子夏 先賢顓孫子子張

先賢有子子有 先賢朱子元晦

扶崇祀之典歷代不一漢高祖十二年過魯以太牢
 祀孔子章帝元和二年祀孔子於闕里猶未立廟梁
 天監四年初立孔子廟唐武德四年始立周公孔子
 廟各一所於國學以孔子為先師周公為先聖貞觀
 二年詔州縣學皆立廟停祀周公奉孔子為先聖以
 先師顏子配開元八年以四科閔子等列享為十哲
 曾子從享坐十哲之次宋元豐七年令天下學廟塑
 像以孟子配食大觀二年躋子思配食景定二年定
 顏曾思孟為四配升子張於十哲明初學宮悉仍前
 制孔子稱大成至聖文宣王四配稱公先賢稱侯嘉
 靖九年改大成殿為先師廟孔子稱先師四配稱聖
 十哲以下稱賢易諸像以木主
 國朝順治十四年議正木主題曰
 至聖先師孔子四配曰復聖顏子宗聖曾子述聖子思子
 亞聖孟子十哲以下曰先賢某子某康熙五十
 一年升朱子於哲位乾隆二年升有子於東哲

御製

國朝康熙二十四年大成殿

御製萬世師表匾額 雍正三年

御製生民未有匾額 乾隆三年

御製與天地參匾額 嘉慶五年

御製聖集大成匾額

康熙二十五年

御製至聖先師孔子贊并序

蓋自三才建而天地不居其功一申傳而聖人代宣其蘊
有行道之聖得位以綏猷有明道之聖立言以垂憲此正

學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勳業炳於一朝明道者教思周於百世堯舜禹湯文武之後不有孔子則學術紛淆仁義湮塞斯道之失傳也久矣後之人而欲探二帝二王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景仰滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極

惟后綏猷作君作師垂統萬古曰惟堯舜禹湯文武五百
餘歲至聖挺生聲金振玉集厥大成序書刪詩定禮正樂
既窮象繫亦嚴筆削上紹往緒下示來型道不終晦秩然
大經百家紛紜殊途異趣日月無踰羹牆可晤孔子之道
惟中與庸此心此理千聖所同孔子之德仁義中正秉彝
之好根本天性庶幾夙夜勗哉令圖溯源洙泗景躅唐虞
載歷庭除式觀禮器摛毫仰贊心焉遐企百世而上以聖
為師百世而下以聖為師非師夫子惟師於道統天御世
道為寶泰山東海泱泱牆高萬仞夫子之堂孰窺

其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

曾子贊

洙泗之傳魯以得之一貫曰唯聖學在茲明德新民至善
為期格致誠正均平以推至德要道百行所基纂承統緒
修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子贊

人既萎楊墨昌熾子輿闢之曰仁曰義惟善獨闢知言
養氣道稱堯舜學屏功利煌煌七篇並垂六藝孔學攸傳
禹功作配

祝文 雜

先師德隆千古道冠百王揭日月以常行自生民所未有

屬文教昌明之會正禮和樂節之時辟雍鐘鼓咸恪

薦於馨香泮水膠庠益致嚴於籩豆茲當春秋仲祇率

彝章肅展微忱聿將祀典以復聖顏子宗聖曾子述

聖子思子亞聖孟子配

東廡從祀六十六人皆西向

先賢蘧子瑗

先賢澹臺子滅明

先賢原子憲

先賢南宮子适

先賢商子瞿

先賢漆雕子開

先賢司馬子耕

先賢梁子鱣

先賢冉子孺

先賢伯子虔

先賢冉子季

先賢漆雕子徒父

先賢漆雕子騞

先賢公西子赤

先賢任子不齊

先賢公良子孺

先賢公肩子定

先賢鄒子單古本作鄒

先賢罕父子黑

先賢榮子旂

先賢左人子郢

先賢鄭子國

先賢原子亢

先賢廉子潔

先賢仲子

先賢公西子真

先賢邾子貜

先賢陳子亢

先賢邾子張

先賢步叔子乘

先賢秦子非

先賢顏子噲

先賢顏子何

先賢縣子亶

先賢樂正子克

先賢萬子章

先賢周子敦頤

先賢程子顛

先賢邵子雍

先儒公羊子高

先儒孔子安國

先儒毛子萇

先儒高堂子生

先儒戴子聖

先儒何子休

先儒陸子贄

先儒韓子琦

先儒歐陽子修

先儒司馬子光

先儒楊子時

先儒羅子從彥

先儒呂子祖謙

先儒陸子九淵

先儒黃子幹

先儒眞子德秀

先儒何子基

先儒趙子復

先儒金子履祥

先儒陳子澐

先儒胡子居仁

先儒陳子獻章

先儒羅子欽順

先儒陸子隴其

西廡從祀六十四人

皆東向

先賢林子放

先賢宓子不齊

先賢公冶子長

先賢公皙子哀

先賢高子柴

先賢樊子須

先賢商子澤

先賢巫馬子施

先賢顏子辛

先賢曹子邴

先賢公孫子龍

先賢秦子商

先賢顏子高

先賢壤駟子赤

先賢石作子蜀

先賢公夏子首

先賢后子處

先賢奚容子蒧

先賢顏子祖

先賢句子井疆

先賢秦子祖

先賢縣子成

先賢公祖子句茲

先賢燕子伋

先賢樂子欬

先賢狄子黑

先賢孔子忠

先賢公西子蒧

先賢顏子僕

先賢施子之常

先賢申子振

先賢左邱子明

先賢秦子冉

先賢牧子皮

先賢公都子

先賢公孫子丑

先賢張子載

先賢程子頤

先儒穀梁子赤

先儒伏子勝

先儒后子蒼

先儒董子仲舒

先儒鄭子康成

先儒杜子子春

先儒盧子植

先儒諸葛子亮

先儒王子通

先儒韓子愈

先儒范子仲淹

先儒胡子瑗

先儒胡子安國

先儒尹子焞

先儒李子侗

先儒張子栻

先儒蔡子沈

先儒陳子淳

先儒魏子了翁

先儒王子柏

先儒許子衡

先儒許子謙

先儒吳子澄

先儒王子守仁

先儒薛子瑄

先儒蔡子清

按漢延光二年祀孔子於闕里始及七十二弟子唐貞觀二十一年以左邱明卜子夏公羊高穀梁赤伏

勝高堂生戴聖毛萇孔安國劉向鄭眾杜子春馬融
盧植鄭康成服虔何休王肅王弼杜元凱范甯賈逵
二十二弟子配享不及七十二賢宋咸平三年始以七
十二弟子從祀元豐七年以荀况楊雄韓愈從祀大
觀二年增周張二程朱五子政和三年詔東西廡繪
從祀像景定二年增張栻呂祖謙司馬光邵雍元皇
慶三年增許衡明初仍前代封爵兩廡先賢稱侯先
儒稱伯洪武二十九年罷楊雄增董仲舒正統二年
增胡安國蔡沈真德秀正統八年增吳澄成化八年
增楊時嘉靖九年罷吳澄定從祀弟子稱先賢左邱
明以下稱先儒悉罷封爵用木主又以申棖申黨本
一人存根去黨其公伯寮秦冉顏何荀况戴聖劉向
賈逵馬融何休王肅王弼杜預十二人罷祀林放蘧
瑗鄭康成鄭眾盧植服虔范甯七人各祀於其鄉增
祀后倉王通胡瑗歐陽修陸九淵五人隆慶六年增
薛瑄萬曆十二年增胡居仁陳獻章王守仁

國朝康熙五十五年以口仰於從祀雍正二年議改祀於
鄉宜復從祀者林放鄭康成鄭眾盧植服虔范

審既罷宜復者秦少顏何戴聖何休又增先賢縣直
 牧皮樂正一萬章公都十公孫丑先儒諸葛亮陸贄
 韓琦尹焞黃幹陳淳何基王柏金履祥許謙陳澹羅
 欽順蔡清陸隴其乾隆二年復吳澄從祀六年定學
 宮從祀先賢先儒次等以
 太學為式通行直省府州縣遵
 照書題按東西先後次序
 設安

崇聖祠

在大成殿東北

舊志在祥符寺觀音堂逼附鐘樓明

嘉靖四十年知縣俞大有訓導汪旦改遷於明倫堂

東崇禎二年知縣賀康載重建

國朝康熙七年知縣李忱修十三年燬於兵二十五年訓

導沈人魁重建三十七年知縣陳鵬年訓導王欽摺

移建於聖廟東

乾隆二十八年知縣張錫錦劉甫岡繼修五十六年

知縣謝最淳教諭吳珖訓導朱謙魯重修

崇聖祠位次

昌聖王孔子

居次東南向

裕聖王孔子

居東南向

肇聖王孔子

居中南向

詒聖王孔子

居西南向

啟聖王孔子

居次西南向

配享分列東
西向

先賢顏氏 先賢曾氏 先賢孔氏 先賢孟孫氏

從祀分列東
西向

先儒周氏 先儒程氏 先儒蔡氏 先儒張氏

先儒朱氏

按崇聖祠舊名啟聖祠明嘉靖九年准張孚敬議建
專祠以祀聖父叔梁公又以顏子曾子坐堂上而顏
氏無絲曾氏點在兩廡且孔鯉孟孫激無祭非推尊
所生之義乃移顏氏曾氏主并孔氏孟孫氏配享稱
先賢某氏以程子父洵朱子父松蔡沈父元定從祀
稱先孺某氏春秋上丁先祭啟聖祠後祭孔子萬曆
十二年以周子父輔成從祀
雍正元年改名崇聖追封先師五代王爵世祖木金

父公爲肇聖王高祖祈父公爲裕聖王曾祖防叔公
爲詒聖王祖伯夏公爲昌聖王父叔梁公爲啟聖王
二年增張子

祝文 維

宋鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲
屆仲春秋聿修祀事以先賢顏氏曾氏孔氏孟孫氏配
先儒周氏張氏程氏朱氏蔡氏從祀

釋奠 舊志 西安自明成化前未有祭春秋二丁縣令

帥通學諸生隨府官於府學行禮宏治初知縣廖鉉

始創行之先期一日省牲陳設祭器至期丑前五刻
執事各就次掌饌者實饌具點視訖易服迎神九叩
首乃行初獻奠帛獻爵讀祝文亞獻終獻以次行之
飲福受胙送神復九叩首乃望瘞禮畢其主祭助祭
位在丹墀下自就位至禮畢皆禮生唱引主祭者從
東階上神座前行初獻從西階下復位亞獻終獻皆
然助祭者分獻亦禮生導引

按古釋奠有六始立學釋奠一也四時四釋奠通前
五也出征執有罪反釋奠於學六也常奠惟祭先師
天子視學乃祭先聖魏正始晉太始開平寧康間釋
奠孔子並以講經通後舉行至隋乃定國學釋奠每

歲四仲月上丁州縣學春秋仲月上丁唐開元時設
 釋奠用宮架樂備牲牢酒脯宋大中祥符中定州縣
 釋奠禮器紹興中定儀注元制春秋二仲釋奠歲以
 爲常明洪武四年定祭器禮物十五年頒釋奠儀成
 化十二年增籩豆侑數
 國朝順治元年定每歲春秋仲月上丁釋奠雍正三年頒
 定樂章頒發天下各學宮

祭器

銅爵

四十三隻

錫劔

二十四箇

錫杓

三箇

錫簋

一十六箇

錫簋

一十六箇

錫籩

一十五箇

錫豆

八十四箇

錫尊

一箇

錫壺尊

一箇

錫香爐

中五箇
小十箇

錫燭臺

中五對
小八對

錫瓶

一對

木帛盃五

祝文版一

磁坐杯百五十五隻

樂器

舞干并金龍首雉尾翕二十副

琴四張

瑟兩張

鳳簫兩排

簫四枝

笙四攢

笛四枝

箎二枝

壎兩管

大楹鼓一面

紅綾麾一首

祝一座

搏拊兩面

敔一座

干兩面

節兩枝

銅鐘十六口

石磬十六塊

樂章

迎神 麾生舉麾唱曰樂奏咸平之章遂擊
祝作樂每歌一句擊鼓三聲無舞

大哉 太南工尺林仲
至聖 上仲
道太 四仲
德上 仲
尊尺 林
崇上 仲
維工 南
持尺 林

王化 上仲
四太 四尺林仲
斯尺 林
民上 仲
是合 黃
宗四 太
典合 黃
祀四 太
有上 仲
常尺 林

精工 南
純尺 林
並四 太
隆上 仲
神六 黃
其工 南
來尺 林
格上 仲
於尺 林
昭上 仲

聖容 合黃
四太 四尺林仲
麾生 偃麾
敵樂 止

初獻 麾生舉麾唱曰樂奏寧平之章
擊祝作樂諸舞生按節而舞

自生 太南
四上 仲
民尺 林
來上 仲
誰四 太
底合 黃
其上 仲
盛四 太
惟工 南
師尺 林

神明 上仲
明四 太
度合 黃
越上 仲
前上 仲
聖四 太
染上 仲
帛四 太
具上 仲
成尺 林

西安縣志 卷十 學校 七

禮合黃容四太斯尺林稱上仲黍四太稷工南非六黃馨尺林維上南神尺林

之上仲聽四太

亞獻擊麾生舉麾唱曰樂奏安平之章

大四太哉上仲聖合黃師四太實工南天尺林生上仲德四太作上仲樂四太

以上仲崇尺林時上仲祀四太無尺林斲上仲清工南酌六黃惟上仲馨上仲

嘉尺林牲上仲孔合黃碩四太薦四太修工南神六黃明尺林庶工南幾尺林

昭上仲格四太

三獻擊麾生舉麾唱曰樂奏景平之章

百上仲王工南宗尺林師上仲生尺林民上仲物四太軌合黃瞻六黃之工南

洋尺林洋上仲神尺林其上仲寧太止合黃酌四太彼黃金尺林其上仲

惟上南清尺林且四太旨上仲登上仲獻四太惟尺林三上仲於六囍工南

成尺林禮上仲

徹饌麾生舉麾唱日樂奏咸平之章擊祝作樂諸舞生直執其籥無舞

犧上仲象四太在上仲前尺林豆四太籩上仲在合黃列四太以四太享上南

以尺林薦上仲既上仲芬尺林既四太潔上仲禮合黃成四太樂上仲備四太

人南和尺林神上仲悅四太祭合則四太受上仲福尺林率合黃遵工南

無尺林越上仲

送神麾生舉麾唱日樂奏咸平之章擊祝作樂無舞

有四太嚴南工學尺林宮上仲四合黃方四太來上仲崇四太恪六黃恭工南

祀尺林事上仲威工南儀尺林離上仲離四太歆上仲茲尺林惟工南馨尺林

神上仲馭四太還尺林復上仲明六黃裡工南斯尺林畢上仲咸工南膺尺林

百上仲福四太

望燎與送神全擊祝作樂無舞 摩生舉麾唱日舉望燎樂

舞譜

初獻

自稍前向外生蹈向裏民合手來起辭身向外誰

兩兩相對蹲底合手其正盛起平身出惟兩兩相對自下

而東上師稍前舞舉
 西相向師籥垂翟
 向明舉翟三度稍前向外
 籥聖回身再謙退步側身
 耳邊面俱正成起辭身挽手
 朝上揖斯籥向身退挽手舉
 兩班上下俱雙馨起合手惟
 垂手舞之朝上聽躬而受之
 身向裏之正揖躬而受之躬
 垂手舞之朝上聽躬而受之

亞獻

大左右進步向哉右向裏聖
 外垂手舞舞舞舞舞舞舞舞
 向落籥師退向正實

百之系示

卷一

學交

三

正天起身向前轉生向裏德合手謙進步前作兩兩

自下而上兩班樂上下俱垂手惟兩中班上十以

相舉籥東西樂二人俱垂手轉身東西相向

轉身東西崇相向立兩班上時稍前舞蹈兩班上下

相向立無合手謙進步向斲回身再謙兩班上下

祀手舞無前垂手合籥東西相向合籥立

清稍前舞向古向裏惟雙手平執籥馨合籥翟朝嘉

側身垂左右手兩牲躬身孔翟躬身碩躬而受之

班俱垂手向外舞正揖孔翟躬身碩躬而受之

拱籥受之薦一叩頭舉羞叩頭神復舉右明鼓畢

一鼓而起薦右手叩頭羞叩頭神復舉右明鼓畢

格拱籥躬身而受之

三獻

百籥舞 向外開 王籥舞 向裏開 宗 側身向外 正立 生 兩班上

相對 民 合手朝 物 側身向 軌 合籥朝 瞻 向外開 之 向

交籥 籥 上正蹲 裏落 上正立 瞻 籥舞 寧 進步向

舞 開籥 洋 上正立 洋 合籥 向外開 其 向裏開 寧 前雙手

籥 止 回身東西 酌 向外開 彼 向裏開 金 開籥朝 鬯 合

朝上 惟 向外垂 清 向裏垂 且 朝上 旨 躬身而 登 躬身

合籥 獻 躬身向 右 惟 躬身復向 三 合籥朝上 拜 於 側

向外垂 喜 側身向裏 成 朝上 禮 躬身朝南受之

文昌祠

舊志在戟門西明萬曆十七年知縣許國誠

建今圮

文昌閣

在學門內

舊志

明萬曆三十年知縣楊世勳建有

祀產崇禎二年知縣賀康載重建

國朝康熙二十四年圮三十七年知縣陳鵬年訓導王欽

搢重建

乾隆二十八年知縣張錫錦劉甫岡修

尊經閣

在明倫堂後

舊志

明嘉靖二十三年教諭譚敷建

三十八年訓導汪旦督修萬曆二十四年知縣蔡元

相修四十八年知縣鄭觀光改建

國朝康熙七年李忱修

乾隆二十八年知縣劉甫岡繼修

貯書

御纂周易折衷

朱子全書

御纂書經傳說

學政全書

御纂詩經傳說

十三經註疏

御纂春秋傳說

十七史

御纂性理精義

明史

上諭

文廟禮樂考

欽定四書文

學宮儀物撮要

聖諭廣訓

征噶爾丹方略

御製朋黨論

青海碑

大清會典

名教罪人詩

聖朝訓士典謨

敦行錄

御製盛京賦

士鏡錄

批通鑑綱目

金川碑

聖訓

鄉會墨選

撰治通鑑綱目三編

四書大成

欽定周官義疏

儀禮義疏

御論

孝經衍義

御製樂善堂文集

樂府

御製詩初集二集三集

初次二次聚珍十種

御定勝朝殉節諸臣錄

西魏書

欽定科場條例

禮部則例

御製平定三省紀略

射圃

舊志明嘉靖四十年知縣俞大有教諭俞鏡訓

導注且卽啟聖祠遺址建築今廢

明倫堂

在大成殿後

舊志嘉靖二十三年教諭譚敷建三

十八年知府楊準重建萬曆十七年知縣許國誠建

門於堂後二十四年知縣蔡元相於堂後築奎峰崇

禎二年知縣賀康載修

國朝康熙十年知縣李忱重建三十年知縣鹿祐修

乾隆二十八年知縣張錫錦劉甫岡繼修五十六年

知縣謝最淳教諭吳珖訓導朱謙魯重修嘉慶十四

年署巡道繼公昌知縣姚寶燧教諭朱鬯訓導楊世

英倡捐重建

官祠

在戟門東

舊志今圯

入東廡

乾隆二十八年知縣張錫錦劉甫岡卽舊址重建祀

唐衢州刺史李素元衢州路總管朱霽白景亮明衢

州府知府朱敬衢州府同知陳端言知縣張潤身張

江冉崇禮教授唐斯盛教諭羅文林典訓導黃若愚

謝濂

以上入祠
年次無考

國朝浙江巡撫陞直隸東河總督軍務諡勤愍朱昌祚浙

江巡撫陞任福建總督諡忠貞范承謨

俱康熙三十三年奉文入

祠提督浙江全省軍務塞白理

康熙三十四年奉文入祠

浙閩總

督陞任戶部尚書王隲

康熙三十六年奉文入祠

浙江總督內陞

文華殿大學士諡文襄李之芳

康熙四十年奉文入祠

太子太

保兵部尚書原任浙江總督李衛

乾隆五年奉文入祠

金衢兵

巡道王喬棟衢州府推官彭遵琦李炘河南府知府

前衢州府同知井睦衢州府儒學教授陞任真定縣

知縣郭宗儀衢州府知府楊廷望王文錦浙閩總督

兵部右侍郎郭世隆總督河道兵部右侍郎前西安

縣知縣陳鵬年衢州府儒學教授陳大常浙江巡撫

徐元夢

以上奉文入祠年次無考

鄉賢祠

在戟門西

乾隆二十八年知縣張錫錫劉甫岡增

建祀唐金紫光祿大夫翰林院大學士宣公陸贄宋
資政殿大學士太子太保清獻趙抃參知政事宣獻
樓鑰贈光祿大夫寶謨閣直學士文肅劉穎贈晉州
觀察使忠壯徐徽言祕書省著作郎徐霖元進士翰
林奎章閣大學士鄒燦明四川巡撫贈右都御史徐
可求都察院右僉都御史王璣兵部左侍郎鄭辰嘉
議大夫戶部右侍郎徐應秋大中大夫河南督學副
使葉秉敬提督山東學政方應祥贈光祿寺卿前山

東提刑按察使徐日久廣西道監察御史徐任道通
政司右通政使張隆江西按察使陞右布政使余國
賓通政司右通政使徐一櫟趙府紀善葉良玉鄧州
知州楊儀逸士欒惠江西吉安府同知金四科逸士
葉敦良

學規

舊志宋大觀元年頒八行八刑勅合碑政和三
年摹御書匾揭於東西廡淳祐七年頒御書白鹿教
條勒石明洪武三年開學設科分教給生員廩膳以
所頒條則勒石明倫堂凡九條十三年令天下府州

縣學刊置臥碑凡十四條正統元年禮部議奏章勅書內開具教條頒刻各學萬曆四年頒刻提學遵奉勅諭碑六年頒宣德朝御製儒學箴碑

國朝順治九年頒發

御製臥碑文立石明倫堂

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠臣清官書史所載忠清事績務須互相講究凡利國愛民之事更宜畱心

一生員居心中厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一 生員嘗愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作証

一 爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰

一 軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

御製訓飭士子文頒行直省各學勒石明倫堂

國家建立學校原以興行教化作育人材典至渥也朕臨御以來隆重重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長立宮牆朝夕誦讀寧無

究心必也躬行實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化憍盈之習
文章歸於醇雅毋事浮華軌度式於規繩最防蕩軼子衿
佻達自昔所譏苟行止有虧雖讀書何益若夫宅心弗淑
行已多愆或蜚語流言挾制官長或隱糧包訟出入公門
或唆撥姦猾欺孤凌弱或招呼朋類結社要盟乃如之人
名教不容鄉黨弗齒縱幸脫褫扑濫竊章縫返之於衷寧
無愧乎鄉會科名乃掄才大典關係尤鉅士子果有真才
實學何患困不逢年顧乃標榜虛名暗通聲氣夤緣詭遇

罔顧身家又或以竄鄉貫希圖進取囂陵騰沸網利營私
種種弊情深可痛恨且夫士子出身之始尤貴以正若茲
厥初拜獻便已作姦犯科則異時敗檢踰閒何所不至又
安望其秉公持正爲國家宣猷樹績膺後先疏附之選哉
朕用嘉惠爾等故不禁反覆惓惓茲訓言頒到爾等務共
體朕心恪遵明訓一切痛加改省爭自濯磨積行勤學以
圖上進國家三年登造束帛弓旌不特爾身有榮卽爾祖
父亦增光寵矣逢時得志寧俟他求哉若仍視爲具文玩
愒不敬毀方躍示暴棄自甘則是爾等冥頑無知終不能

率教也既負栽培復干咎戾王章具在朕亦不能爲爾等
寬矣自茲以往內而國學外而直省鄉校凡學臣師長皆
有司鐸之責者並宜傳集諸生多方董勸以副朕懷否則
職業弗修咎亦難逭弗謂朕言之不豫也爾多士尙敬聽
之哉

將 雍正三年議准士子誦習必早聞正論俾德性堅定

聖諭廣訓萬言論

御製朋黨論頒發各省學政刊刻印刷齎送各學令司鐸之

眞朔望宣誦

雍正四年九月二十七日欽奉

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書

守法之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其間關係最爲重大朕自卽位以來加恩學校培養人才所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導

之法當先端其本原教官者多士之儀型也學臣者教官
之表率也教官多屬中材又或年齒衰邁貪位竊祿與士
子爲朋儔視考課爲故套而學臣又但以衡文爲事任教
官之因循怠惰苟且塞責漫不加察所以倡率之本不立
無怪乎士習之不端而風俗之未淳也朕孜孜圖治欲四
海之大萬民之衆皆向風而慕義草薄而從忠故特簡督
學之臣慎重教官之職欲使自上而下端本澄源以收實
效也凡爲學臣者務須持正秉公宣揚風化於教官之稱
職者卽加薦拔溺職者卽行參革爲教官者訓誨士子悉

秉誠心如父兄之督課子弟至於分別優劣則至公至當
不涉偏私如此各盡其道則士子崇尚品詣砥礪廉隅且
不但自淑其身而羣黎百姓日聞善言日覩善行以生其
感發之念風俗之丕變庶幾其可望也特諭

乾隆五年

欽 頒太學訓飭士子文十年議准通行天下學宮

士爲四民之首而太學者教化所先四方於是觀型焉比
者聚生徒而教育之董以師儒舉古人之成法規條亦旣
詳備矣獨是科名聲利之習深入人心積重難返士子所

爲汲汲皇皇者惟是之求而未嘗有志於聖賢之道不知
國家以經義取士使多士由聖賢之言體聖賢之心正欲
使之爲聖賢之徒而豈沾沾焉文藝之末哉朱子同安縣
諭學者云學以爲己今之世父所以詔其子兄所以勉其
弟師所以教其弟子弟子之所以學舍科舉之業則無爲
也使古人之學止於如此則凡可以得志於科舉斯已爾
所以孜孜焉愛日不倦以至於死而後已者果何爲而然
哉今之士惟不知此以爲苟足以應有司之求矣則無事
於汲汲爲也是以至於惰游而不知返終身不能有志於

學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲已二字乃入聖之門知爲已則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無碍於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日

應舉亦不累也。居今之世，雖孔子復生，也不免應舉。然豈能孔子也？朱子此言，卽是科舉中爲己之學，誠能爲己，則四書五經皆聖賢之精蘊，體而行之，爲聖賢而有餘，不能爲己，則雖舉經義治事而督課之，亦糟粕陳言，無裨實用。浮僞與時文等耳。故學者莫先於辨志，志於爲己者，聖賢之徒也；志於科名者，世俗之陋也。國家養育人材，將用以致君澤民，治國平天下，而囿於積習，不能奮然求至於聖賢，豈不謬哉！朕膺君師之任，有厚望於諸生，適讀朱子書，言切中士習流弊，故親切爲諸生言之，俾司教者知

教而學者知所以學

乾隆十年四月初四日奉

上諭國家設科取士首重者在四書文蓋以六經精微盡於四子書設非讀書窮理篤志潛心而欲握管揮毫發先聖之義蘊不大相逕庭乎我

皇考有清真雅正之訓朕題貢院詩曰言孔孟言大是難乃古今之通論非一人之臆說也近今士子以科名難倖獲或故爲堅深語或矜爲俳儷辭爭長角勝風簷鎖院中偶有得售彼此倣倣爲奪幟爭標良技不知文風日下文品

益卑有關國家掄才鉅典非細故也夫古人論文以渾金璞玉不雕不琢爲比未有穿鑿支離可以傳世行遠者至於詩賦揆藻敷華雖不免組織渲染然亦必有真氣貫乎其中乃爲佳作今於四書文採掇詞華以示淹博不啻於孔孟立言本意相去萬里矣先正具在罔識遵從習俗難化職此之故自今其令各省督學諸臣時時訓飭鄉會考官加意區擇凡有乖於先輩大家理法者擯棄勿錄則詭遇之習可除士風還淳朕有厚望焉

鄉飲酒禮

儀注京府及直省府州縣歲以孟春望日

孟冬朔日舉行於儒學前一日執事者於儒學之講堂依圖陳設坐次司正率諸生習儀至日黎明執事者宰牲具饌主人及僚屬司正先詣學遣人速賓僎賓至主人率僚屬出迎揖入主居東賓居西三揖三讓而後升堂東西相向立贊兩拜賓坐僎至迎揖拜坐如前儀贊司正揚觶司正由西階升詣堂中北向立贊揖司正揖賓僎以下皆揖執事者以觶酌酒授司正司正舉觶曰恭惟

朝廷率由舊章敦崇禮教舉行鄉飲非爲飲食凡我長幼

各相勸勉爲臣盡忠爲子盡孝長幼有序兄友弟恭
內睦宗族外和鄉里無或廢墜以忝所生讀畢贊司
正飲酒飲畢以解授執事者贊揖司正揖賓僎以下
皆揖司正復位賓僎以下皆坐贊讀律令執事者設
案於堂中讀律令者詣案前北面立贊賓僎以下皆
立揖如前讀畢贊復位贊供饌案贊獻賓執事者酌
酒授主主受爵詣賓前置於席贊兩拜賓答拜以次
獻衆賓僎各交拜畢主退復位贊酬主執事者酌酒
授賓賓受爵衆賓僎從詣主前置於席贊兩拜賓僎

主交拜訖各就席賓僎以下皆行禮僎主僚屬居東
公舉賓居西贊兩拜訖贊送賓以次下堂分東西
行仍三揖出庠門而退

按古鄉飲酒禮有四年賓與賢能也鄉大夫飲國中
之賢者也州長習射也黨正蜡祭也其鄉人聚會
亦用此禮若禮器所謂醑周官所謂脯者不在此數
後世習射蜡飲之制久廢賓興宴會則謂之鹿鳴惟
鄉大夫飲國中賢者漢唐以來間一行之而無定制
明洪武元年詔中書省詳定鄉飲酒禮條式二十二
年再定圖式分別三等坐次

國朝順治元年定直省府州縣每歲於正月十五日十月
初一日舉行鄉飲酒禮府以知府州以知州縣以知
縣爲主大賓擇鄉里年高有德之人位於西北介以
次長位於西南三賓以賓之次者爲之位於賓席之
西衆賓叙齒列坐司正以教職爲之贊禮讀法以廩

生爲之二年定鄉飲酒讀律令乾隆二年議准鄉飲酒禮坐次悉依定序并先刊刻儀注分給賓僎執事人等遵照行禮

講約

國朝順治九年頒行

欽定六諭臥碑文於直隸各省

孝順父母

恭敬長上

和睦鄉里

教訓子孫

各安生理

無作非爲

順治十六年議准設立鄉約正副不應以土豪僕隸奸胥蠹役充數應會合鄉人公舉六十以上經告衣

頂行履無過德業素著生員統攝若無生員卽以素有德望六七十歲平民統攝每遇朔望申明六諭并旌別善惡實行登記簿冊共相鼓舞

康熙九年奉頒

聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講灋律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠窩逃以免株連

完錢糧以省催科

聯保甲以弭盜賊

解讐忿以重身命

雍正二年

御製

聖諭廣訓萬言頒發直省督撫學臣轉行文武各官暨教職

衙門曉諭軍民生童人等通行講讀七年奏准直省

各州縣大鄉村人居稠密之處俱設講約之所於與

貢生員內揀選老成者一人爲約正再選樸實謹守者三四人爲值月每月朔望齊集鄉之耆老里長宣講

諭廣訓詳爲開導務使鄉曲愚民共知鼓舞向善至約正值月果能化導督率行至三年著有成效督撫會同學臣擇其學行最優者具題送部引

見其誠實無過者量加旌異以示鼓勵其不能董率怠惰廢弛者卽加黜罰乾隆五年議查約正值月於舉貢生員內揀選卽古間師黨正之遺意應令勤加宣講

地方官與教官不時巡行稽察五十九年奉文飭令
儒學於各村莊選舉講生一二名或三四名詳請給
照充當免其差徭每逢朔望令於各該莊實力宣講
嘉慶七年欽奉

旨通飭所屬以化民敦俗爲要務認真訓誨俾交相儆
戒勉爲良善等因飭遵奉行在案

學額 [府志] 唐制上縣學生四十人宋州縣學弟子無
定員崇寧二年詔諸州用前一舉試者爲則嘗踰二
百人許置百員數減乎此則以三分之二爲額縣學

則裁其見籍率三而汰一元上路府官子弟二人民
間子弟三十人明洪武初縣學生員二十人廩生二
十人二十年令增廣生員不拘額宣德三年令定額
如廩數正統十二年選俊秀待補增廣名曰附學無
常額萬曆三年始令提學官考試每次取入附學大
縣不過十五人十一年令人才衆多地方許酌量增
取但不許徇情過濫

國朝順治七年每年定取大縣附學四十名康熙元年歲
科并試西安爲大縣學取十五名十五年大縣學取

四名二十年縣學照元年例分歲科兩次每次大縣
學十五名二十八年增江浙學額大學取二十名康
熙五十九年題准浙江衢州府西安縣孔氏

至聖嫡裔自宋南渡遷浙今讀書人衆嗣後於歲科正額
外取進二名雍正二年題准西安府學額每次額
進二十五名又孔氏額進二名共二十七名廩生二
十名增生二十名二年一貢

康熙三十八年奉

恩詔加額五名舉行一次

康熙六十一年奉

詔加額七名舉行一次

雍正十三年奉

恩詔加額七名舉行一次

乾隆十六年二十二年二十七年三十年四十五年
四十九年五十五年六十年俱奉

恩詔加額五名

嘉慶元年五年俱奉

恩詔加額七名舉行一次

府志武生自唐宋設學祀武成王明洪武初罷武學令諸生皆習射正統中始詔勳臣子弟入學讀書謂之武生正德三年令各色人等應武舉鄉試隆慶二年令軍民有願充武生者自縣申府府申巡按選中量授衣巾無定數俟開科年分給文送試

國朝順治初武生籍統於兵備道十五年始令提學考試每次縣學取四名康熙元年歲科并試西安爲大縣取武生十五名十五年取四名二十年定額照元年例仍歲科并試每次額進武生十五名

學田 天啟府志明萬曆三十二年知縣林雲置縣

田二十一畝每年收租穀三十五石四斗折銀七兩
二錢七分舊志學田六畝五分收租銀二兩七分交
縣解學政作貧士糧

國朝乾隆二年撥入興育產原額田二十畝三分四釐六
毫九絲原額塘一分四釐三毫八絲每年額徵銀一
兩九錢九分五釐米一斗三升五合

乾隆五年撥入惠濟倉原額田百二十七畝九分四
釐五毫八絲七忽五微原額塘三分四釐每年額徵

銀十二兩八錢八分七釐米八斗七升

乾隆十二年撥入下溪灘荒地一處麻山二十餘畝
年收租息以爲

崇聖祠祭祀香燭及修理之費逐漸開墾成熟田計一十
五畝一分九釐二毫三絲嘉慶十五年署教諭余文

燾訓導楊世英報陞輸糧

文昌魁星祠祭產共原額田三十三畝五分五釐共原額
塘二分四釐三毫三絲共原額地一十七畝九分九
釐四毫一絲每年額徵銀四兩一錢九分五釐米二

斗八升三合

書院

柯山書院

在爛柯山右

宏治府志去城二十里宋郡人徐

霖仕於朝道不合歸隱著書郡守游鈞建柯山精舍

延霖開講士友羣集景定壬戌郡守謝奕中復請衍

聖公孫孔元龍為山長後燬於寇至丁丑山長徐天

俊重建廟祠齋廡明年改為柯山書院尋傾圮府志

景定間徐囊以監察御史辭祿養親率眾重興今廢

清獻書院

在拱辰門外二里

續文獻通考在府城北宋咸淳

學校

中郡守陳蒙請於朝卽趙抃故居立書院因以抃諡
匾焉舊志明天順三年參議高某郡守唐瑜重建成
化間郡守李汝嘉增修宏治己未郡守沈杰立祠主
祭又命知縣尹戴禮於正堂東西各添屋三楹爲齋
沐所建亭三楹於堂後叢竹中沿宋哲宗命碑之詞
名曰愛直內塑公像設有山長學使於趙氏中立奉
祠生一人主其祀後祠遷於城北祥符寺左書院遂
廢

正誼書院

在郡
治南

國朝康熙四十七年知府楊廷望卽普潤菴改建名愛菴

書院乾隆十年知府胡文溥重修易名正誼二十五

年知府甘士瑞繼修增置書院田畝甘士瑞記三衛古所稱書院課

郡士者有六曰清獻曰柯山曰明正曰定志曰青霞

曰衢麓講舍故址久皆無存康熙四十七年前守昆

陵楊公廷望卽普潤菴改建書院名曰愛蓮因院內

有白蓮池也其易名正誼延師設教則自乾隆十年

前守胡公文溥始二十一年冬余來守是邦議葺之

會修郡學落成有羨餘三百二十餘兩乃屬董其事

者葉斌周廷選葉璋吳士本王榮統葉應科吳世宸

徐泳江樞等為書院用眾心欣躍庀材鳩工罔恤勞

瘁講堂三楹後堂及左右樓前廳及外大門楹數如

之奎星閣在門內左東西學舍二十四區內外廚房

各一次第整理既固且安不數月而工告竣講學者

胥有所游息焉又患有其地而無其資院中經費向

學校

祇奉撥元妙觀龍邑田租五十石元妙觀租穀五十
 石田坐龍邑每年折解價銀三十五兩不等及前
 守胡公詳撥西邑贖罪銀五百兩雍正十年胡公又
 撥西邑草監舒廣教贖罪銀五百兩並交典生息每
 年得利七十二兩歲計僅百餘金其遂敷書院用耶
 余查西邑一案有入官田詳憲准撥入書院九十六
 畝零得租百五十餘石二十四年西邑張三始入官
 田百五十餘畝詳憲准撥入書院九十六畝零得租
 百五十餘石每年易銀完糧外可得百餘兩合前所
 有計二百餘金以資山長修脯薪水并肄業生童月
 課之需雖為數猶微而規模粗定似可經久惟冀後
 之君子廣為籌畫足其度支踵事增美使三衢多士
 奮志力學人文復盛克媿先賢則正誼書院大有關
 於是邦必不至如舊志所稱六書院者同歸泯沒并
 無古蹟可尋是嘉慶八年知府朱理增建朱理記愛
 則余所厚望也郡城之崢嶸嶺舊以院內白蓮池得名乾隆十年前
 守胡公文溥改題正誼願實學也後十有五年廿公

士瑞嘗而新之明公祿復充其修脯膏火之費法既
詳且備已嘉慶元年秋余來守是邦月進生徒而校
閱焉其負盛名登巍科者蔚然改觀余樂其師儒之
懋勉而議重修講院爰集衆力鳩工飭材講堂學舍
次第修葺又以生徒日繁建文昌樓梯雲閣爲肄業
地凡井堰庖廚几案器皿靡不備具計平屋四十五
楹樓房十四楹需費四千兩有奇工既竣適奉閩南
觀察之

命因誌其事與都人士相勸告焉董子曰正其誼不謀其
利來是院者離經辨志親師取友漸底於大成以仰
副

聖天子作人之化豈徒資山水之眺望樂居處之便安已
哉顧非紳士樂輸曷克臻此余又不敢自以爲功也
董其事者則有葉日綦徐枚魯瑗范崇凱徐崇澄徐
世窩范崇純葉鑑序勞湘鄭鶴鳴徐炳南吳雲
愷徐逢春龔藻嚴鏘呂輔周諸人例得備書

明正書院 在縣 治東 續文獻通考 宋汪應辰及子達寓衢

郡守張嶠築室居之後人卽此建祠舊志咸淳中郡

守趙孟奎爲置祀田後改建書院設山長主之匾曰

明正今廢

黃潛記宋南渡後衢之先賢忠簡趙公而下六人蓋尸祝之舊矣景定末王侯已守

是邦始諗於朝卽故吏所據祠地爲道院者闢書堂曰明正且以其沒入之田百七十有六畝隸焉咸淳間繼之者趙侯孟奎又益以他田六十有三畝祠祀以備國朝因之建書院設山長一員而茲田之奪於浮屠老氏者什七八有司漫勿加省也皇慶初上新卽位垂意庠序之事凡田之在學宮者冒取有禁於是總管申侯爲閱累歲之訟牒而覈其實悉返所侵田有挾教門檄來爭之者侯弗爲動乃賂吏瞰侯在告謬爲可疑上其事於宣闡今山長葉君謹翁白侯破其計而闡復下於侯爲徵圖籍覆按具有本末田以卒歸蓋九十年間祠三徙而始有田不二十餘年遽失不守又三十餘年乃復葉君念其得之難而保

有之不易也因書於石以圖永久

定志書院 在縣學右

舊志明萬曆中建奉祀贈給事張公

元卿寢堂五楹匾曰輔仁穿堂三楹正堂五楹門二進各五楹兩旁廊廡各十七間都人士肄業其中今

廢

青霞書院

在拱辰門外

舊志去縣治五里與清獻書院相

望

國朝康熙十二年為大學士武定李文襄公之芳建今圯

蔡啟傳記我

國家膺圖御宇丕冒九有至壬癸之際民康物阜中外

又安偶以滇閩之衆上負

國恩遂煩

上師撻伐以次蕩平捷聞

皇上御樓受賀大赦天下凡在覆露中者無不揚眉舞手

形之歌咏焉先是浙之衢郡與閩豫接壤受耿逆之

禍更慘紳衿父老痛定思痛以為吾儕獲至今日而

享昇平之樂者皆督憲大司馬李公出湯火而奠諸

衽席者也蓋浙江為東南要地衢州又為浙江要地

當閩兵之構亂公泄任纔五月而變起意外承平日

久人不印兵遠近洶洶勢欲潰公即移檄四履中飭

器械侍糗糴修城堡列烽燧謹偵諜嚴濫殺之令開

招撫之門大闕於江干登壇誓師部署隨定已聞戍

江山者以輕進失利而又奉有移鎮三衢之

則投袂而起以相機勦撫戰守之方略授之羣帥暨各

郡邑而已疾馳至衢以遏狂逞之術慮土寇為心腹

患也練鄉勇使自衛且為嚮導以搗巢賊屢創以次

革面來歸慮官兵未足恃也命長君中翰公馳還山

東出家財募兵三百人訓練成精銳以備衝鋒陷壑

之用每臨陣與將軍竝建旗鼓憑高督陣前後破賊
於前霧山石梁焦巖諸處大小數十戰擒斬無算至
源口之捷則羣凶胆落皆欲遁於是親王駕臨長驅
直進僅一日而入霞關勢同破竹矣夫公之平巨寇
全衢以全浙此事之可見者也公之庇斯民以全衢
也衢當三省衝遠疲於奔命而童山礮土無貿遷之
饒民易貧界連八閩饒信歙睦括蒼前此多礦盜近
乃多墾盜而海氛最近復芽蘖其間民又易亂公下
車卽洞悉情形爲之請蠲免報災荒甦民夫草坊長
糾貪墨獎循良招流亡而贖子女新聖廟而禮先賢
所以活殘黎於流離饑凍水旱盜賊之中者不可以
數計嗟乎當此紛紜倥偬之時方畫灰磨盾之不遑
尙能慮及如管之命以清盜源而靖東南之半壁者
乎公駐鎮西安九年矣高厚之戴如海如山茲者振
旅西還羣思所以俎豆我公者而公推讓不居也因
相聚而謀於邑侯李公曰吾儕將何以報公哉唯北
郊浮石渡先賢清獻公高齋在焉於其地創爲書院

如鵝湖白鹿洞故事俾父老子弟來游來觀相與捧

國恩

無負九年教育而與焚香告天之人後先輝映乎

朝廷

意成合其必行之由是邑之紳士軍民皆踴躍捐

惟志後鳩工輸力凡數月而告成而侯更糾徒僉

如此院名青霞者何以邑
灑柯山稱青霞洞天故也

克齋講舍

縣北街

舊志為郡守李公遂建中為教思

堂立李公生像堂後為四賢祠祀朱晦菴呂東萊張

南軒王陽明前為歸仁堂外為墨池明嘉靖甲子春

郡守鄭伯公同知薛應元通判夏寶重修生員劉希

閱又益祭五以世此鄒守益陳九川錢德洪王

王璣諸先輩嘗會講於此

講舍記嘉靖戊戌李公來守郡以造上為首務督

率六庠諸生發明

心學嚴以科條聯以講舍五邑士

民欲承公為

始於嘉靖庚子時節推劉公初泉

勝地寬廣十畝

為堂五楹匾曰教思堂立李公生

起宗實相人

為堂五楹匾曰教思堂立李公生

像堂之後為四賢祠

祀晦菴朱文公東萊呂成公南

軒張宣公王陽明

先生堂之前為歸仁堂五楹東西

書樓六楹號

其二十楹堂之前門屋七楹門之外

為

大門三楹號舍之後各有膳廚小

房其

間必編門子二名工食銀六兩并門屋賃

租

歲租足為修葺翻蓋之需其春秋次丁致祭

四元賢儀物

於察院原批編舍江山縣接待實成

地二百八十四畝

該縣解到租稅銀兩

後因豪強

唆使僧徒復去而祀事遂廢今但

杜珠著民

鄭鐸捐助祭養田地鋪舍矣時久

未修葺日就傾圮嘉靖甲子春守鄭公伯興偕同知薛公應元通判夏公寶謁祠感慨命工重修煥然
新
生員劉希閔輩具呈巡撫都御史兵部右侍郎趙公炳然請益田以供祭祀行府議處益田若干畝東郭鄒公守益明守陳公九川緒山錢公德洪龍溪王公畿本縣中丞在菴王公璣嘗借六學師生講學於此

鹿鳴書院

在縣學東

乾隆五十三年知縣謝最淳建

書院田畝租息

正誼書院

乾隆二十六年撥入

葉芝科等田

四十八年

撥入

葉成章等塘

嘉慶七年撥入

鄭仁佑田

共原額田一頃十

一畝四釐九毫五絲塘九分三釐二毫每年額徵銀

十兩八錢九分八釐一毫米七斗三升五合九勺

又撥入張公祠共原額田五畝八分九釐四毫原額地四十八畝八分九釐一毫七絲每年額徵銀三兩三分四釐六毫米二斗二升二合

又撥入普潤菴共原額田四十三畝五分七釐原額地一畝七分二釐一毫七絲五忽每年額徵銀一兩四錢四釐九毫米九升四合八勺

乾隆三十年奉 府發縣征租每年批解膏火銀百六十三兩七錢又租錢十八千九百三十二文

張三姑 普潤菴 共額征租穀百四十四石七斗五升一合

張公祠 共額徵粟穀十七石四斗二升四合

嚴家淤 共額租銀七兩二錢八分四釐

羅帝亮 黃霸灘 共額租錢十九千八百三十二文

鄭仁佑 每年批解錢十一千七百零二文

鹿鳴書院 乾隆五十六年鄭萬邦願捐田九號共

十一畝一分四釐八毫塘一畝一釐九毫年交租穀

二十石又屋價紋銀三百九十八兩二錢五分存縣

庫又撥吳榮興山六畝五分年交租銀五兩每年共

額徵銀一兩二錢二分二釐八毫米八升二合三勺
義學 通志社學凡七所府志四隅各一坊廟三一在
光遠門外迎恩鋪側一在光遠門外麻車巷口一在
通仙門外下營橋側舊志舊時城中四隅各設義學
一所又有在禮賢門外者年久皆廢近郡守董宏毅
張濬別駕王廷奏暨知縣李維嵩陳鵬年各延師設
館不一其所凡貧不能舉贄者皆肄業於此

義學田畝 原額田地塘共五十七號計交租穀二
千八十餘斤每年額徵銀一兩

The image shows a table with 10 columns. The rightmost column contains a header row with some illegible text. The rest of the table is empty.

									Header

西安縣志卷十一

公署

香儀逐光赫鸞庭樹戟禮化盛行丁鑑懸來
寂寂梧堂之月午衙放後溶溶蓮幕之春長吏坐而
思莊小民履而知愛是以階墀花暖囹圄草生野無
吠厖之驚簷有馴雀之喜棠蔭所覆莪澤斯長肅爾
觀瞻存其顛末志公署

憲署

分巡金衢嚴道署

舊志在縣治西

衢州府署

通志在城東南崢嶸山上舊志府治儀門

西為同知宅

雍正十三年分駐江山縣峽口

同知宅之西為通判宅

今移駐府治西道貫巷內

堂東為經歷司宅

今移於頭門西

又為照磨所

少前為司獄司治西百餘步為府儒學教授訓導齋

校士館

舊志在縣治北隅通志明崇禎丙子知府張

文達建

張文達校士館記衢上試館之議自戊午辛酉婺郡之調助也七調而至丙子時值金華

山水陡發淹斃多人抑且胥役欺凌罹災最憐多士所為甫旋自婺亟為經始之請也然二十年來因循訖今仍無成議今多士踴躍勸捐輸將恐後卜度屢更仍獲貢院故址乃請允於諸上臺以丁丑春經管肇工舉監生徐日徵鳩工綜理以董之而襄之者生員鄭應昌徐國所輩首義服勞分闔外邑

紳衿之費凡一千九百有奇以平直度支狃無不
遂於季秋告竣計為屋百有餘間重堂夾廡備極
厥內而吏舍庖廚外而有司分隸罔不各秩厥所於
其成也會學臺晉安劉公首臨校士先後入闈雖
濟濟一時邦人士相與咨嗟驚艷謂此固三百載創
見之盛典而尤為二十年瞻仰之曠舉云舊志明季
時浙東諸郡皆有試館惟衢獨無督學調試於婺西
安有徐姓者貧不能餬舍維小舟梅花門下夜半山
水暴至父子俱沒婺既險遠隸卒尤傲狠凌踐異方
人士方祁寒必褫生童絮緇有寒死場中者於是憤
激建議輸金立館以杜調考之害數月輒成巨構

國朝順治八年因衢與閩接壤移駐總督改為署康熙二
十三年裁併福浙總督移駐福建遂改為校士館每
遇督學試士有司以歲時葺治之中有大堂有燕寢

有退食所有賓友幕室有梧竹池館庖湏諸舍百有餘楹諸生坐號皆環以檻承以棧蟄以瓦不虞滲漏鉅麗冠於浙東

嘉慶八年郡紳輸金重建兩廊擴移號後牆垣添設明窗環以石檻宏厥有加

衢州總鎮府署 在縣治東百步化龍巷鎮標中軍遊擊署在鎮署西南狀元坊鎮標城守都司署在鎮署東一里開明坊右營守備雷防郡城署在鎮署東一里開明坊

縣署

安縣治

通志在府治西仁壽坊嘉靖通志舊爲

造局元改萬戶府治至大間又改錄事司而縣治在禮賢門外明洪武初知縣曹郁徙今所宏治府志二十八年知縣姜仲能增建解舍舊志宏治十八年知縣戴且增建耳房架閣庫嘉靖二十一年知縣吳德范復修中爲堂曰忠愛右爲耳房庫貯貢稅糧課後爲退堂曰勤慎退堂之後爲令宅東爲先思軒忠愛堂之東廊爲鋪長及吏戶禮房西廊爲投櫃所及承

發兵刑刑房今遷於儀門外工糧房忠愛堂之前為甬道為戒

石亭亭南為儀門儀門之東為獄儀門東進迤北為

丞解今廢丞解前為主簿宅今廢儀門西進迤北為典史

宅外為縣門四十年知縣俞大有建土地祠於庫南

新儀門及縣門四十三年知縣曹存作迎賓館於儀

門之外作輕監於儀門之西及旌善申明二亭於治

之東西

國朝乾隆三十八年知縣羅見龍修葺忠愛堂顏日學

五十年知縣謝最淳復修五十九年署縣林三子

史宅前隙基建冊房一所貯板圖鱗冊嘉慶元年知縣許執中添建內宅三間二年修堂宅九年知縣劉炳復新左右圍廊十二年知縣姚寶燧建棲徒所三間於儀門之西

儒學教諭齋 在縣治西北中有正室三楹室後爲退舍左右翼舍各一楹北爲內宅五楹內宅之東齋舍三楹西列側房三楹正室之南爲宅門左右有耳門各一楹宅門之南爲儀門爲屏牆

國朝乾隆三十九年教諭詹國瑞修五十年重修嘉慶四

年教諭唐權復修

儒學訓導齋 在縣治西北中有正室三楹左右書室
各一楹東西廊各三楹內宅五楹東西耳房各二楹
正室之南爲宅門爲屏牆

國朝乾隆三十五年訓導沈石麟修顏齋額曰修汲五十
六年訓導朱謙魯重修

縣丞署 在城東十五里樟樹潭舊志縣署退堂東爲
縣丞宅

國朝乾隆四十一年題准西安縣丞分防城東樟樹潭縣

丞楊翔建署爲堂三楹左右有廊後有內宅三楹堂前爲大門爲屏牆

全旺司巡檢署 在城東四十里全旺鄉

典史署 〔舊志〕縣治西進迤北爲典史宅

國朝乾隆三十五年典史陳耀祖修四十五年典史李鶴齡復修五十九年典史李長紳重葺中爲堂堂東有廊三楹後爲二堂更後爲內宅五楹堂西有書室三楹堂南爲儀門

舊署

巡按察院行臺

嘉靖府志在府治東

今廢

藩司行臺

嘉靖府志在府治北

今無考

臬司行臺

舊志在府治西

今無考

分守道署

府志在府治後

今廢

浙東海道肅政廉訪司

嘉靖府志

在府治西北明洪

武初知縣曹郁改為縣治

推官署

舊志在府治儀門外推官孫魯建堂曰協中

國朝康熙六年奉裁

署址

鎮守保甲萬戶府

嘉靖府志在居仁坊明太祖置金

斗翼元帥府於此尋廢

守禦千戶所

府志在府治西北

今改道署

守備府

舊志

在縣治南一里仁德坊土地祠前明嘉

靖四十五年以礦盜設兵立守備一員署於此

今廢

驛丞宅

舊志

在城南一里光遠門外驛亭左

今廢亦奉裁

板固司巡檢署

府志在城東南四十五里板固寨明

末奉裁

署廢

嚴剝司巡檢署

府志在城西南一百二十里嚴剝寨

國朝康熙三十九年奉裁

署廢

稅課司

舊志在城內西北隅正德坊大街

今廢

醫學

舊志在城東左側惠民藥局故址

陰陽學

天啟府志在縣治東南

僧綱司

舊志在祥符寺

道紀司

舊志在元妙觀

織染局

舊志在縣治西北舊貢院故址

明季改為校士館

盤鹽廳

嘉靖府志在西安縣朝京門外水次嘉靖四

十一年冬十月郡守楊準建

公館

嘉靖府志在府治東卽察院故址

今廢

鎮軍英公重修鎮署記

三衢居浙水上游巖疆重地舊設衛協副將駐郡城其署為堂樓五楹居室在其後雍正十三年改協為鎮緣規模未協體制度樓前隙地建大堂增設兩廊以容僚屬之且暮趨事者舊樓改為二堂恭貯王命書籍于其上今七十餘年漸朽蠹矣嘉慶三年余來鎮斯土八年堂就圯爰捐俸鳩工而新之閱兩月而告成深廣如舊不敢有加焉夫仕者之於公署傳舍耳然吾觀古人宦途所築若雪堂若竹樓不過一觀之勝且樂記其成況斯堂用以肅將士之觀聽遂於落成後為之記願異時蒞斯土者夙夜在公所在之職并重所處之堂毋以傳舍相視而以時葺俾斯堂之常新焉則厚幸矣鎮衛使者英海書

西安縣志卷十二

水利

夫水土演而民用繁疏川導滯鍾水豐物古之訓也
西安地踞上游水駛灘急所在皆資瀦蓄而堤防疏
濬之功惟堰爲最其壩溝坪閘泉井池塘皆屬民生
利源良有司築堤建牖徹塞通堰俾蓄洩有時不虞
旱澇鄭白之澤永永歌舞之矣志水利

堰壩

〔天啟府志〕堰共一百一十有六〔舊志〕補入前

所未載得一百二十一堰然尚有僻遠未及詳查

及昔存而今廢者計數亦大約相等

坊門堰

一都跨西安江山兩縣地灌田一十五萬畝零坊門街入金文玖傾貲修築故名

吾平堰

二都灌田四百頃東溪五堰之一

長坑堰

五都長二十五丈

東關堰

六都二畝長一百丈

程家堰

六都二畝長八十丈

堰基堰

六都三畝長二百丈

菱塘古壩堰

舊志未詳所在

河坪堰

七都長八十丈

大坑堰

九都長九十丈

黃陳堰

十都三畝長十五丈

項家堰

十都三畝長十五丈

童村堰

十都三畝長十四丈

橫堰

在十都舊失載據通志府志增

烏嘴堰

十都三畝長廿五丈

李家堰

十都三畝長廿一丈

山底堰

十都三畝
長十五丈

石室堰

十一都去城東南二十里以爛柯山石
室得名今改築上流三里響谷巖下 **舊志**灌

田二十萬畝今農民以為灌田三萬七千畝此但指

堰溝所歷之地而言若按其東北下流承堰水灌注

者寧止三萬七千畝耶況此水不獨七大溝及七十

二小溝分為田疇灌溉之利其總溝直達城南而為

城東南之大濠復引濠入城而為內河蓋一邑水利

之關鍵焉宋南渡時創為此堰縣丞張公應麟

一作應麟

字瑞伯實董其事三年工不就適山水暴漲張公躍

馬自沈中流以死自後堰址始定事聞特贈少卿每

月夜土人時見有神乘白馬往來堰上至今五百餘

年奉祀勿替葉秉敬舊議堰事七弊堰自春未夏初

築用力為難在鄉之堰官立堰長堰長自有田不得

不愛已田以及人之田故其修築不煩官司之籌畫

惟石室堰近城特煩邑令委佐貳督之而總其事于

郡司馬斯事本甚細微而所注田十萬餘畝宜視為

郡中一大政事未可云君其問諸水濱也閒嘗熟訪

之堰上得其利弊凡有七其一保舉堰長之弊往年

更換堰長三院詳允立碑必于冬月僉定殷實大戶

每以在城民家田多者當之彼自顧其田督工必竭

其力邇緣堰上之費不貲委官一到筵席鋪張吏胥

門皂俱索常例甚至送官臺蓋折席多金堰長既勞

其身復殫其貨苦極莫堪于是僉定之時千方規避

不得已乃令總甲小甲自行保舉此輩鑽謀衙票放

富保貧堰長不得其人而堰事壞矣此第一弊也其二堰夫錢少之弊查得堰壩橫直原日九十七弓今被水衝闊計三百四十七弓比原日之工三倍舊制照田編夫共三百名後以在市人夫往返不便每畝編銀三厘二毫積得一百一十八兩于近堰處所募集官夫七十二名內總甲一名小甲四名繹夫一名每名工食銀一兩四錢有奇此銀不經查盤承催差役作奸大戶拖欠預令堰長代銀及折猪酒銀給小甲堰夫每名纔得銀五錢堰夫坐是掉臂不前此第二弊也原設三大官船運石砌堰完日將船付小甲李良入等擄駕歲納官銀六錢發給修理三年一小修五年一大造法久廢弛小甲竟行折毀不復報官修造待興工時堰長代錢雇船運石船戶恐駝石壞船每出銀乞免小甲得銀放船堰夫拾石于畚以肩挑之百畚不當一船之運堰之難築則惟乏船之故此第三弊也堰壩築完必需篋簞塞其罅漏水始滿盈原編定承堰水碓戶五十二名內有雙輪共計七十二簞遞年小甲包折匿已止交三分之一堰石砌

叠透漏恒多此第四弊也堰水初入溝名曰三澗灘
 此係咽喉之地近旁有一山嘴突出攔截水勢噴激
 怒號一番大水必致沙石壅塞初時官製鐵錘八把
 乘冬月水涸委官開睿又山嘴近漸增長亦須用石
 匠鑿開乃今鐵錘止存其三久已不行開溝沙石堆
 積水何以行此第五弊也三澗灘分七大溝七大溝
 分七十二小溝各溝另保溝長帶集承水佃戶當農
 隙時連路開濬水得流通今衆畝安逸求脫溝長臨
 時望水注田警渴而掘井其有濟乎此第六弊也石
 室堰水發源處州五百餘里商販木簾蔽江而下春
 暮築堰之時不放木簾但于堰上畱一小口以殺水
 勢可容小簾往來近日堰長嗜利大開堰口縱放木
 簾公行抽稅口既闊當用水時急塞堰口咄
 嗟難辦水既不到何以插秧此第七弊也

舊志

國朝順治年郡守袁公國梓詳議石室堰定制

詳文西安水利發源

在閩處二界沿而至石室地方作堰以灌田計乘水
 田三萬七千餘畝春冬開堰放水以濟權關夏秋

堰蓄水以滋稼穡利至周也查古堰制記額設堰夫七十二名小甲夫二十名每年僉點鄉耆義民用爲堰長使之監督工作但勞其身不費其貲凡築作工食每名派自乘水田畝其計一百一十八兩徵收在堰長給發自堰夫每夫工食七錢以資口食此外貯爲工料之費計堰務所需必用簞筏百餘以羅上流爲費計三十金加用荆柴千擔以爲障衛爲費計十金其他興工告神諸費咸取諸此而堰長可無大賠累迄今畝稅全罷工百倍古層層物力端坐堰長于是一遇點僉百計營脫一經供役千般賠費勤民事而不先計物力民事卒難圖也堰夫無廩給誰肯枵腹而前堰長無積貯豈能空拳以應堰工之壞端由此始今莫若畝稅仍舊收貯出之爲民財散之爲民用而官不任徵收亦不司給發皆于堰長董其成則堰長之趨事必早赴公必勤矣然堰長尤須預爲編次以杜臨時趨避之端以絕僉選高下之弊今附郭有田諸民先事公議編次十年挨輪供役遇季春之月早圖拮据是省一事更省一費官不勞而責有歸

自後爲之長者可以安坐而議矣古制堰夫坐用十六都居民謂其居臨水次慣知水性習久而築作有方也且工食數廉外境之人決不能以區區廩旣招其往役勢不得不用土著之民因仍力作近以沿城十五里編充常夫而十六都居民亦在常夫之列有後遺童村兩處居民朋充常夫一名遂藉口一地兩徭思卸堰夫之擔雖勉強責成而委任不肅趨事亦情里老葉鄭等有俯從民便之請不欲令其以常夫一月之苦易堰夫三月之勞去委卸而專工作于法爲便今議後遺童村免其常夫一名俾之仍舊充堰夫非彼地無夫彼人不夫也常夫係國法法以及期而止堰夫係民事事以春作始以秋成終爲役更久爲利更普也此法定而官無所費其經營役無所施其勞擾堰有長長有夫夫有食長職其費夫効其力食稱其事渠成

康熙三十六年六月邑侯陳公鵬

年斟酌時宜照現在承水田畝編爲十甲輪充堰長

詳請道府批允勒石飭行永為成例民稱利便

詳文查得

石室堰水發源處州流入大河其水必注田畝必須築壩蓄水灌蔭禾苗每年自六月初一日封壩禁止私放竹木以防洩水至八月初一日方許開壩查憲綱冊內載有每田百畝徵銀三錢二分給管堰長僱募鄉夫築作等語其堰長每歲設立四名每田九百畝充當堰長一名十年更造謂之水利推收迄今舊制久已不行每年堰長惟憑舊冊姓名僉點有本入久已物故而戶名在冊累及子孫充當雖田無寸土尚當堰長其老弱不堪者倩人代充即有無籍包攬止圖得財了事築砌不堅每致洩水不但有害田禾且為民苦累今奉清丈之後著該圖公正地保將承水田畝逐一查明另造清冊除荒田及不承堰水田地外實在其田二萬三千二百餘畝均分搭配編為十甲其各甲業戶俱從公關定凡充當堰長自一甲起至十甲止遞年輪流若有買賣過割照例推收立戶如本年應一甲充當仍于本甲內查田畝獨多

年力精壯者僉為堰長照舊四名督率人夫築砌堰壩其堰夫工食及需用簞皮等項係本甲業戶照田均出計所費每畝不過數文俱各樂從願出蓋堰長十年一輪既無不均之役而照畝公當亦無偏苦之累且俱係有田人戶蓄水灌蔭如手足之捍頭目痛癢無不關切更查舊規縣官每年到堰勘視堰長供應中伙并衙役酒食使費實為累民今已盡行禁革合行詳請勒石飭行永為成例庶從前堰長之累悉除每年修築亦有利而無害矣

府志

康熙四十四年商民孫世英等

以抽稅詐搶等詞上控奉院批定照舊毋事紛更仍

遵限四月封堰八月開堰

郡守楊公廷望議石室為西安水利第一不特修築

事宜區畫宜詳而堰上阻放木簾與商人違禁越堰皆宜相時立法如築堰則每年照水利冊挨甲簽田多者為堰長堰夫則編定十六都後遺童村居民此從前成例康熙四十七年又經督院梁批定在案無

復可更變以撓成憲矣第堰長最忌包充簽點必于
正身始無草率答應築砌不厚荆簞不加之弊況包
充之人志在獲利卽如遵禁四月封堰此時或霪雨
水漲田不需水堰且沒入水中何從修築必假違禁
以厲商甚至駕船攔阻木筏希圖飽壑以致商人得
假捏抽稅詐搶名色上控以爲四月封堰有碍穉穉
希破成例然或四月正當需水之時而堰不預築縱
放木籩民命國賦又致兩懸此康熙四十四年商民
孫世英余正誼呈控一案經署藩司胡詳奉院批照
舊母事紛更仍遵四月封堰九月開堰之限也自今
以後但當相時爲定如四月水多雖經封堰之期仍
于堰中畱一小口旣可以殺水勢亦可以放小籩如
田正需水則并其小口截塞一切商貨俱由堰溝至
郡城南門盤壩入江商民兩便永久可行無踰于此
至官吏勘堰供應使費端在賢守令潔已率屬俾奸
蠹無敢翫法如是則堰長堰夫不至病商利已而商
人亦無所捏控矣此通楊賴東蹟皆然故因石室而
詳及之後郡守楊公景震任內將詳定章程勒石

于少卿祠甲子改堰錄石室堰舊在黃荆灘上自

國朝嘉慶五年瀏港出蛟溪面漲塞沙石愈積愈多旋開旋閉七八兩年疊遭早曠各憲親催開築人力難施九年十月郡守長白那公英俯允士民之請酌改堰壩于響谷巖下另開袋口承其上流士民等復出墾本置賣吳姓陞科田四畝有零由田身內開渠引水接入舊溝兩旁墊砌亂石順性暢流著有成效邑侯大興劉公炳議詳善後事宜酌定四月封堰九月開堰之例詳文一修築經費宜預爲籌備也查山源之水自上而下急湍奔騰本無停蓄今于中流

橫築石堰不但山水沖激最易崩坍卽水過沙淤必集夫修復如當水勢平緩之時須用黃荆草皮以塞堰罅茅竹篾簾以羅水溜從前原有堰下確戶十二名每輪每年出簾一張內有雙輪共計出簾七十二張現已不能復舊所有竹簾荆草均須價買雖承水之田原有每畝編銀三厘二毫之例係照舊志所載田三萬七千畝科算公用銀一百十八兩自乾隆四十二年按甲造冊僅存田二萬三千一百六十八畝零若以原定銀一百十八兩分派每年每畝出銀五厘九絲三忽始符額數但零碎銀塊恐難彈兌不如每畝捐錢五文以歸簡便一輪充堰長宜量爲變通也查舊志僉定堰長以在城殷實大戶當之原以田多之家無不自願其田則督工興作亦必自竭其力但在城大戶或非紳衿亦屬職監僉充堰長每日往返四十餘里勢難親身到工大概議托鄉莊親族在工照料或有以衿監不應承充堰長或有以在工親族係屬頂替一經刁民控告間被官司訪查未免拖累且堰工告竣委員查驗亦不無酬應之繁

是以在城糧戶鑽謀規避遂致承充乏人康熙三十
 六年前縣陳鵬年查明在鄉各戶承水田畝編為十
 甲自一甲起至十甲止每年派甲點充堰長四名十
 年一輪週而復始嘉慶八九年應輪在城糧戶充當
 堰長年分卑職因在城紳士不諳水利即點鄉莊附
 近堰壩習久諳練築作有方甲長代辦其堰上需用
 黃荆草皮篾簞夫工等項仍令在城糧戶恪遵舊制
 一百十八兩之數按田分派交給代辦之甲長以作
 公用雖勞其身不耗其財庶彼此均屬相安一水利
 推收宜杜絕流弊也查承水之田應出築堰之費常
 有瓜分詭寄脫漏戶籍者且每年按甲輪充堰長在
 官憑冊僉點有本人已故因戶名在冊累及子孫者
 有田已賣完因虛糧未除尚當堰長者更有窮無聊
 賴之人包攬代充而砌築不堅常致洩漏應將現在
 承充之田飭令該局公正地保甲長逐細查明實在
 管業之戶造冊送縣如有買賣過割照推收例分別
 新收開除該房即于冊內註明名為水利推收冊假
 如輪應一甲充當查明本甲田多力壯者僉點堰長

四名督率人夫築砌堰壩倘在城糧戶不諳水利工
 作情愿舉報鄉莊甲長代辦應聽其便所需黃荆草
 皮竹篳夫工等項即在本甲業戶內照舊均出每田
 一畝每年原應出錢五文今總計十年輪充堰長一
 次其應出錢五十文在官不任徵收在吏不司給發
 皆堰長董其成是十年一輪既無不均之役而按畝
 辦公亦無偏枯之累倘有外莊之人置買本甲之田
 無從收取水利公費者即著佃戶代付堰長收用于
 交租時扣算如有疲玩業戶不肯出水利公費者准
 堰長開數稟追庶承水業戶無所規避而堰長辦公
 亦不致賠累一堰溝袋口宜乘時疏濬也查每年春
 夏秋三時陰雨連朝則山水泛漲沙石堆積不獨堰
 上袋口必須開深以匯山源之水即堰下由三潤灘
 分七大溝支流七十二小溝其各溝進水袋口亦須
 溝長會集承水佃戶沿溪創掘不使水過之後稍有
 停淤庶田禾需水之時藉資灌溉應請于每年冬季
 預飭次年輪充堰長殷實田多之戶議定熟諳水利
 築作有方堰長四名督同甲長小甲人等乘冬令水

涸之際開畚積淤更可將堰身水沖殘缺之處估計
 需用塊石若干早為添備一俟穀雨後即行修築以
 便于四月初一日封堰再查卑縣種植雖早但八月
 以前晚禾尚未黃熟一經開堰則水無停蓄轉恐灌
 漑無資是向來八月初一日開堰之例似應改為九
 月初一日開堰實于農功商旅兩有神益嘉慶十年

五月一日詳

費雙元改築石室堰新渠碑記石室堰自張少卿捐
 軀効績信安之民食其利者六百年於茲矣顧其水
 發源閩處二界每歲春夏間蛟蟹出沒挾沙挈石而
 來攔入小港則澮路日高突出大河則灘基日薄是
 以堰每難於止水而渠更難於受水非一朝一夕之故
 也嘉慶七八兩年疊遭旱暵堰祇虛名曩時膏腴之
 產幾為石田邑文學胡君顓俊以改築艱難無人肯
 任其事乃借紳耆葉正齋等共推明經劉君宏衍相
 與請諸當道擬在上游三里許依山築渠引入往時
 乘水之口郡伯長白那公以為然下其議於邑侯

公亟籌所以通變之法而附近居民狃於舊章咸懷
觀望賴郡侯明察謂堰水入渠自上而下其勢順自
下而上其勢逆膠柱而不酌時宜於事奚補爰飭少
尉李公協紳士等於響谷巖相度再四見溪流匯聚
有頑石爲底不虞衝刷從此與役引水迤邐入溝頗
有高屋建瓴之勢有田二陸適當築渠要路田屬張
吳二姓連年構訟未結感通邑義舉兩造成棄勿有
遂得順軌疏通是役也經始於嘉慶九年冬五閱月
而渠成爲高二丈八尺闊四丈有奇袤長八百六十
餘丈兩旁甃砌縝密一望磊磊明明溶溶艷艷矣凡
需錢二千四百五十餘緡皆乘水業戶踴躍爭輸凡
具庸工靡不覈實故能馨鼓不煩而從容蒞事如此
下而至於三澗灘則以餘力平之類而及於石坑壩
則以坦水石護之由是七十二溝之脈十萬餘畝之
田汨汨乎來源源而去利濟無窮且郡城資其環繞
根本不搖內河藉以流通風簷無警又不特耕氓野
老樂潤澤而慶豐年已也負郭晚禾較多邑侯劉公
申書善後事宜定於九月啟堰堰長堰夫照前尹滄

水利

七

州陳公所定以近水居民承充而給以編費人咸稱
 便於焉問諸水濱永無旱乾水溢之虞張公遺澤直
 與石室長留而郡伯邑侯明德之遠彌使民歌詠於
 勿衰已襄其勤者岐鳳周君聖畿葉君傳綱孔君其
 驥馮君繼先孔君雙元亦與
 有力焉例得備書是為記

附三澗灘下大小各溝所歷水道

頭溝 張師溝
 王家溝 祝家溝

半路橋溝 楊家溝 黃泥窟 報盈溝 後村祝
 將軍殿溝 葉塘溝 二溝 仁沾溝 毛家溝

王家舖溝 崔家溝 汪村溝 月塘溝 迴龍溝
 江家壠溝 平繆溝 三溝 五坪溝 張蓬溝

祝角塘溝 沈家溝 上洋溝 高橋溝 道士溝
 油坊坪溝 東溝 西溝 壠塘溝 貓兒溝

雙水橋溝 以上總溝西 上葉溝 孔家溝 魯家溝
 孔家碓溝 石坑溝 橫堰溝 白沙溝

太平堰溝 上繆溝 後遺溝 童村溝 樓底溝
 五節橋溝 烏溪溝 花園溝 松園溝 下梨園

下賈家溝	虹口溝	黃家溝	上梨園	上賈家
龔家舖溝	雙橋溝	程家溝	葉家溝	雙石溝
上下洋溝	江家溝	石湖溝	童家溝	污泥溝
葉家碓溝	官莊溝	油坊溝	楓樹溝	野貓溝
塘頭坪溝	銀錠溝	朱家溝	塹塘溝	竈頭溝
豬頭坪溝	桃園溝	中央溝	剪花溝	洪橋溝
六版橋溝	鐵綫溝	荷花溝	以上總溝東北	
富兒壩溝	黃泥溝	團爐溝		

黃陵堰在十一都石室堰西舊志灌田二萬餘畝為東溪五大堰

之一向從石室堰潭中用巨木橫亘柵水入溝彼時

潭深僅丈餘故得下木柵水自丙寅洪水後潭深六

七丈堰垂廢通志黃陵堰緣起無考疑亦宋時與石

室堰同築者

國朝康熙二十五年知縣曹若輅屬貢生徐從玉督里民

於響谷巖下鑿溝通水入堰至今便之按蘇天爵朱睿神道碑元

貞十年朱睿總營衢州路庀工續完黃陵堰則創始似在元時詳見雜記

鶴室堰十一都三畝週圍長一里場壇頭堰在十一都長六十丈

青水堰十一都長二十餘丈徐青堰十二都一畝長二十丈

蘭清堰十二都一畝長十五丈二家堰十三都二畝長一十丈

東安堰十四都一畝長二十丈道溪堰十四都計長八十丈零

吳林堰十四都計長十五丈零吳家堰十四都長二十丈零

橫山堰十四都計長二十丈零長潭堰十四都長十五丈零

徐坦堰十四都長十丈

後泥堰十四都長一十丈

橫堰十六都二畝長五十丈

白沙堰十六都二畝長三十丈

楊賴堰十七都一畝長一百五十丈灌田萬畝零

太平堰十七都一畝長三十丈灌田千餘畝

東蹟堰在十八都一畝長一百二十丈以舊志灌田三

萬七千餘畝

國朝康熙四十八年郡守楊公廷望禁堰溝不許作壩以

便灌溉立有碑記乾隆四十四年公議用石砌築子堰擇

立堰長邑令段公廷瓚詳憲立案嘉慶三年邑令許

公執中准監生汪錚葉壩等請勒碑四十五莊東蹟

街嘉慶十二年邑令姚出示申禁

案有

馬景堰

長二十八都二丈

上硃堰

長二十九都一丈

董家堰

長十九都一丈

下硃堰

長十九都二丈

黃陳堰

長十九都二丈

馬鞍堰

長三十都一丈

泉村堰

長廿一都一丈

孟瀆堰

長廿一都一丈

鴉了堰

長廿二都一丈

田舍堰

長廿二都一丈

水平堰

長二十一都

童家堰

長二十三都一丈

黃婆堰

長二十三都一丈

玉潭堰

長十八都一丈

道士堰

長二十四都一丈

車井堰

長五十四都一丈

徐湖堰

二十四都一
畝長二十丈

秋堰

二十四都二
畝長十五丈

青石堰

廿五都一
畝長六十丈
至安仁入信安溪

遮堰

廿五都一
畝長卅丈
灌田二萬七千餘畝

白石堰

二十六都三
畝長六十丈

太平關堰

二十六都三
畝長二十丈

五坦堰

二十七都一
畝長十丈

橫堰

二十七都長
一十四丈

桃枝堰

二十八都一
畝長五十丈

千金堰

二十八都一
畝長三十丈

大巖堰

二十九都一
畝長三十丈

石坑堰

三十都一
畝長五十丈

礎石堰

三十都長
三十丈

巖吾堰

三十都三
畝長三十丈

下峽堰

三十都峽口下府
志堰長葉奇玉

大坦堰

卅都三
畝長廿丈
灌田二萬八千餘

千金堰

三十二都一
畝長四十丈

大堰

三十四都一
畝長二十丈

上洪堰 長三十五都一畝

下洪堰 長三十五都一畝

呼田堰 長三十五都一畝

我在堰 名五市堰長廿丈

樟樹堰 長二十八都一畝

樟辛堰 長三十八都二畝

小堰 長一十丈

紫溪堰 長三十八都三畝

上硃玉疊堰 又名下橫水梘堰在三

上山堰 長二十九都一畝

上硃堰 長四十五都一畝

山頭堰 長三十一都一畝

下硃堰 府志在三十九四

花上硃堰 長四十一都一畝

呂塔堰 長四十二都一畝

木灣堰 長三十二都一畝

灰堰 長四十二都一畝

塘前堰 四十二都一丈

千淤堰 四十五都

枝目堰 四十五都長

山湖堰 四十五都

清潭子堰 四十五都

寺石頭堰 四十七都一丈

李樹壠堰 四十七都二丈

溫潭子堰 四十七都二丈

古堰 四十八都一丈

慈悲堰 四十二都一丈

村頭堰 四十五都長

清潭堰 四十五都

源口堰 四十五都

官莊堰 四十六都長

麻車堰 四十七都二丈

太子堰 四十七都二丈

子堰 四十七都二丈

石陵堰 四十八都二丈

水利

楓樹堰 四十八都一丈

巨門山堰 四十八都二丈

張家堰 四十八都二丈

小石堰 四十八都三丈

慈姑堰 四十八都三丈

楊家埠堰 四十九都二丈

小溝山坑堰 四十九都九

龍都堰 五十二都

烏楂堰 五十六都長

新堰 四十八都一丈

周家堰 四十八都二丈

黃家壠堰 四十八都三丈

高堰 四十八都三丈

牛頭堰 四十九都二丈

樟木蕪兒堰 四十九都二丈

余村堰 五十都二丈長九

羊婆堰 五十二都

黃村堰 五十六都一丈

球堰

疑卽洪山壩

以上四鄉共一百二十五堰

富兒壩

在迎和門外吊橋北首爲蓄濠護城第一要津其興廢無考

舊志東北濠身

稍狹淺近今三十餘年所存不及三之一餘皆改爲

濠田田成而濠遂廢則此壩不修無以瀦水之故也

酒罈壩

在鐵塔底營幕日抄斗潭西五十步有罈壩

國朝康熙五十五年北門關王廟僧智明募貲創築土堤

五十八年協鎮馬公璘暨守戎張公善敬加石修築

六十一年馬公復取酒罈貯沙土壘至堤巔民感其

德因名之曰馬公堤

馬璘築堤碑衢城西郭外鐵塔

春夏之交江水泛漲衝決河堤遂奔流入城東北二

隅廬舍盡遭淹浸聞康熙二十五年波臣肆虐漂沒

廬室墳塋而北門弔橋亦被冲塌有北門關帝廟僧

智明發愿創始立修苦行日夕募緣付董事築成土

堤惜不能敵彼狂瀾太守靳君為書疏佈簡勸募勳

工屢修屢潰弔橋隨亦損壞難修五十八年守戎張

君善敬復易以石堤而智明仍艱難獨任始終弗渝

無如物力不充未能保固余于五十九年甫蒞茲土

見堤工低薄因捐俸付守戍添置石料幫修六十年

春水驟發又于北首衝決數丈城之內外依然望

汪洋余復商之張君添購石料修築至六十一年春

余詣堤周匝審視尚覺單薄難支又捐已俸于石堤

之外貼幫卵石一層工雖如綫而石牆太直似不能

冀其堅久隨又募夫運石帮砌牆根下層寬一丈餘

上層三尺收頂連前築堤頂其一丈五尺堤根四丈

有奇奈堤之迤南一段實波瀾受敵要口又兼地勢

難存土石乃置罈貯砂自堤根累至堤頂方能保全
然斯舉也余初不過竭已之誠盡人之力何功之與
有焉若以之沽名徼福君子恥之矣乃士民咸謂生
民之得以寧其居我祖若父之得以安其窀穸者皆
某之功遂相與建祠設像刻石立碣而誌之並名之
曰馬公堤時余適有括蒼之役纜艤堤下值天雨掩
蓬匆匆放棹未及回顧迨旋襁泊舟登岸見巍碑已
立堤上矣令人跼蹐不安赧顏汗頰亟召耆老撤去
之衆皆堅執余強之至再始昇而別置焉但波濤莫
測與廢靡常倘後來之賢士大夫不沒斯工及時修
舉利益民生是固余之厚望也因將先後輸金芳銜
勒于石之副面以表前之樂于爲善兼勸後之勇于
効義者僧人智明募化盡心得以收圓善果其功洵
不可泯沒今卽命其移住堤左之周王廟月給米三
斗俾得殫力住持朝夕治其堤務勿許舟子釘樁打
橛損壞堤根庶幾共圖永久若余之區畫諮謀幸完
此局亦藉以少抒勤民報國之心豈敢掠美施勞以
蹈聲聞過情之恥哉康熙壬寅八月協鎮衢州等處

地方左都督管副總
兵事北平馬璘勒石

洪山壩

在通廣門外南首雩觀亭下舊有洪山廟故名

甲子改堰錄小西門外

半里許有洪山壩鄰接通省大河每年未封堰之先

客貨多由堰東大河行走

即東溪

自四月初一日封堰

至八月底止貨物盡從石室堰袋口進溝運至南濠

經此壩搬入大河

國朝嘉慶十一年邑侯劉公炳以石室新溝告成溝旁兩

礮數被籬筏沖塌未便疊累業戶捐修思于水道中

籌畫善後事宜適有鐵商呈控危姓屯丁在地私收

壩稅公審悉其情斷歸石室堰張公祠內承管自後
設立牙行官爲給帖每年卽循十甲編銀之例拔行
用銀一百二十兩發交董事作爲祭祀歲修開銷具
詳立案永遠遵行

石坑壩

在三閘灘
下大溝東

甲子改堰錄舊有石壩歲久被沖惟
以砂石雜草皮爲之一歲數修水至輒圯

國朝嘉慶三年近壩居民倡議復築石壩呈請郡伯朱公
理邑侯許公執中會同城鄉紳士酌定上下水勢排
列三澗以均水利旋遭洪水沖塌十一年石室堰董

事等抽拔改堰公貨重加修築兩旁添砌坦水石以

順其流始克堅固

費雙元修築石坑壩記石室堰溝水迤邐至石坑口有壩攔之下畱

三溪洞洩水以濟太平白沙等堰之田所謂大堰水也惟是壩值頂衝又屹立無輔屢遭摧圮嘉慶七八

兩年冲刷彌甚幾與三溪洞相平灌溉之利缺焉十一年春石室堰董事等經營相度謂水可順不可磯

壩宜寬不宜陡爰于兩旁增築坦坡以柔水勢而護堤根其上則採闊長山石鑲砌之俾安固不搖由是

水小則從溪洞宣洩水大則漫堤而過壩不與水爭而水亦不為壩患耕氓始獲安堵矣其三溪洞仍按

昔年尺寸修葺中溪距上溪計裁尺壹丈貳尺距下溪貳丈肆尺中溪除蓋石計空洞直下伍寸橫廣八

寸上溪空洞直伍寸橫柒寸下溪空洞直陸寸橫壹尺肆寸溪底平內石槽二係舊定分寸不可擅易也

坪間 **舊志** 西安近郊田畝惟恃小南鄉石室堰水

為資而地勢東稍窪下水之東流常駛北流常微故必設坪閘以資蓄洩

上洪橋坪

在三澗灘下首有閘

官碓坪

官碓溝上有閘

破碓坪

在二溝口有閘

五坪

在樟蓬溝上有閘

上洋坪

在五坪下有閘

油坊坪

楓樹溝下有閘

官莊坪

在五穀神廟邊

祥道坪

塘頭坪

豬頭坪

虹口閘

在松園溝下首

石室堰大溝灌田三萬餘畝用水常多

虹橋下別分小溝以蔭十七都等處田畝用水常少

國朝乾隆四十二年通判田公元淮親勘情形于橋下立限石二層以均水勢五十三年村民王成章等私毀限石致水東駛小溝之水常溢而大溝涓滴莫沾城中士民程聯泰馮世科等呈叩邑侯李公秉鑰復立石限三立三毀郡侯明公保親詣查勘轉飭署通判何公際昌押令照舊章程立石分水其限石高厚三寸五分

魁星閣

舊名清輝閣在通仙門弔橋下

天啟府志宋乾道中郡守何備

浚河於通仙門外蓄水引入內河開禧中郡守孫公

昭先謂此閘有關文運適毛自知及第遂改閘名曰魁星

下洪橋閘一名清坪閘在城南一里舊志去洪橋東二十餘丈舊有

通仙閘明季尚通舟筏後漸淤塞惟故道僅存

國朝康熙三十七年邑侯陳公鵬年捐俸建閘以匯諸濠而入內河土人稱曰陳公閘

三鳳閘一名寶坊閘在城內東隅寶坊寺前先義坊新橋下今廢

金紫閘俗名紫金閘在城東北角藥師菴後拱辰門內銀錠閘通濟橋邊舊志明

宏治己未年郡守始蘇沈公然置

定水閘

拱辰門外濠邊今廢

浮石閘

拱辰門外一里今廢

泉井

甲子改堰錄石室堰水發源閩處二界由堰

溝引入內河潛通諸井不特為田疇灌溉之資亦

關民間汲飲故堰溝淤塞而井泉遂乾

蒙泉井

在府治平山堂後其泉深清香美煮茗極佳舊有亭欄今廢

開明泉井

東隅開明坊

蓬萊泉井

東隅烏橋南

朝真泉井

東隅朝真橋西

長街泉井

南隅招賢坊內

貢院泉井

北隅部院衙門

瑞泉井

化龍巷魯華庵西

惠通井

西隅內

太白井

西隅金鐘巷內以龔太白得名

義井

化龍巷口
遠橋頭

北樓井

厚俗坊北
樓巷口

石乳井

普潤庵今下
誼書院內井
欄上有龜峰石乳四字

以上俱城內

按城內四隅凡百數十井
可紀今仍舊志錄其名之
最著者

鹿鳴仙跡泉

鹿鳴山去城三里與朝京門相對
天開一水石刻四字詳見山川志中

太乙泉

互見靈
龜洞志

湧泉

清源鄉石
磨山側

以上俱城外

池塘

府志西安山高而水駛故陂塘之設視他郡

為甚繁

白蓮池

在府學東南普潤庵後今庵廢改
為正誼書院其池在書院後齋

菱池 在招賢坊內夫人廟東首明一統志云
在府治中產菱疑別是一池今無考

菱池 卽菱湖舊有長堤樓
亭之勝詳見古蹟

環勝塘 卽魯華庵
田間大塘

芙蓉塘 芙蓉堤
營房前

魯華塘 魯華庵
門前

大功塘 西隅顯
保寺前

道宮塘 南隅道
宮左

荷花塘 道觀巷
東首

建乙塘 魯儒坊
北首

以上俱城內

大楊塘 臨江鄉余村
灌田三百畝

陳塘 臨江鄉余村
灌田二百畝零

橫塢塘 十一都靖安鄉
灌田百餘畝

東西二塘 十一都灌
田百畝

新塘 十一都三高靖安
鄉灌田百餘畝

封泥塘 十一都石室
街灌田百畝

馬鞍塘 十一都靖安鄉 灌田百餘畝
雙蓮塘 十一都三畝 灌田百畝

青筍塘 十一都三畝 灌田一百畝
螞蝗塘 迎和門外著堰 水以灌東郊

周公塘 迎和門外大路 口官廳基旁
曲葉塘 抱戴鄉灌田一百三十餘畝

新塘 抱戴鄉灌田五頃零三十八畝 水路塘二十號共計十畝五分

麻家塘 抱戴鄉灌田一百餘畝
呂塘 抱戴鄉灌田六頃一十五畝

南山塘 德茂鄉灌田二頃五十九畝
三柄塘 臨江鄉灌田一頃一十六畝

連口塘 德茂鄉灌田五頃三十畝零
毛定荒塘 抱戴鄉灌田八十五畝

後塘 德茂鄉灌田三頃三十餘畝
木窮塘 進賢鄉灌田五頃九十畝

謝家塘 德茂鄉灌田三頃三十餘畝
錄事塘 臨江鄉灌田五頃八十餘畝

可安系志 卷十二 水利 三

神塘 又名聖塘去縣五十里灌田二百頃零唐開元中因風雷摧山壓澗成塘見明一統志

下泥塘 灌田一頃零八畝

上三塘 灌田四頃十餘畝

鄭家塢塘 灌田七十餘畝

上塘 灌田一頃四十餘畝

霹靂塘 灌田五頃五畝

外塘 灌田二頃

西公塘 灌田三十六畝

赤草塘 灌田八頃十六畝

新塘 灌田六十畝

嶺下塘 灌田二十餘畝

萬家塘 灌田二十頃五十畝

下清塘 灌田一頃以上俱臨江鄉以

官塘 清平鄉灌田二頃二十八畝

凌硃塘 欽化鄉灌田一頃九十餘畝

奈塘 抱戴鄉灌田一頃五十九畝零

上塘 盈川鄉灌田一十八畝零

俞家塘 灌田四
十畝零

車門塘 灌田五
十餘畝

西塘 灌田三
十五畝

雙塘 灌田二
十五畝

小龍塘 灌田八
十畝

觀田塘 灌田一
畝

史齊塘 灌田一
九十畝

後山塘 灌田

周山隴塘 灌田四十八畝
以上俱盈川鄉

鄭家塘 清源鄉灌田一
頃二十八畝

後更塘 灌田一
頃九畝

夫塘 灌田二
頃六十八畝

瓦窰塘 七十畝零灌田
七百五十餘畝

余博塘 灌田一
頃二十畝

下平塘 灌田二
頃七十二畝

姜博塘 灌田一
頃二十畝

楊家塘 灌田七
十餘畝

上羅塘 灌田一
頃二十餘畝

河系示

六一二

水利

三

潘家塘 灌田七十畝

余村塘 灌田一畝

胡家塘 灌田二十三畝

雙塘 灌田四十餘畝

新塘 灌田一畝

石塘 灌田四畝

小塘 灌田四畝

上漾塘 灌田六畝

蔣山塘 灌田四畝

大塘 灌田五畝

交塘 灌田一畝

車塘 灌田二畝

陳塘 灌田五畝

荒塘 灌田二畝

楓樹塘 灌田二畝

兔狗塘 灌田六畝

古滕塘 灌田一畝 以上俱清源鄉

地黃塘 灌田一畝

楊塘 灌田一頃

錦塘 灌田二頃

饅頭塘 灌田八畝

長塘 灌田二頃

十里塘 灌田二頃

下方塘 灌田一頃

長雙塘 灌田一頃

箬溪塘 灌田一頃

皮齊塘 灌田五十畝

九河塘 縣南百畝

以上俱在四鄉 按西邑池塘每鄉不下百數 多不勝錄今但仍舊志記之

確課 舊志明萬歷年通縣舊額共確一千二百

十九輪

上確一百一十八輪

中確五百六十四輪

下碓五百五十七輪

浮橋錄據義民徐可進鄭應龍等逐一清查分別上中下等量議供

稅上碓每輪年徵銀三錢中碓二錢下碓一錢通共每年該銀二百三兩九錢本邑原有課程每年額銀一十四兩五錢今既徵稅供橋所有課程即于碓稅內扣除每年淨徵銀一百八十九兩四錢以充橋用

國朝康熙三十六年邑侯陳公鵬年清查現在水碓豁除

荒廢原額上碓六十輪內除荒廢八輪中碓四百五

十八輪內除一百二輪下碓八百八十四輪內除二

百二十五輪釐為定制

按今浮橋諸稅悉不可問而碓課亦久不清釐或廢或興

殊難核載至石室堰簞皮一欵例坐承水碓戶承辦自按畝編銀之後簞皮諸費悉取諸一百十八兩之中而碓戶遂無分毫佐堰務者今業戶捐貲改築袋口水勢順流碓戶之利益溥酌議每碓仍循舊規每

年量出公費輸入張公祠作爲齋工薪水斯確戶與
業戶既無偏享之利亦無不均之費而守祠工費可
不必別籌
所出矣

伊豆縣志

卷十一

三

西安縣志卷十三

津梁

召伯之埭梁公之隄昔賢厚澤深仁其遺跡往往而在非徒駿蹄驢背足恣眺瞻雁齒虹腰僅供題詠已也有心利濟者誠能時其修築謹其隄防則徒杠輿梁歲無病涉亦王政惠民之一道矣志津梁

津渡

舊志四鄉津渡四十六

今增三統計四十有九

東蹟官渡

在縣東十里

府志舊係徽商金梅捐造浮橋久廢

今止渡船一隻詳見東蹟浮橋下

雞鳴渡

縣東十里
雞鳴山下

烏巨渡

縣東十里
開橋

塔下渡

縣東北
十里

清河渡

縣東
十里

後遼渡

縣東二
十里

樟樹潭渡

縣東二
十里

山石航渡

縣東三
十五里

洋村渡

縣東三十五里
名還異原對江穿野店隔路入深村秋水乘新

汲春芽煮不渾舟中

爭上岸竹裏有清樽

安仁渡

縣東三十五里
安仁街

楊萬里詩明發溪山
道是三衢遠穩

掛東風十里蒲

胡曾詩片漿東流下煩襟一半開流

雲隨鳥沒細雨

逐帆來野戍停紅日江村閉綠苔晴

烟連草色堪

賞莫相催

盈川渡

縣東五十里

揚萬里詩

下灘一日抵三程到

波聲病身只合山間老半世長懷客裏情西畔天星
如玉李伴人不睡向人明明陸律詩青草湖頭合舟
開向晚天疎燈孤枕宿細雨片帆懸雁下平莎荻猿
啼獨樹烟風塵隨去住鄉思倍淒然周召詩楊船溯
層波草草娛遐眺悠然興會至欣賞藉同調烟樹開
蒼茫羣峯見奔峭長空鳥白飛澄潭魚可釣待贈非
所堪心願歸衆妙寓眼接青遙而况入雲嶠一葉
倘能容俗腸應可療相與歎緣慳扣舷復長嘯

以上東鄉渡十一

上航官渡

在縣西南

舊志官船二隻渡夫二名

宋陸游詩老馬

骨巉然虺虺不受鞭行人爭晚渡歸鳥破秋烟湖
海淒涼地風霜搖落天吾生半行路搔首送流年

鏗溪渡

縣南十五里

乾隆初里人宋本裕等倡設渡船

一名宋陳

渡 五十八年宋奏鎮倡修捐置田畝嘉慶九年宋日

華復捐地五畝以資歲修

文堂渡

縣南二里

後溪渡

縣南三里

鶴膝渡

縣南三里

蒲潭渡

縣南四里

團圓渡

縣南四里

溪口渡

縣南四里

坑口渡

縣南四里

倉口渡

縣南四里

湘澗渡

縣南五里

大墩渡

縣南五里

航步渡

縣南五里

疊石渡

縣南五里

下步渡

縣南六里

雨潭渡

縣南六里

破石渡

縣南六里

常熟渡

縣南七里

郭渡

縣南七里

舉口渡

縣南八里

楊口渡

縣南九里

松門渡

縣東南十五里

沙埠渡

縣東南十五里

石室渡

縣東南二十里一名仙渡府志官船一隻渡夫一名

鄭國棟詩青霞洞口問游仙野渡舟橫細草邊四五尺深浮雪漲兩三人去伴雲眠沙邨晴泛水中月春岸曉歸天上船何待乘槎通碧漢香津花影鎖風烟余本然詩籃輿出郭門言遵石室路清溪滌煩襟春風引徐步隔岸紅桃開恍忽憶前度槎疑銀漢來人如武陵渡渡口多樵夫神仙或一遇

以上南鄉渡二十五

中埠義渡

大西門外舊志官船二隻渡夫三名按浮橋原在中

埠橋錄載有渡船四隻渡夫四名又云朝京埠原有船夫銀一十二兩係條鞭內派徵今建浮橋經詳一并充入朱公理中埠義渡記衛郡西溪中埠定陽須江二水合流環繞於此其地為四達要津冠蓋輿馬質客行商擔夫牧豎之羣絡繹如織前明萬曆辛亥郡守洪邑令劉俞紳士請募貲鳩工浮舟為梁復置渡船四隻渡夫四名常時則鋪架利行水發則開放撐渡乾隆初邑侯任公之俊因灘高水迅乃移建於朝京埠而中埠橋渡遂廢數十年來城鄉之出入必由者惟藉一葉扁舟亂流以濟又不以時修葺當水潦盛漲沈溺濡首之患數見焉至冬令水退冰霜寒洑篙師艤櫂以徼金錢窘者往往揭跣以進若履刀戟然蓋無力者有病涉之苦而勢不能為有力者因所費不貲事非切已而心不欲為是以日復一日卒無有起而倡之者邑有質行士曰龔峙菴惻然以為已憂獨捐緡四百千採堅木造巨艇二置諸衝往來

接濟利涉者咸便之其嗣君海嶼復厪善後久遠計
割腴產五十餘畝歲可收息八十餘石以食舟子餘
用為修理補葺之資周語曰辰角見而雨畢天根見
而水涸雨畢而除道水涸而成梁此有司濟人常事
守土者責也余典郡時竊有志而未逮旋被
簡命觀察福建興泉永去而龔君一門世繼其美能佐官

政之不及可不謂賢哉峙菴諱垓海嶼名大整賑窮
濟困甃塗架橋善事蓋不一而足喆嗣元禮以兵部
職方郎舉順天庚午孝廉余典試所得士也請文于余余故樂為之記

山溪渡 舊有橋船二隻渡船三隻
渡夫二名今改小橋無渡

通廣官渡 在小西 舊志官船一隻渡夫二名 府志裁
按浮橋錄

云有船夫銀四兩係條鞭
內派徵今詳請充入浮橋

通濟渡 縣西
一里

水亭官渡

縣西北三里

〔府志〕渡夫三名

銀尖渡

縣西南五里

石塘官渡

縣西二十五里

〔府志〕渡船三隻渡夫三名

勾溪渡

一作俱溪在縣西南三十里

以上西鄉渡八

浮石官渡

縣北五里

〔舊志〕北路要津原無官渡居民自置渡

船數艘每年秋成渡夫向各都圖取渡穀以充工食

明崇禎丙午邑令花公上苑從義耆劉士俊王自治

等請轉詳郡守張公文達特為倡募創造民皆樂輸

不費官帑計造渡船四隻

船錄每船底長三十六
用工料五十兩零

砌埠頭一座工價三十兩零買地築室收租倉
銀六十兩零共一百四十六兩踰兩月而告成

善後置產收租以備修葺繼造工食之費議訂初

小修每隻約計銀一兩五錢次年再修每隻約計銀

二兩三年大修每隻約計銀三兩五錢四年重造除

將舊船釘板攙湊外每隻約計銀一十二兩會計四

年修造共銀七十六兩之數渡夫四名每名給與工

食三兩六錢共銀一十四兩四錢除前項募造橋埠

船屋共計五百四十餘金又將本鄉經行都圖三十

六里免其渡穀每甲派銀一兩并已用再助之餘費

買產收租共銀五百五十五兩一錢七分共用價銀

二百六十七兩買得田七十五畝九分二厘地二畝

五厘內基地一畝又地五畝田一畝二分又捐助田

十號給渡夫收租以充工食通共置買并捐助田地

共一百畝二分七厘五毫收租穀一百三十七石三

斗內撥三十二石九斗五升給渡夫收取量以一百

石充本渡善後之需餘租米一石租穀三石三斗五
 升給管祠僧人管種收租以供香火之用又用價二
 十一兩五分買得三十九都一圖一甲李文覺房屋
 一所八間半計丈稅一畝坐落雲溪街井頭邊樓前
 坐西朝東小廳三間門屋一間又坐
 東朝西照屋四間半并基地道院 以上田土俱刊

刻圖形詳載船錄惟里甲捐助之產共租六石六斗

五升多屬各里祭祀產內撥出但入冊記數不入圖

形渡租錢糧收入四十三都一圖舊額共六兩五錢

七分三釐今加派南折等項共計八兩零其渡船四

隻編慈航普渡四字號每字船一隻船式底面帆纜

艙艫高闊應用物件備載錄中

郡守張公濟詩青山何樂我何憂流水宮

山志未酌歲暮春還梅待放凭牕惟見戲閒鷺
生詩緩步遲纖草招尋好放舟花因飛渡冷水并去
帆流顧影疑無地安瀾尚有
秋拍懷愁日暮感慨任沈浮
其田地現交本邑捕廳

承管收租以時修造

亭後渡

縣北五里許

章溪渡

縣北二里

墜石渡

縣北二十五里

五果渡

縣北三十里

以上北鄉渡五

橋梁

舊志城鄉橋梁七十六

今從府志補輯并新
增共四十二統計一

百一十有八

通和橋

大西門外
朝京埠

方輿紀要明萬曆三十九年創置浮

橋長八十餘丈為往來通道舊志即水亭門外中埠

浮橋地當水陸交衝西北鄉民入城及城中出入樵

蘇肩販大率皆由此橋明萬曆辛亥紳士僉謀捐造

浮橋爭輸錢穀郡守洪公纖若暨邑宰劉公有源可

其議推舉鄉紳徐湘等收募助貲共銀二千七百一

十五兩五分浮橋錄勘丈通津河約廣八十餘丈兩

城門下舊埠沿溪砌路一帶計長三十丈橫廣一丈

八尺自溪底用大石砌疊砌十層計高一丈內用石

壘填築上用石版鋪砌平坦接至浮橋架船處另築

大埠高四丈五尺橫闊如之上豎大石柱四根備水

漲繫舟西邊亦傍岸築砌一埠高二丈五尺闊亦如

之兩傍用石脚疊砌上豎繫舟大石柱下砌

路一直接至橋船計造大船二隻起架中虹橋船三十五隻加增四隻渡船四隻以備水泛撐渡橋皮六百六十塊橋架三十五扇大鐵綆四條計二百丈鐵貓八箇中虹帶貓鐵索三百零八股中虹下可通座船上可列几案翼以欄杆兩頭架小碑坊二顏其額曰三衢天塹曰一道長虹人行其上如履平地更爲善後計設橋夫八名常川看守歲給工食置買田地爲修造船隻之需又照蘭谿例以淤地并確稅餘貲增入橋用總計存充橋務銀歲額二百九十四兩七錢五分以儲修理其助置田產稅糧坐喬世濟戶歲該條糧一十六兩四錢四分自明季鐵索散佚幾半而數年間橋銀租稅爲奸胥滑里及地方無賴侵牟無分毫佐橋務者橋遂以廢

國朝順治庚寅年巡道李公際期郡守韓公養醇邑宰成

公晉徵毅然興復勸募里民另製鐵纜修造但不如
向之中虹高架祇浮梁平渡而已其後亦時復補葺
至申寅之亂僅存楫木數株駕諸敝船如橫杓然不
堪間渡矣康熙癸亥之春適有渡船遭覆溺者總督
王公國安目擊感愴捐百金更新之以修葺無資旋
亦廢墜丙寅冬有里民鄭三五者憤奸胥滑里之侵
蝕不貲而橋務一無所賴察舉其踪跡著明者列之
之以聞邑宰曹公而沮格不行及今乃竟不可圖矣

葉秉敬議萬曆二十九年郡守洪公繼若俞縣令劉
公有源之請建造浮橋郡丞葉公時敏其功贊成

士民哀資肇役兩岸八十餘丈橋船四十餘雙兩
 岸砌石橫亘鐵繩橋成行者如履平地且慮歲時
 船及用橋夫看守等項費且不一貲乃徵確稅以供
 用除抵課程銀外歲徵銀一百八十九兩四錢再
 官淤田地塘歲徵銀三十二兩七錢二分又入官
 地租銀九兩四錢置買田地塘歲徵租銀三十三兩
 二錢五分除納租銀八兩四錢外實徵銀六十四兩
 一錢二分三項租銀并確租共銀二百五十三兩五
 錢二分收貯縣庫節年修理并辦繩纜等用餘積并
 充小修大修之費地方感二公之恩立祠橋菴以奉
 長生祿位但節年未見修橋而庫收匣內之銀為管
 庫挪移不可問此項銀兩若不時加稽查修橋之貲
 將何出焉天啟二年郡司馬李公正芳視察西安未
 逾年而所積糧之耗贖之羨約銀一百一十八兩五
 錢二分公欲捐而置之庫中則恐青蚨之能飛而去
 也以為通和橋舊有銀二百五十餘兩雖可為修橋
 之貲然為久遠之計不妨其增多也故將前銀著令
 管橋義民馬應科等買得本縣民人祝乾壽等民田

丈稅三十畝七分一厘折實稅二十七畝九分四厘
交租四十三石五斗隨給佃戶黃良四等耕種時羨
敬在任所未及助工亦附銀二十四兩并託李公發
與管橋義民置田租九石六斗附于李公田租之內
亦作修理之助抑愚又有說焉通和橋每歲有二百
五十餘兩積至五年可得一千二百五十餘兩其于
修理有餘裕矣惟是東蹟浮橋成于徽商金梅一手
今金梅已故其子歲捐銀二十四兩僱夫看橋此外
修理更無從出合無將通和橋內銀兩分為東蹟之
用夫東溪西溪均吾橋也東渡西渡均吾民也一視
同仁不亦可乎巡道李際期通和浮梁碑記衢治城
西朝京渡浮舟為梁始萬歷壬子郡邑賢大夫洪繼
若劉有源從紳士方應祥等十有三人共底乃績更
謀踵事藉腴產若干歲入鏹二百八十有羨備詳通
和橋錄中歷半週甲民稱利賴啟禎間廢且復尋又
廢

能飛順治己丑秋子由督學奉
命巡金衢咨衢士民遂以暢月鳩工越歲火西告竣踐舟

二十有六編木架之廣二尋虹跨中流高視廣川徒
行絕水櫓行絕梁舟距丈有仞維以鐵緹左右抵岸
各千尺制皆從朔旣成借郡守韓君養醇邑幸成君
晉徵酌而祝之董其役則紳士徐國珩徐應瑜徐應
晉余兆斗王大成人助財勸功別勒瑱石並告來者
府志通和橋租
久任奸胥隱蝕坐視不修今康熙四十八年邑令王
君涵熈悉發橋項銀加工修葺得復如舊雖河身視
前稍狹用舟無多而堅固坦平規畫已臻盡善

乾隆四年邑侯任公之俊因中埠水急移建于下首

半里朝京埠之鐵塔底

任之俊移建浮橋碑記政有繫乎疆圉事有關於民命苟

廢墜不舉守土者職之曠矣西邑上通江閩下達省會聯絡京畿為浙東要津西隅一門曰朝京門外去

溪河僅數武正當江常二水合流蓋城與溪實逼處
 此難免衝刷之一不時向有護勘百丈久為汨沒水之
 所及衢城百雉駸駸乎有日圯之勢馬勒下馬頭一
 座凡迎送皇華於斯商賈船隻停泊於斯賓與士子
 長吏蒞任登陸亦於斯上流灘水迅急下有浮橋陰
 截其操舟之不慎而不為衝擊覆溺者幾希矣余宰
 是邦目覩情形修廢興墜與有責也恭逢
 聖天子恩覃九有各上憲澤被萬民之時不憚煩勞營度
 估計先修城勘次移馬頭詳請

題奏均邀

俞允蒙發內帑鳩工庀材先後興舉於乾隆四年七月
 從事城塹越五月工竣自西門迄鐵塔底計新築
 十一丈通長一百二十四丈七尺木石匠工統合一
 切計用帑金一十八百四兩二分三厘六毫其原估
 未及余捐俸以補者八十餘金嗣即移建馬頭於鐵
 塔底斯地水勢寬緩去朝京門不遠國人皆便之長
 廣深闊較倍於舊有二亦半載甫得落成工料所資
 計帑金一千三百八十五兩九錢一分六厘一毫而

原估不及者三百餘金余亦捐清俸以補焉民曰城池固矣馬頭遷矣行舟無患矣切至矣余曰未也馬頭既遷浮橋不設可以使泊者安全能保行者不危乎於是并浮橋而東之與馬頭若輔車相倚然所費工資於額徵唯稅歲修外又捐補一百五十餘兩夫而後城牆無御刷之虞停舟無撞擊之慮行舟無覆溺之患矣穀水蕩蕩固我封疆雲階雁齒利彼舟航孰非我

皇恩浩蕩憲德高深所致歟守土小吏得免曠廢抑何幸也四凶忻喜援筆而為記 五十年寓紳

華潮請于署縣令黃公宗伊捐貲千餘金獨力修建查向有淤碓租稅請委府照廳專理敷用有餘每年由照廳征收租稅將支用過橋工銀兩造冊報銷嘉慶九年春夏雨水過多山源泛漲橋船橋皮衝散其

經費為管理者所以侵蝕任其朽腐有沐塵文生方欽

承父恭驥遺命樂善好施呈請獨力捐造橋船二十

四隻橋皮三百兩令二塊較前更覺寬闊共用貲一千

零三十三金邑侯劉公炳詳請給匾旌獎王登履詩鎖斷兩崖

函日月橫吞
干瀨靜風雷

東蹟橋縣東一方由興紀要陸走龍游府東之要隘也天

啟府志朝京門外有浮橋百年以來惟以舟渡頗為

艱阻前太守洪公纖若縣尹劉公有源同心合議造

通和橋而近者以寧商人金梅獨力造舟橋于東蹟

其難有什百于水亭浮橋者蓋東蹟當水漲時波濤
洶湧浮沈莫必梅目擊之而竊有志也顧時方提空
囊無以率作歲時生息凡數十年乃得金錢萬餘緡
將有事于橋而病作病之日默自禱曰使幸得少延
庶不負此心期乎因得醫呂子惠診治之病良已遂
製橋船二十二隻鐵索二十餘丈捐貲九百餘兩橋
夫六名內三名以渡夫作橋夫而梅復遞年出銀二
十四兩作工食無何梅故郡守林公往來此橋訪問
原委而梅之子亦醇樸自守不亟表父之功太守恐

其泯沒遣人詢工費始略開其大數如此至後來修理錢糧向無所出則所以爲此橋不朽計者當亟爲之所矣舊志東蹟浮橋之建其工費視朝京橋爲少減然彼則以通邑之資舉之以賢二千石有司蒞之僅而獲濟而金商乃以獨力肩鉅任不假鉤金尺木之助于人不誠卓犖慷慨丈夫哉乃其子亦善居功不亟自表暴可謂不愧其父者矣顧通和橋之建于今八十有八年雖數經頽敝猶有遺蛻存焉而東蹟一橋志不詳歲月約略計之似當在萬曆辛亥之後

乃今湮廢已久卽父老亦莫知其踪跡所在豈非以善後之失圖故耶昔人早已慮之稔矣然考之舊志及橋錄于二百五十餘兩之外尙有本府續置田一百畝歲折租銀三十五兩二錢零未經算入宜前人欲以通和之儲分爲東蹟之用也乃奸胥滑里始而侵租繼而匿銀繼而并沒其田又繼而并去其籍通和久自顧不暇矣遑問東蹟哉

以上浮橋二

舊志西邑諸水惟東西兩溪爲大

山則有南北之分放水程皆自西東陸路遂分南北行南路者必從東蹟橋行北路者必從浮石渡而通和橋爲四達之交且東西二浮

橋關鎖二大水口環抱城池尤為郡邑之勝未可聽其終廢也

朝真橋朝真泉府志舊用石平鋪架屋其上為周宣靈

王廟

國朝康熙四十六年疏濬城河里人募貲重建改用捲虹

令高闕以通舟筏建廟如舊規

楊公橋察院司旁舊志郡守楊公準建

顏家橋澄清坊巡警舖對北

彭家橋菱塘雅俗坊東

平沙橋菱塘北金紫閘南

永清橋金紫坊西

獅橋朝真橋下出馬站底太平坊

三鳳橋

鼓樓底

舊志郡守楊公準建

新橋

即東文昌橋在義坊東北隅界上

舊志郡守沈公杰建

寶坊橋

寶坊寺前

舊志郡守楊公準建

今有碑題稱釋恆彰重建

烏橋

里仁坊南

捲虹平鋪石面兩旁有石欄乾隆三十五年

里人吳時珍等募貲重建

以上東隅橋十一

瑞仙橋

即五聖橋在巷口有廟今樓與廟俱廢莫家橋西晴樓

南園橋

即土地橋南園土地祠故名

莫家橋

即仙履橋在東南隅界上

菱池橋

招賢坊正街上池口平路北向程姓園中出水

華豐橋

舊名文昌橋在莫家橋西

范衙橋

華豐樓西首轉灣處

甘蔗橋

老衙巷口以甘蔗衙得名

義姑橋

小西門大街元壇廟東

以上南隅橋八

按舊志華豐樓西有藁薦橋藁薦橋東首護池橋今俱無考惟范橋

甘蔗義姑三橋舊為義姑橋即甘蔗橋者誤也

天王橋

新開河上天王巷北口

新驛橋

新開河上新驛巷北口

箭道橋

箭道巷口西北隅分界

以上西隅橋三

通濟橋

一名高橋在今講舍街西

威遠橋

講舍南義非邊通假山衙

威遠二橋

關帝廟前今廟門跨其上

威遠三橋

逕化龍巷以上為上三橋

新河橋

拱辰門內大街
下通濟橋西

酒務橋

在鐘樓底臨淵
坊東達化龍巷

三橋

忠烈廟前顯忠巷口并
上二橋謂之下三橋

以上北隅橋七

利濟橋

東門濠
上大橋**府志**如南關外迎恩橋式郡守楊公廷

望建

水面橋

東門外
一里

官橋

東門外
三里

烏溪橋

縣東
八里**舊志**原有石虹高捲中立石柱題徐一楫

等修康熙二十五年水推橋壞居民改築平橋

乾隆辛丑年程廷銘倡建

利涉橋去鳥溪橋百步舊志用石版鋪成平橋有舊石碑豎橋

側字跡模糊不能辨

五節橋縣東下沙灣

清湖橋縣東十里

任塘橋縣東十里

橫山橋縣東十里

裏溝橋縣東十里

安泰橋縣東十里

西山橋縣東黃甲山下

三節橋縣東北二十里舊志在黃甲山下章戴埠右邑人徐國

典捐造駕木為之

嘉慶八年近村居民改築石虹題曰廣橋有碑石

山溪橋縣東二里〔舊志〕有兩橋上達郡城下通杭省爲邑

之要津

乾隆三十八年豫民陳斌吳啟周王其凡捐貲建造
又置買田十畝以五畝爲守橋人工食以五畝爲歲
修費用嘉慶九年因橋夫吳長記將田背典橋壞不
修案奉邑侯劉公炳斷飭長記將田回出另點吳國

寶承管

義濟橋縣東北二十里〔舊志〕義民建郡守周命名立石

西界橋縣東二里十五里

塘頭橋縣東三里

雙溪橋縣東三十五里舊志在安仁街二溪分流處明萬曆中

郡守瞿公溥新建

山石橋縣東三十五里山石航有木石二橋

蓮溪橋縣東四十里篁墩貢生葉聞性倡建

尚論橋縣東五里

以上東鄉橋二十一

迎恩橋南門濠上大橋府志舊時用木平鋪凡三截今去其二

易以石虹上用石版平砌兩旁建石欄楯

國朝康熙四十八年郡守楊公廷望邑令王公涵煩捐貲

倡建改名光遠橋

雙水橋

縣南三里

營幕日抄南關外雙水橋康熙間募眾賞

新橋環鎮溪

建造

督催橋工文城南二水交會創浩

作地脈下沙

之庇蔭所關非細務也王登履詩枕

郭溪流還日夜過橋野色逐陰晴

黃公橋

縣南四里

舊志以勝黃巢得名

驛馬橋

縣南五里即落馬橋

舊志黃巢至此落馬不敢入城因名

十節橋

縣南十里

康熙十九年建乾隆二十二年里人宋尙

英修

姜家橋

縣南十里

鄭橋

縣南十里

上新橋

縣南十里

下新橋

縣南十里

項家橋

縣南二十里

營幕日抄康熙間里人募眾皆建

周召

項家橋疏吾邑南鄉之有項家橋也其來舊矣而莫詳其始建之歲月與其人大約項氏之好義者為之也故以姓傳焉其地離城二十里名廿里街更南五十里為江山近江山界則仙霞嶺也為入閩孔道往來冠蓋輿馬仕客行商擔夫戍卒之羣絡繹如織至廿里街則有溪橫截不可涉以有是橋也乃免望洋之歎焉橋之制凡三洞石甚堅木甚巨瓦屋覆其上翼以欄楯可以芘炎寒可以避風雨其有功德于人也甚大且遠然則斯橋也蓋創而不可廢廢而不可不修者也邇以閩逆之輩肆行蹂躪平日所稱為車若雲雨而赤眉青犢之輩肆行蹂躪平日所稱為車蹄硌硌以驅以行若坦途者不可復覩矣里人目擊心為之怛乃合眾力捐貲議鼎新焉功已半矣然木石灰覽之需不能繼則九仞之功恐以半途虧也因議海魁上人者苦行至誠僧也其創三都之大株寺正殿及準提閣力最勤心最敏功最著相率請以來

懇為募化以圖成而上人慨然自任焉則持疏叩門屬余引其端余觀首事諸君之好義也誠而海魁人之任事也勇會見人人樂善其仗助以成盛舉而橋之告竣將在指日矣遂書而付之

柏靈橋

縣南三十里名福星橋

營幕日抄明洪武年里人葉伯明

架木為橋崇禎癸酉年郡別駕湯公瑩邑侯花公上

苑鳩里人葉時有江山毛澄等改建石橋

國朝康熙戊寅年里人葉震生請于邑侯陳公鵬年募建

欄楯

葉淑衍福星橋石欄記跋吾衢為浙閩鎖鑰其上游孔道則以柏靈為仕宦商賈之郵舍街西

有福星橋其水由須江入吾平堰折而南曰上徐潭折而東曰社屋潭更迤邐北行而至橋下曰富龍潭

淳法幽窈深不可測余宗兄震生請于邑侯曹公若輅暨郡侯董公宏毅表斯潭為放生池先是洪武年

有柏靈葉君伯明者以茲地為輪蹄絡繹之衝呼渡
 維艱因架木為橋而苦蓋其上為橋亭未幾燬于火
 里人遂為略約以渡然傾仄速朽不以時修葺則行
 旅苦顛隕崇禎癸酉年署江山縣事郡別駕湯公瑩
 邑侯花公上苑目擊心惻乃鳩里中巨室葉時有余
 學尹吾一貫陳宗廩葉萬象陳和衷高大文葉一攜
 及須江毛澄諸人改建石梁而後逆旅無窘步之虞
 臨流鮮望洋之歎惟是旁無障蔽過斯橋者往往失
 足而墮震生怒乎慮之遂請于邑侯陳公主緣募為
 欄楯以翼庇橋之兩傍越三年而工乃竣里中髦秀
 相與議曰享其成者不當忘所自來蓋斯橋之有欄
 楯也捐俸以經始者鎮府仇公機郡侯張公濬江山
 邑侯朱公彩作文贊其成者西安邑侯陳公鵬年而
 倡其首則惟吾宗兄震生募貲僧覺性亦與有勞焉
 至橋端募建菴亭令僧常住以供香火則又得之葉
 君觀生焉屬余誌之余因述顛末如此語曰豐壤多
 嘉穀廣川富修鮪厚德者必食
 其報人將指斯碑為左券云
 乾隆六十年四月邑

侯許公執中擇立南鄉董事修造約費三千金

馬博橋

縣南三十五里

祝公橋

縣南四十里

後溪橋

一名壽星橋在縣南四十里

受書堂稿後溪橋舊有五洞不知

知建于何時歲久傾圮前守憲梁公捐貲命通府李

公繕治因三山之變輟工尙少三洞未成康熙間里

人請于上憲命僧結茅橋畔募貲完工

周召募建後溪橋疏出光

遠門四十里而近有街曰後溪街由街而南數武有橋曰後溪橋溪流橫瀉路中畫馬地爲八閩衝達往來輿馬若織而無褰裳濡尾之患者惟橋是賴當風塵無警時橋遠近烟火甚稠林木掩映中酒帘飄漾雞犬相聞月夜霜天有茅店板橋之致行人過而樂之所謂五洞者無恙也邇以人馬之蹴踏與霑潦之

衝奔橋遂圯焉向之穹然者不復在目而行者率尋他道以去跋涉倍艱矣先是守憲梁公見之惻然爰捐貲畀通府李公鳩材庇工繕治之所費七百餘金馨鼓弗勝告竣有日矣一旦而罹三山之變厥工用輟然所少者三洞未成石面未鋪而已而去歲大兵入閩築土架木爲費不貲設不及時修補勢必至三洞皆傾愈難爲計非所以畢前功而垂後利也于是地方里老陳其事于上臺請明示議釅焉乃旁觀者則謂西邑之民呻吟未息時詘而舉盈非計也蓋埃諸而識者以爲不然夫興利與除病亦權其事之輕重緩急應行與否耳故功有一勞而永逸暫費而永寧者得之先時者也彼佛宇神祠與人何涉而不吝金錢失之後時者也彼佛宇神祠與人何涉而不吝金錢號稱檀施者一呼而集至于豎橋梁平道路爲時時現在之功人人實受之惠而反至徘徊不顧當無是理况卽募之冠蓋相望舟輿絡繹中又皆目擊而身蹈者有不願破慳囊以成勝舉者哉于是衆皆唯唯乃擇僧之醇謹可恃佛名而儒行者結茅橋畔以俟

往來之大人君子而請焉力之大
小隨緣喜助幸勿致寶山空返也
乾隆六十年南鄉紳士請于邑侯許公執中重建

保安石橋縣南四里乾隆五十五年雙溪鄭大伸鄭大烈

倡建

以上南鄉橋十五

通仙橋

小南門外濠上大橋即魁星坪

魯家橋

上葉溝東頭

下營橋

魁星坪南達養濟院

官莊橋

五穀廟旁

下洪橋

溝坪闌上首吳世椿修造

剪花橋

下洪橋東南

六版橋

童村溝下首

高橋

通仙亭南道溝上

三溝橋

五坪南溝上

虹口橋

五坪下首有案見水利虹口開

半路橋

頭溝內坑上

五坪橋

上洋溝上首

石坑橋

石坑壩下首

上葉橋

十六都上葉

萬福橋

卽溝口官碓橋

上洪橋

官碓橋上首里人洪文魁建

芝溪橋

縣東南二十里

清溪橋

在城南三十五里

舊時架木為橋嘉慶十四年築堤創

建石磴

揚世英清溪橋記治南十三都靖安鄉大洲有水曰清溪發源于平坑之羅樟源經板固

仙壇羅營源口而入于信安溪水經注所云其水分納眾流混波東逝者殆謂此溪向架木為橋春淋夏潦寒裳濡足往來行人每自崖而返乾隆戊申年有尚義士創為倚杓未幾而圯于陽侯之波民仍病涉

者久之先是里人童行珊妻雷氏青年而寡其子中
 泮娶吳氏生子信圭不幸而又寡積貲約足千金願
 為建橋費議初就而雷歿吳承姑志慨然出所藏鏹
 以倡首于是耆老項瑞章詹生序賓及李光岳項大
 章楊聖基汪明彩等踴躍從事而遠近聞風亦各捐
 貲為助謀諸石工價多昂復難于搬運事幾中止吳
 聞之曰是不難余有山一座計稅五分土名古牛巖
 石磷磷可采運亦甚便不虞惑于鑿脈之說者且速
 之訟焉噫亦可悲矣橋經始于嘉慶戊辰七月至已
 已十二月而歲事為石墩者十有三上架以木長四
 十五丈有奇寬四尺五寸兩岸砌石為步俗名之曰
 埠沿溪砌石為堤以護橋址統計所費不下三千餘
 金告竣日邑侯姚公親為落成書女宗令範額
 以表其宅而董事諸人亦以同遵義路匾獎之

礎石橋

去縣城
八十里

以上小南鄉橋十九

山溪橋

即水亭西埠橋

舊志在通和橋西北其源自聖塘下村

東流春夏水勢迅激不可砌石為橋明萬厯間以通

和橋之餘費造橋船以濟

浮橋錄橋船二隻渡船三隻橋架五扇長橋皮四塊

短橋皮八十塊小鐵索二條計四百零二股鐵貓一箇船架有枕常時則鋪架利行水發則開放撐渡僉

定近埠居民為今橋埠盡廢但以獨木貼水為橋水橋夫歲給工食

大或置一船以權宜一時云

銀尖橋

縣西南五里舊有橋今改渡

白杜橋

縣西五里即高橋

鴨橋

縣西十里俗稱壓潮橋潮大橋引其略云舊有石梁

按營幕日抄有募化壓

月姓名俱未載故不錄

柘溪橋一名靈川舊志明宏治己未年郡守沈公杰改

匾曰進賢

國朝乾隆四十一年邑人陳智煥獨建石橋計費千餘金

上坦橋縣西二十里嘉慶十一年里人募建石橋欄楯

立有碑記

干淤橋縣西二十里乾溪橋縣西二十五里

金鉤橋在石塘橋上首大橋在航埠南長澤街北

石塘橋縣西二十五里即航埠橋一作篁步朱彝尊篁步橋詩

果園坊漸遠魚蝦市真成橘柚鄉株株當暑綠顆顆入秋黃輪與村居子經冬自在賞周一敬舟過航埠

詩白版長橋臥穀溪人家勝似灤東西布帆棕纜沿
 流穩朱橋黃橙壓岸低曾對朔風嘗半翅何如鄉味
 擘團臍卜鄰我欲來茲
 隱十笏茅齋一菊畦

信川橋

縣西五十都余村

宋元祐二年建造石橋

洞頭橋

縣西五十都余村

明永樂初開仙寺僧募建石橋後圯

於水

國朝嘉慶四年國學生余承釗捐貲獨造

俱溪橋

俗呼勾溪縣西南三十里

舊志嘉靖丁巳年福惠寺僧德廣

疊石為橋民稱利便

以上西鄉橋十四

拱辰橋北門濠上大街營幕日抄向例五十九都保正修葺今

康熙二十五年被水衝塌邑侯曹公若輅委署縣丞

劉公監督祥符寺僧元明募緣重修周召募修吊橋

路通欵睦為北方孔道使客鄉氓輿馬負擔之羣往來若織泊至城下則吊橋在焉以蹂踐者多而經時

又久數修數圯然未有衝壞之極如今夏水災之烈自趾以及腹與背一旦盡塌者也舊例修葺之役惟

五十九都一圖保正為政邇緣圖次紊亂互相推諉遂作道旁之舍矣蓋其壞已甚則鳩工庀材為費不

貲實非一圖所能任而為之長者又無點金鞭石術也邑侯曹公膺其責蓋不勝仰屋而歎焉因思署糧

衙事務劉公者才幹優長心地尤好邇者石室堰一役彈力經營業有成效于是推誠以委之而祥符寺

僧元明又以遍募信施為已任某間之天下之事無大與小也大抵孤掌必難鳴而眾擎則易舉况城下

之有橋猶人之有咽喉也壞而不修則咽喉梗矣當此天晴水涸時行路之人尙能褰裳拄杖不于於參差亂石中蛇行猿渡而過迨至風狂雨雪冰澌雪沒之際其顛踣相望而至于裂膚折脛者可勝道哉此自朝迄暮出入往來之衆無不身受其病者顧可以隔膜視之而不思同心合力以圖利涉久遠耶劉君用是捐俸刻日興工僧元明則執簿以告于衆姓或助銀或助米或助木石或助人工以共成斯舉而屬余書其端末如此某自兵燹之後復罹奇災貧老日深力不能飲助徒以空言代邪許蓋愧汗幾浹背云

乾隆四十五年菱塘義士劉炎捐貲倡建劉雲蒸劉宏淳等襄成之約費千金有奇

高橋拱辰門外二里舊志橋北之田皆承橋南之水舊以木爲

橋布以木規隨作隨壞成化間義民王玩輸資易以

石芴鑿石為渠自後水得通利人便往來

雲溪橋

在縣北二十里

舊志水自寶山一帶而東至雲溪下黃

甲山入大河舊有石橋長五丈洪水推壞居民共僧

人自得重造砌石堅固行人便之

按雲溪之水有二源一出狀元峯一

出官塢逕包珠山合流至雲溪遶黃甲山會激港兩岸桃柳掩映彷彿罨畫五雲溪故名舊云自寶山一

帶而東至者誤

下頓橋

縣北二十里

雲莊二老橋

縣北二十里

章戴橋

縣北二十五里一名東津

舊志

水從沙潭下雙橋杜澤遶妙

山前章戴埠入大河宋紹興四年郡守李公信甫屬

寓居故徽州通判陳玃率眾力為之嘉定八年魏豹

文重修

毛憲章戴橋記章戴之水夏秋淫潦輒奔放洶湧紹興甲子橋壞官責四里正僅成略約

以濟隨圯李公信甫來典州顧察吏曰橋梁之設有

先於東津者乎以錢二百萬屬寓居故徽州通判陳

玃召匠慮材經營締建寺丞蕭公忱繼之捐錢且百

萬參政婁公機時知西安縣亦捐二十萬總錢一千

五百萬陳公董視斯役不憚寒暑橋成纔幾年而石

將泐木將撓前官告院陳君汝一日訪予曰先君有

志東津橋殆無遺力今漫弗訾省實所甚懼盍為我

籌之余曰今太守魏侯下車甫期月政平訟息事有

可為次第畢舉君盍試以東津之役言之陳君是余

言詣郡白前故魏侯亟領納曰此郡邑責也遂屬役

庀工越三月役終侯取廢寺及沒入官之田可四十

畝贍僧匾畫周盡足利愆永落成之日東西行者歡

欣呼舞是役也陳君得以成其先子之志魏侯又有

以成陳君之志一舉而兼二善焉是不可以無述

明萬曆丙辰改鋪石面

祝家橋

縣北二里十五里

赤山橋

縣北二里十里

下方橋

縣北三里十里

舊志長八丈石礮七重駕石平橋雖非

京省要津而北鄉行人賴之

吳村橋

縣北三里十五里

皮溪橋

縣北三里十五里

下墩橋

縣北三里十八里

舊志計長四丈餘梗山寺下曩有石橋

康熙二十八年被水衝毀寺僧賢明募建經始于三

十年落成于三十三年

蓮花橋

縣北四里十里

舊志水自邑之三十四都上方過峽口

東下至洋村山石航入大河龍蘭徽睦杭省北路往來必由之所舊有橋架木爲之宋紹興二十七年易之以石歲久水漲毀壞間用木筏撐渡時有覆溺其址向在一里之上溪流雖狹而水迅

自前康熙初年有僧濟澄號乾敏來自靈隱寓蓮花寺偶寒夜風雨中感墮水呼聲設願構此橋另結茅菴勸輸遠近改置橋墩于一里之下溪流雖廣而頗安舒用石砌墩高三丈捲石梁五虹每虹水門闊四丈橋面闊一丈六尺兩端五墩共計長三十五丈石版羅

鋪橋面砥平如鏡旁探青石為欄分列左右一百二十
十檻下臨溪潭三里許為放生池捕魚者相戒不入
經始于康熙己酉九月落成于庚戌冬杪計費四千

金洵西邑溪梁之最勝者

王登履詩長虹偃臥蓮華座靈鷲飛來祇樹園胡以

說蓮花橋偶興詩蓮花橋上望風細動春衣飲水一
虹靜見人雙鷺飛看雲生石磧訪竹到僧扉昨夜潺

潺雨朝來
沒釣磯

乾隆二十二年蓮花寺僧悟光募貲重建

宣風橋

縣北四十里

舊志向無橋梁水漲為虐明萬曆己卯

葉秉敬創造石橋今名葉公橋

下金橋縣北五里水自芝溪而來東遶蓮花港入穀江為

龍蘭要津舊有石橋嘉慶九年改建虹梁凡五洞長

二十三丈五尺濶一丈七尺約費七千金合鄉募建

西山橋縣北五里錦旋橋縣北六里

以上北鄉橋十七

通都橋

舊志無此橋按營幕日抄有督催橋工文未詳所在其略云通都一橋為緊要津梁行旅必由

時不可缺曩以洪水衝頽病涉已久雖經設有浮筏成纜而擔挑肩荷競渡是虞業行鳩工辦料督造合

亟飭催歲工云云

西安縣志卷十四

古蹟

三古多奇九邱難讀媧皇之柳忽中夜而移河墨胎
之薇更長生之在隴後世武夫襲玉麈鼎出塗仙人
有井非一葛洪宰相爭墩坐兩安石矣夫西子之宅
欲徙苧蘿廣陵之濤頓遷越岸豈往事相馬牛實今
人之河漢信安舊迹莫神於樟莫譌於石將軍俱故
雨飄出寺之花帝子不來風斷臨江之珮問綠龍而
字銷尋朱雀而橋圯夕陽喬木流水空山所由深李

白宣城之感也志古蹟

舊州子城

宏治府志在城之東東西為兩夾門皆有

樓南設門與麗譙相值環城內有馬路居民築為園

圃僉憲曹英開闢橫闊一丈二尺監郡伯顏忽都築

為新城今存舊址

信安城

天啟府志信安故城在西安縣南六里方輿

紀要相傳在今城西

程俱九日與叔問登城樓詩雉堞曉登千嶂抱縠波秋淨一溪

斜

盈川廢縣

太平寰宇記在州南九十五里

方輿紀要府南九十

里 唐如意元年分龍邱縣西桐山玉泉等鄉置按西

有刑溪陳時土人畱異

陳書畱異傳梁元帝以異為信安令

惡溪有刑

名改曰盈川蓋取盈滿之義因為盈川縣元和七年

正月又廢此縣以其地併入信安舊志在縣東四十

里

上寰宇記方輿紀要里數皆誤

城址仿佛猶存有祠祀盈川令楊

炯又有舊城隍廟其下潭水至深丹崖翠壁牧唱漁

歌上下不絕

陸律詩茲地舟行數懷人思惘然盈川經此日流水自唐年廢邑叢春草荒山

入暮煙昔賢不可作開筍讀遺編李應陽詩五月盈川道蕭然水石幽開篷納風氣鼓櫂濺灘流渚鳥閒於客巖松澹似秋揚侯為宰日秀句滿滄洲文正詩川流瀾瀾起輕波一片寒煙引權過才子從來為傲

吏風光今日付漁歌碑殘冷蝶飛秋草堞壞饑
鷓鴣女蘿采采蒹葭何處是艾公洞口夕陽多

宋西安縣舊治 舊志舊治在先義坊距府治五十步

又謂在子城西北三里居仁坊元初燬至元二十八

年尹王茂徙於禮賢門外嘉慶坊大德八年徙府治

西至大三年始徙今仁壽坊

宋貢院 明一統志織染局在府治西北宋為貢院元

至正間改為局

徐日曦宋貢院詩雕龍迹已空濯錦

水亦涸文章變歌舞掖庭夢如昨野
花秋斑斑寒煙晚漠漠蝴蝶
蝶吹西風繡衣亦零落

元錄事司治 天啟府志在府治西仁壽坊即今西安

縣治

元萬戶府

〔方輿紀要〕

元置鎮守保甲萬戶府〔信安志〕

在錄事西居仁坊

元蒙古學

〔宏治府志〕在府西北四百步金紫坊至元

十八年始設教授

南園

〔宏治府志〕在郡城有春風樓

登春園

韶光園

〔宏治府志〕並在郡城

菱塘諸園

〔天啟府志〕郡城東隅今卽楊公河〔舊志〕塘

闊近百畝中有長堤亘數十步環池島嶼縈紆竹樹

茂密東有邵祭酒之野航趙別駕之雪齋劉二卿之

壺中天宇余旬公之東湖道院趙安慶之更碧樓劉

南安之退庵西有劉江陰之別墅毛紫薇之水國秋

陸衡陽之環勝

舊志今察院後皆為田城中腴產也其地名塘田大率即此塘之淤墊而成故有此名相傳元末此地仕宦最多閭閻極盛號

金紫街明開平王破城時被兵燹無遺市廛室廬既

廢塘遂無主漸至淤塞或由於此胡森菱塘懷古詩

小朝廷壞金甌失眼見西湖老葑塞烏衣王謝此城

東樓閣潭潭俯沈碧白楊何妥青楊蕭名家祇隔宛

虹橋引鯨才子能操施祀馬詞人解謚簫別有豪家

大堤畔彩鸞簾額垂銀蒜紫雲明月出波中絳樹歌

聲落天半頗黎十頃搖青天百年蜃氣如飛煙斷釵

折戟破地得鰲面野老鞭春田君不見襄陽岸淮河

曲豬鬪笑殺習家池蚶泥污滿嵇康竹白翎雀雁商

聲空江城畫角吹西風
淩歌何處水煙滅瑟瑟斜陽秋草紅

雁序館

名勝志在郡城西唐咸通中刺史趙璘與其

弟處州刺史瓚會別之處

皇華館

陸游奏乞奉祠畱衢州皇華館待命詩世念

蕭然冷欲冰更堪衰與病相乘
從來幸有不材木此去真為無事僧
耐辱豈惟容唾面寡言端擬學銘膺

尚餘一事猶豪舉醉後龍蛇滿剡藤

按舊志藝文載放翁此詩題中節去皇華館三字而皇華館標題又將放翁寓舍偶興五律載入今從劔南詩稿改正

崇蘭館

圖繪寶鑑趙叔問居三衢治園築館取楚辭

之義名之曰崇蘭嘗與陳簡齋程致道從容其中命

貫道為之圖及令畫史各繪像其上乃賦詩焉翼大

崇蘭圃詩王孫自瀟灑容易退丹墀卜築有仙地連
吟香草辭虎頭添畫頰龍種出奇姿太息未千載高

風孰
與期

龜峰堂

輿地紀勝在府治內

雙檜堂

晏公類要在州衙宋開寶七年建刺史慎知

禮記

得意堂

趙抃宿故梁子得意堂有感示諸梁英少詩

遺訓素諄諄先生冢尚新門風競蘭玉鄉譽動簪紳
戶牖宵排燭琴書晝拂塵子孫為學盛宜有起家人

獨清堂

名勝志在殷浩廟側清獻舊遊之地

姚寶燧獨清堂

詩清獻清不俗物有琴鶴龜龜鶴亦放去但留一琴
隨材是雷氏斲銘為蘇子辭彈何必無絃撫何必無
詩清風而濟世淵明或難之故應名其堂非以矯世
移牆東尺咫地遷客餘空祠高名豈不立蒼生何所
期代往無刻責哀來生涕洟
四顧難久停夕陽草離離

清陰堂

名勝志在南禪寺趙清獻舊蹟

崇恩堂

天啟府志在西安縣狀元坊內宋留怙登進

士仕至開府建以寓報本之意

雙石堂

輿地紀勝在州治廳左宋紹聖中守孫賁建

承澤堂

舊志在孔家廟西子孫祭畢燕享之所

夢山堂

在孟瀆坂宋寓賢王珉作

陳傳經夢山堂詩格天有閣峙西湖

煙雨樓臺錦繡鋪眼底吳山真錯愕夢中少室未模糊嵩陽蹠馬歸何日穀水盤龍臥一圖莫更臨風思良嶽卿雲掃落鐵浮屠

思政堂

天啟府志在郡治宋守張嶠作

張嶠思政堂記郡既作堂

於廳事之後榜曰思政蓋取子產政如農功日夜思之以為名也舊志今改明德堂

超覽堂

宏治府志郡守吳興施公作

毛升超覽堂記見藝文鄭仲熊

詩萬壑雲山橫遠翠千家樓觀挂斜虹徐嘉詩峭玉高峰環地起潑藍遠水拍天流風亭月榭千家樂幾

幹銅枝古木稠徐大思詩咄嗟高棟倚層空振古奇
觀驚未識桃花春暖意如迷東雨聲來雲潑墨天青
一紙雁橫書雪
白千林梅著色

景高堂

宏治府志宋蕭忱作於郡治之後圃

聞人阜民景高

堂記大理丞永嘉蕭君忱以面對論當世務切於民
者上嘉納之於是剖分左符至衢訪民疾苦抑損先
已期年民益安之郡之後圃初有庫屋五楹荒圯特
甚乃仍其舊敞以軒楹環以流泉爰即中楹列三賢
繪像清獻公里居孝弟所應繪事而范太史之系實
寓居超化寺代有令聞視衢為歸紹興制旨且命范
氏經理司馬文正之緒范所寓則文正公之所寓也
乃以文正太史三像參繪清獻名其堂曰景高使元
祐風烈奮厲乎百世之下豈特
為登覽煙雲嘯咏風月已哉

雙桂堂

宏治府志在府治西韓徽猷宅

費履升雙桂堂詩誰知龍

額亦王孫壞屋秋風徧草痕惟有
婆娑金粟影夜深還落故侯門

塵外堂

天啟府志在郡治

毛升塵外堂詩地勝無遠
遙渺然契高躅山色澗窗

屏爐煙淨花竹玩世久忘名采真
固疑獨門外三尺塵先生睡初足

昭慶堂

宏治府志在郡城和豐門內宋吳煥建

中和堂

徐夢龍復建郡治記郡治舊有堂曰中和

高齋

方輿勝覽在西安縣治北舊志宋趙清獻公歸

建此齋有十詠後人肖像於此祀之又有濯纓亭逸

老亭水月亭皆朱文公書扁

葉少蘊避暑錄話趙清
獻公自錢塘告老歸錢

塘州宅之東消暑堂之後舊據城闌橫為屋五間下
瞰虛白堂不甚高大而最超出州宅及園圃之中依

爲州者多居之謂之高齋既治第衢州臨大溪其効
 不遠數步亦有山麓屹然而起卽作別館其上亦名
 高齋既歸惟居此館不復與家人相接趙抃退居十
 詠軒外長溪溪外山捲簾空曠水雲間高齋有問如
 何樂清夜安眠白晝閒有高齋池閣孤清欄碧流太
 虛懷抱物華秋圓蟾默有中宵約幾點閑雲爲我收
 右水月閣魚不能言似可哀竭池千數共徘徊穀江
 深處呼童放羨爾優游得所哉右放魚少年親手植
 雙松畫愛層陰夜聽風今日歲寒踰五紀也應心似
 主人翁右雙松暑威何處稱疎慵百本修篁小檻東
 時遣清風送消息此君都在不言中右竹軒動入和
 風靜惹煙翠條疎處露池蓮林中最是能吟物春有
 黃鸝夏有蟬右柳軒密徑修筠郊外居小亭隨意傍
 歸與等閒早暮攜筇到池沼東頭是舊廬右歸與亭
 亭上秋登遠目明濯纓誠不是虛名晴波一片如鋪
 練浮石江心徹底清右濯纓亭累歲辭榮得帝俞老
 來天幸更誰如腰間已解黃金印歸有田耕二頃餘
 右負郭田鳥巨東西氣候秋子湖岡隴暮雲浮欲觀

古佛叢林地只用憑欄一舉頭右望南山又濯纓亭
 七律靜處高齋畫杜門溪亭來往間開樽釣臺逸老
 心非傲浮石仙人跡尚存對岸煙林雙佛寺隔灘風
 笛一漁村濯纓豈獨存吾志清有滄浪示子孫蘇軾
 寄題趙閱道高齋詩見公奔走謂公勞聞公引退云
 公高公心底處有高下夢幻去來惟所遭不知高齋
 竟何義此名之設原吾曹公年四十已得道俗緣未
 盡除伊臯功名富貴俱逆旅黃金知繫何人袍超然
 已了一大事挂冠而去真秋毫坐看猿猱落置網兩
 手未肯置所操乃知賢達與愚陋豈直相去九牛毛
 長松百尺不自覺企而羨者蓬與蒿我欲贏糧往問
 道未應舉臂辭盧敖錢紹武高齋次東坡韻詩世途
 奔走空勞勞先生勵節風雲高功成名遂足恬退心
 惟淡泊安所遭構齋故園稱疎放不矜勳業齊蕭曹
 七條冰絃彈獨夜一隻野鶴鳴寒臯林泉之樂樂如
 是奚戀當日冠與袍卷簾空曠更清絕塵累詎使留
 纖毫脩篁萬竿松百尺想見瑩潔冰玉操浮雲富貴
 直何有盡付流水漂鴻毛伊人可懷德音杏白駒在

客鹿食蒿至今手載繩

還執此身安得從游敖

按舊志逸老亭逸誤送今從于奕正天下金石志改

正藝文內水月閣作池亭望南山作巨山今從清獻

本集
改正

齋 趙抃題葉坂梁氏南齋詩我愛黌堂用意精義

方垂訓為趨庭學雕白玉期成器教積黃金不似經

滿架簡編終歲樂擁門松竹四時青諸生有遂登榮

者一月光能掩衆星

怡顏齋

胡翰怡顏齋銘序衢之超化寺昔朱子呂

嘗寓焉寺故有雲山閣怡顏亭悉廢矣惟朱子所書

亭扁石刻余於祝仲文家見之仲文有吏能退居委

巷遂名其齋曰怡顏乃為之銘

徐崇奎怡顏齋詩紫陽逸老精藍筆一日

陶潛小室開淒絕南朝煙雨色只畱蕭字載歸來

雪竹軒 名勝志在郡齋有屋二楹中檻植竹敲風擊

雪音韻鏗然

王紹義雪竹軒詩官齋燒楮夜色明西園此君抱清骨與客同歲寒泠泠自

生韻皓皓方當軒神若受月冷意豈因人濫鶴聲亦夏夏愁損青琅玕

徵夢亭 晏公類要在州衙東 唐豆盧署建

鍾輅前定錄豆盧署

初名輔真貞元六年舉進士下第將游信安以文謁郡守鄭式瞻甚禮之因謂口子復姓不宜兩字為名因書著助署數字以與日子當自擇之其夕夢一老人謂曰聞使君與子更名當四舉成名四者甚佳後

二十年爲此郡守因指隙地曰此可以建亭既寤思
之四者署字也遂以爲名既二年又下第以爲夢
徵後二年果登第蓋自改名後四舉也太和九年自
祕書少監爲衢州刺史既至周覽郡內得夢中所指
地遂建一亭名曰徵夢亭葉日蔡徵夢亭詩浙西有
亭名夢兒靈運寄養曾在茲浙東有亭云徵夢豆盧
游宦遠堪追人生蟻穴一夢耳無非造物游戲之當
其下第來信安神曰定名四者宜詎料廿年後守此
台符適成一段奇作亭周覽郡治內夢裏指點如列
眉嗚呼黃梁未熟一生了夢中說夢何其癡莊周蝴
蝶頗自在蕙帳
一空猿鶴悲

龜峰亭

輿地紀勝在舊郡治內

浮石亭

在拱辰門外浮石渡嘗考舊志有孟郊崢嶸

嶺爛柯石詩後讀郊集又得浮石亭詩或恐非此地

因讀趙清獻集有浮石仙人遺跡在吾廬江畔釣魚磯又浮石仙人蹟尚存合之郊詩結語知其為此地也獨怪浮石仙人事前志不載僅見於二公詩世競

傳柯山事而知此者寥寥豈仙人傳不傳亦有數耶

孟郊浮石亭詩曾是風雨力崔嵬漂來時落星夜皎潔近榜朝透迤翠瀲遞明滅清深瀉欹危况逢蓬島

仙會合良在茲

盈川亭 韓澆礪泉日記李習之來南錄庚子止楊盈

川亭今時不見盈川亭不知何所也辛季延盈川讀李翱集感賦詩

一川煙靄住帆迷石泐亭荒草滿蹊桑落碧怙寒岸北穀波紅冷夕陽西江湖鷗夢三洲遠文字龍門六

代低畢竟才華輸此
傑空教鳥籍付昌黎

臨江亭

李習之來南錄辛巳至衢州以妻疾止行居

開元佛寺臨江亭後

綠筠亭

東坡題跋愛竹能延客求詩刺挂牆風梢干

纛亂日映萬夫長谷鳥驚碁響山僧識酒香只應陶

靖節解聽北窗涼清獻先生嘗求東坡居士作綠筠

亭詩曰此吾鄉人梁處士之居也後廿五年乃見處

士之子瑄請書此本紹聖二年四月十三日

按施注蘇詩題作次韻子由綠筠堂山僧作山籬王
注題下注熙寧元年戊申作僧亦作籬解聽俱作會

聽

觀瀾亭 宏治府志南禪顯聖寺圃西鄰大溪趙公抃

作亭扁曰觀瀾費淳觀瀾亭詩斯人日以遠清德藹

妙自然縈迴頗有態正如辟者容盤旋更可愛受性本不狂雖落固非隘如何崇峭厲搏激使之怪迺知

至人心淵默欲無壞

月坡亭 天啟府志郡守吳興施公作毛拜記李晉明

見菊詩初陽散微和稀露耿餘明引花吸其精助我

養修齡人生憑化遷日夜枯與榮聊為寂寞游放此

真率情又我懷淵明真千載猶神交重吟九日詩風

節殊未凋良辰不再舉秋氣日以高淒颯送落景餘

霞斂塵霄萬象為我役天機亦良勞摩挲膝

間桐感此爨下焦時時出奇音散我心鬱陶

來月亭

輿地紀勝在郡圃蓮池跨橋疊石築亭於上

榜曰來月

朱理來月亭詩碧處俄生白淵然秋氣清過橋人獨立出竹鶴先迎玉尺魚雙跳銀

河雁一聲摩挲襟上色昨夜酒痕明

觀稼亭

天啟府志在城隍廟南下視平遠青山入雲

為城中偉觀

鄭萬育觀稼亭詩滿堤芳草碧穆穆活水穿塍護蔚藍愛煞農忙三月好雨蓑

煙笠畫江南

風亭

宏治府志在郡城吳興施公德初建舊志疑即

今雩觀亭在埭堰西南挺出一道如臺界於濠間今

為雩祀之所

洪邁風亭記吳興施侯德初登城西邊立屋兩楹而名之曰風亭凡亭之見遠

則與山謀近則與水謀憑闌而左萬室了吾目中右顧悠然村春相而漁唱響也予為寓客侯飲於其上因記之王登賢雲觀亭晚眺詩覽勝隨詩客登城坐古亭樹凝煙靄紫山入畫圖青牛背村童笛鷗鄉釣叟船儻然塵慮息風御快洽洽

雨亭 宏治府志在郡城

竚舟亭 毛拜竚舟亭記太守吳興施公元之治衢明年作亭西溪之上既成請以竚舟為名而記之

蒙泉亭 天啟府志在府治平山堂後泉上

風月亭 天啟府志在郡城

闔山亭 天啟府志在郡城

黃敏德詩夕霏斂翠綃曉雲拖素練
闔山亭詩遠峰悠然

毛拜闔山亭詩遠峰悠然近峰轟然出作亭以延

之入眼青突兀何人切雲冠凜凜相映發有如衆君子可望不可屈平生謝宣城愛山甚飢渴笑談了官事獨往寄超逸捲簾新雨霽伏檻孤雲沒遙知樽俎外秀動龍蛇筆朝來有爽氣不待羣木脫心賞信無同佳人渺天末

平山亭

嘉靖府志在退堂後元大德癸卯治中陳孚

作自紀以銘今改曰大觀亭

舊志即今游矚亭

日遲亭

明郡守瞿溥日遲亭記三衢多靈山惟石室

以爛柯著去郡治稍近因建亭于上取昔人春遠日

遲之意顏其亭通志亭在柯山青霞洞側邑令陳鵬

年重葺名曰柯山亭

葉淑衍修柯山亭記見藝文

古蹟

豐樂亭

舊志在府治後嘉靖七年郡守王公建今廢

方豪豐樂亭

記見藝文

捲雪亭

輿地紀勝在郡城航遠門外俗稱水亭門

快雨亭

康熙間郡守張公濬建有記

見藝文

聚奎亭

周召聚奎亭記在通仙門外長濠遶郭由西

而東碧水演漾一望無際有亭翼然宛在中央

詳見藝文

女樓

宏治府志在龜峰崢嶸間唐會昌中崔耿為郡

守重作名曰東武以識世封

崔耿記見藝文

按東武樓碑記唐郡守崔耿撰會昌二年立見諸道石刻錄天啟府志譌為耿自古舊志亦承其誤今改

正又復齋碑錄載崔耿有東武樓碑
陰詩會昌二年九月鐫今無考矣

雙檜樓

羅隱重過衢州弔孫員外詩雙檜樓前日欲

殘

永清樓

熙春樓

宏治府志並在郡城

華豐樓

天啟府志在西安縣西地名橋下舊志元王

中都建

王逢衢川華豐樓望柯山江郎石詩華豐樓
信美登望久脚躡木落偃王廟天寒姑茂墟

屏開山石遠青鎖洞霞虛
不有從親役乘風振佩琚

延月樓

元葉氏別墅在城南有畫卷

朱卓延月樓畫
卷記解縉延月

樓詩並

見藝文

城西舊樓

王世懋二酉委譚衢州城西層樓下臨衢

水頗稱壯麗上有四大字云飛閣流丹余刻一詩而

去

王世懋城西舊樓詩雨合煙霏望不窮層樓百尺似浮空清迷橘袖寒山外白點鷗鳧細浪中遊目

豈須吾士貴賞心偏為散人雄不知醉後題姑蔑可

得東陽八詠同徐之凱初學集白暉山夫子於署中

獨地得王麟洲先生遊郡城西樓詩碑借友人屬和詩忽窺珠玉莓苔下如見登臨煙雨中

空中樓閣

在九仙巖唐徐安貞隱此

陳聖澤空中樓閣詩仙人營別

館結構凌丹邱絕壁一千仞中天十二樓憑誰控黃

鶴攜我臨清秋日暮野雲合徘徊空復愁交正詩樓

外天風花片片巖邊苔雨篆斑斑如何不見飛仙迹

只有白雲時往還龔大欽詩仙靈朝罷跨鶴回窗裏

鑪煙渺無迹又好風朗月

延入樓霓裳一曲彈清秋

文會閣

宏治府志在郡齋節唐刺史季殷置二石處

迎暉閣

崇禎府志覺林院有迎暉閣趙抃程俱舒清

國陳俊卿皆嘗賦詩

舒清國迎暉閣詩藹藹復依依

靜忘飛僧自眠黃葉人多夢翠微雲邊時見鹿飲水近禪扉

稽古閣

困學紀聞衢州稽古閣書臯陶謨于屏其上

梁文云臯陶著稽古事三朝稽古之君孔子與斯文

為萬世斯文之祖

按宋大觀二年九月乙丑大興學校詔天下州學經史閣皆賜名稽古見陸游婺州稽古閣記則衢州稽古閣自在府學王應麟于淳祐二
年任西安主簿故紀閣中及之

思魯閣

舊志在縣東孔氏家廟後下奉

夫子及

开官夫人木像像長三尺許蓋自端友孔公隨高宗南

渡時抱負以來者吾郡士人得以歲時瞻仰亦有生

之大幸也

鄭鵬飛思魯閣詩敢云於越非曾到遂謂斯文不在茲

雲山閣

名勝志在郡城超化寺後城上**明一統志**宋

守張嶼建

趙子畫雲山閣詞調寄憶秦娥臨高閣亂山平野煙光薄煙光薄棲鴉歸後暮天吹

角斷香殘酒情殊惡西風趁起梧桐落梧桐落又還秋也又還寂寞

從山閣

夕佳閣

環映閣

景高閣

宏治府志並

在郡治

橫山閣

通志薩天錫有題烏石山仁王寺橫山閣詩

薩天錫詩千尺青蓮座煙霞擁地靈山川幾繡屐日月兩浮萍鳥沒天垂海龍歸水在瓶深堂說法夜應有石頭聽

芙蓉臺

宏治府志郡城崢嶸山舊芙蓉臺在其處方

本芙蓉臺懷古詩遠翠寒猶在高臺迹已空將軍餘戰地四面看芙蓉

采月臺

明一統志在府城中宋時築鄭孔庠采月臺詩八萬二千戶

光景玉盈指幽人學采吸夜夜踏秋水

景高臺

明一統志在府城中

四宜臺

康熙間郡守張公濬建有詩并序見三衢稿

殷浩宅

元豐九域志在西安縣基地猶存土人號曰

殷牆天啟府志在西安縣南六里信安故城中浩在

晉為中將軍建元間北伐為姚襄所敗廢為庶人貶

居于此其址猶存道旁有小石室其神為介冑之像

毛奇齡過新安殷浩宅示田甥詩有序浩北征廢徙
後惟韓甥隨經年因詠曹顏遠貧賤親戚離送甥江
涕泗橫流予過信安城南宅乃不覺有傷于心亦示
甥云爾當年殷浩南遷日無復親知相伴行今日一
過殷浩宅教人流涕對韓甥胡森訪殷浩宅詩神州
嗟陸沈北伐事已晚桓氏開英聲露志日驕蹇朝廷
急內訌前席起蜚遁功名喪祖劉危事付嵇阮一跌
果不振遂冷叛臣眼東山亦養望淝水業不損此豈

必天幸兒輩實超健驅雞猶有官縛虎竟脫圈江左
悲奈何穀水清可浣胡為仰溫面一函至再掩詎至
鬚齟羞竹馬獨繾綣咄咄今不聞書空雲一片又南
山晴日斜叢祠鬧簫鼓坐上殷將軍猛氣塞殿廡書
生事不幸勳伐墮榛莽竄入麋鹿羣何更獬豸伍山
民喜殺伐銷金壯厥武巾扇笑諸葛裘帶陋羊祜兜
牟與瑯戈裝滿一軀土軍雖化猿鶴厲必戮豺虎捉
塵實亡國不如執干櫓里巫跳舞來靈風若有怒莫
陳羲之詞神
淚落成雨

陸宣公宅

舊志贄至衢見龜峯之秀南有爛柯北有

浮石遂僑寓于城北置田千畝後以德宗召入長安

捨田給大中祥符寺遂建祠繪像於本寺右首春秋

祀之

姚寶燧陸宣公宅懷古詩姑昧富山水陸公會
此居盤龍方得地飛鶴有除書諫草歸金闕天

花送玉琚寺門聽
粥鼓千頃繞春渠

鄭革宅

〔宏治府志〕西安屹石山隱者鄭革居其下夜

見光怪訪其處得古劒戟二

〔柯燈〕鄭革故居詩欄風
清若琴巖月白如霧龐

公棲隱處賞心若可遇蒼
蒼煙樹中精靈自來去

任大中宅

〔趙抃寄大中秀才詩〕憶君人少與買舍穀

江頭

王安宅

〔名勝志〕西安翠微山宋招討使王安所居〔龔渭〕

王安故宅詩斯人高躅何人繼鶴怨猿啼幾
百年我欲梯厓架一广自驅黃犢種山煙

陳師錫宅

〔宏治府志〕在府治西南隅宋崇寧間陳師

錫謫居于此民愛其賢故稱陳殿院宅

成默宅 在禮賢門外

詳隱逸

毛自知宅

舊志臥龍山下為宋狀元毛自居所居

孝弟里

宏治府志在西安縣北五里初抃喪繼母與

弟拊廬墓縣令過勗榜其里曰孝弟築闕立表樓鑰

為書忠孝之家陳仁玉清獻公集敘開慶己未仁玉

自講厦受遺馳至太末未至城里許見有表曰孝弟

里者知為清獻趙公故所居也題顏漫漶門堠欹傾

惕然不自安亟遣葺之而以蘇長公所書扁刻之

郡守

林明倫出北郊過孝弟里有感并序
 衢州北門外三里許有孝弟里宋清獻趙公讀書處也其右數百武
 即公廬墓之所康熙辛丑有富豪艷沙水之勝以計
 構求之將窀穸于其側券既成協鎮馬公璘捐金贖
 焉昔公在衢有八政至今猶載口碑此其一也適過
 北郊感其事因志以詩清獻盡人倫風清孝弟里遙
 遙數百年厥地生荆杞堪輿術誤人棄天論地理豪
 右然其言誠詢葬伊邇公為保茲邱慷慨典簪珥我
 愧泣三衢覽古感秦否藉斯仗義人清
 獻得不死公餘出北郊苔深舊廬址
 按林詩見移庵集其言馬公捐金贖地事洵足慰前
 賢於地下而為豪猾之警矣查乾隆間復有某盜葬
 越國夫人古穴者嘉慶二年紳士具呈公稟奉前守
 朱拘禁押遷可知營地理而昧天良卒有敗露之日
 且必不能昌其後也
 謹識於此以戒後來

慈幼坊

舊志在北隅今為縣治

梅巖精舍

宏治府志宋宣和間郡人毛友子拜鄭可

簡子待問隱居不仕築室梅巖扁曰梅巖精舍余懋中梅

巖訪古詩青溪甲第爛成灰別墅荒涼謝壑哀倒地

疎花寒魄死遠巖怪樹戰聲來仙人騏驎排雲仗詞

客虹蜺吐殿材安得凌霄齊握手更鋪瓊海擲干杯

范崇模訪梅巖精舍詩幼輿邱壑未忘情弔古寒山

感慨生失去琪花空礪水飛來巖葉作秋聲金船飲

罷人千里銅鉢敲殘月一楹我欲雲間騎白鳳橫吹

玉笛徧

江城

橋南書院

陸游渭南文集橋南書院記吾友西安徐

載叔豪雋人也博學善屬文中年卜居城中號橋南

書院詳藝文

東莊 徐載叔藏書之所見劔南詩稿注

陸游寄題徐秀才載叔東

莊詩次公醒狂何必酒直諒多聞真可友萬籤插架號東莊多稼連雲亦何有今年偶入長安城不識貴人呼作卿南臺中丞掃榻見北門學士倒屣迎郎官酸寒誰肯顧君來下馬談至莫東莊雖富未可矜更要縱橫開武庫

釣漁庵 在崢嶸山東北隅考宋陸放翁題徐載叔橋

南堂圖詩雪盡春生水似藍想君清嘯釣漁庵南宋

士大夫別墅多在城東北隅意此庵在菱塘舊地也

今為涪蹄矣葉鶴仙與張筠莊徐晴江諸君過之作

詩云陸公與友定非俗載叔何人知者無多少朱門

蓬塊裏一竿何處認珊瑚

洞庵 宏治府志在郡治塵外堂旁

倚雲山房 崇禎府志在青峒峰方應祥徐日久讀書

處 范珏倚雲山房詩山中數間屋讀書方與徐心共

白雲遠聲和清磬疎開函千古破良會一庭舒蓮座西風冷來尋舊日居

葵圃 明徐可求築中有予逸軒鴻石堂靜園六清渚

磬折溪小青霞佛閣寧澹齋木石居問葵堂擬雲山

閣凌湖芙蓉灣月波橋梧井水雲鄉丹房壁觀齋露

臺玉照亭畫舫小友軒青來館萬卷樓蒼蒼閣松風

磴翠微嶺可求自有詩而應臬爲之記或謂卽古淩湖葵翁又自疑爲清獻高齋遺址徐日嚴詩淩湖古跡牛桑田此日開渠意宛然何三畏詩太末之城東北隅陂塘蕩漾古淩湖可得其彷彿矣應記甚詳惜已軼其前段葵圃詩選入藝文

白蓮池

〔府志〕在府學東普潤庵後

相傳正誼書院卽其地池尚在水甘

可飲嘉慶初重建書院掘地得一古碑隨爲工匠毀棄

石橋

唐信安王禕有柯山石橋詩見藝文

〔朱理遊石橋詩〕晉代

樵人去唐年刺史來丹虹誰一跨白鶴欲飛迴樟日寒巖淨松風暮壑哀六朝詩格在守護亦仙苔

仙人碁枰

在爛柯洞

陳聖洛觀爛柯洞仙人碁枰詩

門巒觸消此一局看未應惜斧柯馬鞭亦摧爛今我來山中木葉春幾換楸石如砥平黑白已漫漶洞口雲陣馳夜中星斗煥不聞剝啄聲山花紅歷亂

和風驛

舊志宋紹興中郡守襄陽張公建廢久基址

無考

毛升和風驛記見藝文陸游詩驛門上馬十峯雪寺壁題詩一硯冰

按舊志藝文載文信國信安驛詞雨過水明霞潮迴岸帶沙云云非衢之信安也考

欽定

日下舊聞引永清縣志云縣南信安鎮即古信安軍也北隸永清南隸霸州文信國被執北行次信安館人供帳甚盛信國達旦不寐題詞於壁乃其地也舊志誤載故附記於此

小峨眉峰

名勝志

在郡治前唐乾符間刺史季穀置

砦龍山得石長六尺許取置文會閣宋淳化間郡守
 慎知禮移植於此積土為峰後遂譌為郭璞墓紹聖
 中郡守孫賁發之因得此石移置堂中宣和間郡守
 高至臨復移歸故處相傳為峨眉山正壓郡治故置
 此以對之因名小峨眉明郡守李遂又發去雙石植

遊矚亭之側有記

張邦基墨莊漫錄衢州廳事下舊有土勢隆起相傳云古冢也舊有

碑其文云五百年刺史為吾守墓以此前後相承皆
 畏而不敢慢紹聖元年齊安孫賁公素為守問之左
 右以是對公命毀之官吏大恐公曰藉令土中有賢
 者骨當以禮法遷之乃為文自祭而除之廟深丈
 了無他異但有二石峰長五六尺堅瘦洵潤又有
 木根蟠踞其下羣疑遂定石上刻云乾符五年五月

三日安於此押衙徐諷龍山起此石處得二石刺史
季某題又刻云開寶七年重疊峨眉山於廳事前於
郡齋文會閣移季公之石安置於此刺史慎知禮題
時公素方修州治南韶光園重建清冷臺堂成乃移
二石於堂下名曰雙石公素可謂剛毅正直自信之
君子也田汝成桂林行記嘉靖十七年遷廣西布政
左參議以七月七日啟行癸未過龍游行三十五里
宿安仁鎮甲申過衢州府治有土埠號小峨眉峰或
言郭璞墓也知府李邦良竟遷之得石筍長六尺許
勒云唐刺史季毅置歲久湮沒土中形若覆釜譌為
郭墓云乘風行二十五里宿石塘街
李遂記見藝文田有石筍行不復錄

戰龍松 在柯山相傳有朱晦菴書戰龍松三字碑乾

隆間猶存斷碣今失去

周召詩綠字已銷龍戰
樹紅亭空隱鹿鳴山

古樟樹

舊志在縣東十五里蔭地百餘畝徐之凱初

學集遶樹得三十四步

胡森過樟樹潭詩幾千百年潭有氏三十四步盤高村雷

霆無聲醜魅去風雨不戰獍龍奔城門一本作頭衛石橋五枝其耳孫樟公若此人叫絕豫章過客鏤吟

魂注城門句本吳越備史

五枝樟 在柯山石梁側

王榮綬五枝樟詩名山具仙靈茲木亦奇變交枝自聯合

接葉互蔥蒨會應見彭侯服食凌霄歎